

中國方志叢書·華北地方·第四九一號


據

清光緒二十一年刊本  
清·周澐修，高錦榮纂

影印

河南省

# 靈寶縣志



SK23/01

成文出版社有限公司印行



\*10107362\*

中華民國六十五年 月壹一版

# 靈寶縣志

全三冊

發行人：黃成助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

重修靈寶縣志卷之六

邑署 令 涪陵周 金 陵方 昨 勳編次

藝文志上

詔序 詳記

疏狀

書啟

辯考

立言為三不朽之一取其與功德相表裏蓋豐功懋德亦藉言而傳也靈邑素稱文獻名區披閱舊志得所謂詩文記序若干首又遠稽近考廣為搜輯擇其善者而登諸簡編要期精深古茂昔賢芳躅猶存淹雅博通名士風流未泯庶幾文章道德並重儒林立德立功同垂不朽云爾志藝文

詔

靈寶縣志

卷之六

藝文上

詔

一

唐文宗昭獻皇帝詔

太和七年正月詔曰朕承上天之眷佑荷列聖之丕圖宵  
旰憂勞不敢暇逸思致康乂八年於茲而水旱流行疾疫  
作沴兆庶艱食札瘥相仍蓋德未動天誠未感物一夫失  
所其過在予載懷罪已之心深軫憫惶之慮如關輔河東  
去年亢旱秋稼不登今春作之時農務尤急若不能賑救  
恒至流亡京兆府賑粟十萬石河中府絳州各賑七萬石  
同華陝虢晉州各賑十萬石並以常平義倉物充

詳

請蠲第一詳 康熙十九年十一月邑令 江 繁

看得靈邑戶口凋傲地土拋荒積逋難清官民困累已極  
若不為民請命亟請豁除則存戶更逃熟地益荒終成莫  
可救藥 卑職 謬膺民牧期於撫字催科矢心報 國及至  
蒞任隨據士民控告荒累者紛紛不已檢查節年積逋大  
駭心目 卑職 不敢畏難憚勞竭蹶催徵多方勸勉三月以  
來熟糧照數輸將無容玩緩惟荒地錢糧人戶逃亡閭閻  
印墟有一甲止遺數人更有空甲全無人戶彼空甲無人  
者自不可問而寥寥數人者若再重加刑比必至又成空

靈寶縣志 卷之三 藝文上 詳 二

甲遯其病源蓋因土瘠民貧兼以天禍此方災歉頻仍民不聊生遂致挈家遠徙迨額賦無出前官不得已挨隣尋族責里問甲層層牽累相率爲長去不返之勢矣十五年前任知縣尙天祿以材能調移靈寶靡不殫精竭力招逃復業然以荒糧未豁節年欠賦虛懸招回復業者耒耜方施新徵舊欠交迫甫集之哀鴻仍成驚弓之飛鳥歷年民賦虧缺遠不及考惟就前縣交盤冊籍稽核尙令經徵帶徵自康熙十三年起至十六年止除該令賠補外 藩憲墊解過銀八千六百有奇方得結局十七年 奏銷則未

完倉口銀一萬七百五十四兩零十八年 奏銷則未完  
 倉口銀九千五百七十五兩零 甲職 職任民社當此軍需  
 孔亟何敢輕言豁免但荒糧一日不除逃民終無返期  
 國賦終難補益縣官徒受誑誤流離凋殘將來未有底止此  
 不得不痛哭直陳仰冀 憲仁者也伏懇 憲臺垂恤  
 恩賜轉達 上憲遴委能員臨縣逐鄉清丈俯將實在荒  
 糧 恩賜 題豁庶現在之子遺不興適彼之念而未歸  
 之愚氓仍懷故土之思緩此黎元爲

朝廷億萬年之供輸 洪恩盛業靈民焚祝於永世矣

第一請覆詳 康熙二十年三月

江 縈

覆看得靈邑逃荒一事 卑職蒞任之始即據士民紛紛控

籲因事關 國賦不敢造次徑詳及細加確查數月之後

備悉地方賠累之苦已經通詳 各憲懇賜具 題請豁

隨蒙 院憲批行 藩司轉行 憲臺確查荒缺情由敢

再為詳悉陳之竊靈寶一邑自鼎革之初人民逃竄地上

荒蕪於順治二年蒙巡撫帑 題蠲銀七千二百二十八

兩零止徵銀四萬二千三百二十一兩零七分百姓勉力

輸將瘡痍猶未盡起迨順治十年間前任撫院賈 撫豫



之時奉 文開墾足額從前府縣官希圖陞轉將原荒地  
畝有作新墾有作隱占自首者自順治十年起至十八年  
止共造報起科銀一萬七千二百九十三兩二錢六分零  
其實熟糧僅四千二百有奇餘銀俱屬捏報百姓逐年賠  
累戶口逃亡縣官徵比不前於康熙八年九月內蒙撫院  
郎 特疏 題蠲減銀八千二百九十九兩八錢尚餘荒  
地無徵銀四千七百兩零未盡減除蓋緣前此有司以爲  
報墾未久隨復請荒恐前後矛盾故不敢盡數申報以致  
錢糧節年懸欠迨至康熙十二年復因前府王 親圍村

丈糧攤派包賠又將沿河灘地但係上中按畝加徵其逃  
絕人口拋荒地糧責令本里本甲包納徵輸挨親問族一  
人逃則累一戶一戶逃則累一甲展轉株連人愈逃地愈  
荒卑職按數確查合計無徵之銀九千八百六十二兩六  
錢六分三厘五毫此荒缺之由而逋負之故也雖十六年  
以前奏銷俱報全完然節年缺額皆係薄憲墊解府  
縣賠補完結非盡能如數徵解目今十九年錢糧尙有萬  
餘未完合之十七十八兩年逋欠共計三萬有餘以數年  
之積逋作一歲之徵輸新糧舊欠交相追迫小民救死不

瞻奚能堪此若不亟請蠲除無論已去之民不返即見在  
之子遺亦成逝波難返之勢民生日蹙國賦益虧是不  
得不亟爲披瀝詳陳者也合再仰懇憲臺俯念靈民困  
苦恩賜轉詳遴委能員履畝清丈實荒實逃造冊題  
豁造福生民功垂萬世矣

請蠲第二詳 康熙二十年十月

江 蘩

覆看得靈邑民逃地荒節年錢糧拖欠未完百姓賣妻鬻  
子株累包賠敲朴之慘不忍見聞以故國賦久懸逃亡  
更甚卑職據實通詳蒙本部院軫念民瘼復加詳慎檄

委 憲臺暨 驛道履畝查看委係寶荒寶逃造冊詳  
報當經 本部院爲民請命覆核具 題靈邑萬姓歡呼  
莫不引領頌祝仰望

皇恩俞允咸謂流離播遷者自茲漸可安居復業矣乃內部以  
向係全完竟以無庸議覆已經奉

旨欽遵在案靈邑士民哀號震天擁塞縣庭泣稱荒糧不除斃  
於刑杖者枕藉填於溝壑者載途情詞迫切懇請再詳具  
題 卑職 下吏微員焉敢復爲詳請曷瀆 憲聰但百姓之  
顛連已在湯火閭閻之陷溺速求救援事有不敢齎陳而

不得不再陳者情有所甚迫而勢有所甚急也卽如部  
覆所謂向係全完者十五年尙令以才能調補靈邑甯敢  
遽謂催徵不力卽受叅罰惟有竭力賠補勉副考成故十  
六年以前報作全完亦出於萬不得已及至十六年以後  
筋疲力盡十七八九年俱有逋欠未完合計三萬有奇節  
年 奏銷底冊可查非係全完可知至於前府縣各官不  
行請豁者蓋因吳逆倡亂以來軍興旁午需餉浩繁 朝  
廷尙開事例以益軍需尙敢輕議豁除因循至今遂至敲  
骨吸髓剜肉難支若以從前取有並無包賠控報印甘各

結爲據是就當日邀功者而論非就今日之受害者而言也前府縣各官希圖加級紀叙勒令里老出結申送貽害無窮流毒至此况十七八九年未完錢糧俱係荒缺無徵今部覆不允一概追比勢不得不責尋里甲親隣強令包賠彼明知數年積逋聚爲一歲之徵判骨難完相率而去將見徵比日嚴杖頭之血肉徒盈逃亡更多櫃上之銀錢無幾缺額愈甚日深一日爲民牧者撫字有心而點金無術繪圖有手而叩

閤無門可爲痛哭流涕長太息者此也再查本年七月內

戶部覆甘撫巴 題爲地方凋殘等事疏稱階文等五縣  
州所康熙十四年起至十八年止應徵錢糧委官踏看實  
荒實逃並無捏報 題請豁免 部覆以既經該撫查明  
取結送部應准豁免奉

旨依議欽遵在案是靈邑之荒逃與階文等州縣事同一例今  
未蒙 俞允邑之殘黎難免向隅之泣懇祈 憲仁比例

補牘再疏 題請豁免靈邑生靈感 恩世世矣

請蠲第三詳 康熙二十一年正月 江 蘩

覆看得靈邑包荒地畝錢糧缺額情形屢據士民控懇 甲

職 疊經詳請已蒙 憲臺通詳 院 司業蒙撫憲兩次

具 題 大部仍執前議竟以靈邑錢糧如有包荒何從

前府縣各官不行請豁况勸墾地畝前經府縣各官併里

老具有並無包賠印甘各結議覆不准蠲除奉

旨依議欽遵在案切思 大部之始終不移者惟此從前之印

甘各結為可據也士民之哀籲號呼反覆泣陳者亦即此

從前印甘各結為不足信也卷查順治十六年彼時府縣

各官希圖加級紀叙借稱自首勸墾兩項各色捏造印官

里老並無捏報包賠各結以致錢糧逋欠日多百姓逃亡



且甚延至康熙八年間經前撫郎將自首地畝錢糧特  
疏題豁是從前之荒糧府縣各官未嘗無請豁之舉若  
以印甘各結遂足爲據彼自首地畝當日亦有印甘各結  
何以獨蒙

皇恩俞蠲是印甘各結既不可信之於前矣則今日之勸墾地  
畝亦同當日之自首地畝一時出結者安見自首之印甘  
各結爲不可信而勸墾之印甘各結爲足據乎從來民爲  
邦本任土作貢此致治之本源而萬世之常經也若不終  
請豁除國賦愈致缺額殘黎日見逃亡較之今日更甚

矣茲據閩邑士民瀝血泣陳再行哀控早職冒昧瀆請合  
無仰懇 憲臺終始垂 恩俯賜轉詳三疏復 題乞請  
豁除庶

九重可達而萬姓可甦感戴 宏恩如同覆蔭矣

疏

請蠲第一疏 康熙二十年八月

延撫董國興

為備陳異苦等事該臣看得河南府靈寶縣行糧地畝包  
荒甚多皆緣前此府縣各官捏作丈出勘墾名色妄報起  
科迨按畝徵糧全無熟地司道等官不行清查請豁遂至

百姓包賠苦累日見逃亡戶口既損熟地亦復拋荒歲額  
錢糧益多逋負縣官惟坐待叅罰闔邑士民身受重困悉  
懷朝不保暮之心該縣據士民呈詞具詳到臣隨批藩司  
確查復經委令道府親詣踏勘去後茲據布政司郎詳  
稱河南府知府呂驛塩分守道杜親詣該縣逐里查  
勘共計實荒地一千二百一十八頃六十三畝零共該荒  
糧銀九千八百六十二兩六錢零備造地畝等則花名銀  
數清冊取具道府縣印結併開順治十三四五年捏報丈  
出併勸墾地畝與順治十七八年奉文行查包荒不行

查明混出並無懸坐印結各官職名以及康熙七、八年不  
將懸報荒地盡數查出請豁併康熙七年以後又有復荒  
地畝不行清查各官職名分別 赦前 赦後呈請 題  
豁前來除 赦前各官職名備載司詳無庸重叙外 赦  
後不行清查復荒地畝之官見經查報荒地請豁似應免  
議查見在入冊徵糧地畝乃 國家惟正之供况值軍需  
浩繁之際何敢輕議豁除第靈邑士民身受荒糧包賠之  
苦逃亡日甚逋負日多若不急爲請豁目前以俟招來復  
業之後漸圖勸墾則荒地終無復熟之期熟地實有復荒

卷八 3

之慮逃亡逋負將何底止臣念軍需固當急籌而民瘼尤  
宜軫恤臣身在地方目擊百姓疾苦不敢不據實入告仰  
懇

皇上洪慈俯賜允豁庶重困之民不致逃亡而見熟之地亦免  
復荒矣

請蠲第二疏 康熙二十年十月

巡撫董國興

臣查靈寶縣從前包荒地糧雖經全完皆係有司畏懼考  
成嚴刑敲朴不顧窮民賣妻鬻子勒令包賠并希圖勸墾  
緝叙罔恤民瘼捏具並無懸坐包賠印結以致百姓受苦

日深負累逃亡迨接徵各官又因連年兵餉浩繁未敢詳請除豁年復一年逃亡日衆逋賦愈多至康熙十七八九年積欠銀三萬有奇節年 奏銷案內 臣與布政司郎知縣尙天祿等俱經 部覆議處 臣與司府等官非不自愛功名竭力督催該縣非不自畏叅罰多方徵比無奈地荒民逃追徵無策經年累月並無報完此其當日捏報勸墾包賠荒糧萬難追徵之明驗也今靈邑包荒地糧雖奉部覆未允豁除但該縣士民身受包糧賠累之害萬苦難支見在孑遺實望

皇恩豁免得以更生若將包荒無徵地糧不准豁除仍追貧民  
賠納恐有地殘黎復行逃亡賦稅愈致缺額各官空受叅  
罰終於

國課無補臣身在地方目擊百姓賠累逃亡復據士民迫切

陳情與司府縣官復詳請豁不得不據實再請

皇上軫念民瘼 恩准豁除庶逃亡可冀漸歸荒地可以復墾  
實為培養將來輸賦根本之至計也

請蠲第三疏康熙二十一年三月二十九日

布政司護理  
巡撫事務 郎永清

爲備陳異苦情形懇祈據實籲請上便 國計下甦民命  
事該 臣 看得靈寶縣地畝包荒錢糧懸欠前撫臣董疊據  
該縣官民備陳包荒苦累情由業經兩疏請豁 部覆以  
豫省勸墾地畝俱取有前府縣各官並里老並無包賠印  
甘各結如果有包荒錢糧彼時豈不題明等因隨檄藩司  
轉行遵照去後嗣據靈邑士民赴省哀控復請懇豁荒糧  
又經前撫臣批司查議茲據該司詳稱當日原未取具里  
長並無包賠甘結其出具印結者乃係報墾各官希圖邀  
功捏造緣該縣有懸坐自首與捏報勸墾二項地畝均屬



無徵之徵前任知縣恐錢糧數多格於部議且將懸坐  
自首之地詳請題豁未將捏報墾地畝一併申請豁  
免因循至今百姓賠累難堪相繼逃亡以致康熙十七八  
九三年錢糧逋負益多等情覆詳請豁前來臣查靈寶縣  
包荒地糧前經道府親詣踏勘實在包荒地一千二百一  
十八頃零共計荒糧九千八百六十二兩零節年拖欠未  
完經徵經催各官節經叅處無奈地荒民逃追徵無策殘  
黎徒受敲朴各官空被叅罰於國計民生毫無裨益此  
項荒糧若不急早除豁仍累見在窮民賠納恐逃亡日甚

賦稅愈缺臣身在地方目擊靈邑士民身受包荒賠累之苦伏讀康熙二十年十二月二十日

恩詔內開康熙十七年以前民欠錢糧該督撫查明保題到日豁免欽此是錢糧之拖欠在民者尚准保題豁免况其爲民間節年包荒賠累之數敢不仰體

皇仁再疏入告懇乞

皇上軫恤民瘼俯賜允豁康熙二十一年五月初七日 題本  
月十二日奉

旨依議

謹按蠲荒始末一編前令補齋江公精誠之書也靈邑當包荒之餘幾至戶滿啼鴉爨盈茂草矣公適當其際目慘心傷以救焚拯溺之情發爲痛哭流涕之語一請不允至再再請不允至三漉血披肝 天闕啟關

俞旨既下萬民其蘇前此替替哀泣之聲頓改爲陶陶歡笑之

狀

濬遠 讀其詳疏激切之論不憚批鱗援辯之言勿虞速

謗竟得行其志而遂其請竊嘆斯舉之非偶然耳當日有公之詳無府道司之轉請不行也卽有府道司之請無撫軍董公護撫軍郎公之相繼入告亦不行也同心同德上

下交孚嗣今著斯土者室家安集官斯邑者歲額全完曷  
可忘

聖恩之浩蕩與諸賢之經濟也耶 濬遠 重修縣志凡流風善政

悉載謳歌祝頌之文爰備錄詳疏載諸簡編俾千秋萬禩  
被澤者飲水思源居宰者採芝探本云爾 邑令崔濬遠識

狀

舉散騎常侍楊憑自代充兵部侍郎狀

權德輿

右狀准建中元年正月五日制常參官上後三日舉一人

以自代者前件官曠度偉才明誠直道卓爾山立不隨波  
流自踐朝倫時推公器話言形於風槩聲猷發於事業庶  
政根本在於南宮臣以庸虛五贊其職憑積望實未階茲選  
物議時情共知不可輒量力以循分期類能以審官庶允  
至公以明朝典謹錄奏聞謹奏

乞虢州第一狀

嘉祐三年上

司馬光

右臣不避斧鉞傾瀝危懇臣本貫陝州夏縣邱壟宗族俱  
在彼中自先臣亾歿及臣服闋以來十有餘年守官未嘗  
得近鄉里止曾一次請假焚黃得展省墳墓中心念此朝

夕不忘近日方欲上煩朝廷陳乞家便一官又爲自判吏部南曹未及一年及陝州側近州郡俱未有闕所以未敢陳請今竊知已降勅命授臣開封府推官於臣之分誠爲榮幸然臣有此私懇須至披陳加以稟賦愚闇不嫻吏事臨繁處劇實非所長必慮不職以煩司寇伏望聖慈特賜矜察除知虢州或慶成軍一次情願守待遠闕庶得近便灑掃先塋或上件處所無闕乞且歸館供職候有闕日特賜差除

乞虢州第二狀

司馬光

右臣先蒙恩授臣開封府推官臣爲久不曾到鄉里及日  
知才性疲篤不任劇職曾奏乞知魏州或慶成軍一次奉  
聖旨不許辭免就職以來已踰半歲體素多病牽強不前  
竊知魏州卽今有闕臣欲乞依前來所奏差知魏州一次  
或已除人卽乞候主判登聞鼓院尙書省閑慢司局有闕  
日差除一處庶幾守官不致曠敗

乞魏州第三狀

司馬光

右臣伏自去歲聖恩除開封府推官以來臣以久不到陝  
州鄉里及資性篤下不任劇職兩曾奏乞知魏州或主判

登聞鼓院及尙書省閑慢司局不蒙聽許臣以開封府重  
難之處不敢更有陳情今竊知已降勅命除臣判三司度  
支局院竊緣臣稟賦愚鈍素無才幹省府職任俱爲繁劇  
去此就彼皆非所宜若貪榮冒居必致曠敗內省倖忝誠  
不自安欲乞依前來所奏差知虢州或主判登聞鼓院及  
尙書省閑慢司局若俱無闕則乞知絳州乾州或在京閑  
慢差遣一次干冒宸嚴臣無任懇切戰汗屏營之至

書

答薛虢州謝石月屏書

司馬光



日前令嗣先輩訪逮出手筆並石月屏爲貺捧玩不勝愧  
喜比來數於都下朋從處見此屏觀其天質圓瑩非刻非  
繪如秋過氣清迥然在望信乎天地之異氣山澤之殊寶  
也素心悅之無從可得豈意一旦不煩懇請坐致握中性  
本疎野雅叶所欲雖受文錦十純白璧百雙在光之愚未  
爲重賜謹當滕閱箱笈不忘惠好耳氣序瘴暑信後少想  
休勝俗故匆匆久不遑修謝尤增悚懼先輩注官甚便想  
加慰喜未期接待倍希珍厚

啟

上虢州太守啟

宋 蘇 軾

伏審光奉宸恩寵分郡寄惟此山河之勝宜膺師帥之權  
凡在庇蔭莫不欣怵切以宏農故地虢國舊邦周封同姓  
之親唐以本支爲尹富庶雅高於二陝鶯花不讓於三川  
韓公二十一篇風光咸在賈島五十六字景色如初有洪  
溜灌溉之饒被女郎雲雨之施四時無旱百物常豐寶座  
金銅充牣諸邑良材松柏瞻給中都至於事簡訟稀瀟灑  
有道山之况魚肥鷗裕依稀同澤國之風自非巨賢不輕  
假守故來者未嘗淹久而優恩已見遷除非總一路之轉

翰則入六曹而侍從前人可考新命何疑伏惟知府某官  
學造淵源道升堂奧精誠盡天人之蘊高明窮性命之微  
中外屢更功名茂著銅虎暫淹於百里朱旛聊寄於三堂  
仰望精微俯臨民社命倏星言而夙駕思成久道化其民  
某仕版寒蹤賸僚俗吏久仰圭璋之望素欽星斗之名豈  
謂此時獲依巨庇惟良作牧已興來暮之歌謠有隕自天  
惟恐別膺於綸綍無任丹懇倍切馳情

辯

澗水辯

邑令 周慶增

舊志載宏農澗注出朱陽鎮藏牛谷魚腹寺之石窟中至縣西入河又載門水注引酈注門水卽洛水支流海經所謂陽華之山門水出焉者也不詳其方域蓋不知澗與伊瀍俱入洛而門水則獨自入河也攷書云澗水東以其爲洛之西界非謂水在王城西者俱可冒以澗名也地志云澗水出宏農郡新安縣東南入於洛新安在今河南府澗池之間今澗池縣東二十三里新安城是也城東北有白石山卽澗水所出酈道元云世謂之廣陽山然則澗水出今之澗池至新安入洛也又按地里今釋澗水出今河

南府澗池縣東北白石山至洛陽縣西南入洛則澗之不  
隸靈寶明矣又攷水經洛水又東門水出焉此正與海經  
陽華之山門水出焉相合傅氏寅曰余考門水下流爲鴻  
關水今謂之洪門堰在商州洛南縣東北至靈寶縣西入  
河今檢靈寶四至詢之父老無所謂門水者知舊志所載  
宏農澗卽門水也按是水從朱陽鎮來海經所謂陽華以  
其在華山之陽故又曰華陽卽今朱陽也而朱陽西南界  
連洛南考古徵今是水之卽門水又明矣乃舊志不審澗  
字爲門字之誤而以洪門堰近因訛爲宏農澗又不考澗

池東現有新安城因地志澗水出新安乃於沿革內漢徙其闕新安以故關爲宏農郡卽注以澗得名是竟以新安爲靈寶矣安得不誤門水爲澗水乎余叨邑宰於郊圻封守有申畫慎固之責故於二水相去數百里訂其入河入洛之異以証舊志之外誤冀爲博雅之一助云

老君原薈

卯顯極

志載老君原在縣東南三十五里上有老君觀傍有塚曰老君塚攷李耳自柱下西遊至函谷尹喜迎入關著道德經於大河之濱卽今縣治之北所謂老子故宅老君原離

舊關三十里山不甚高而層巒崇阜或亦仙翁所棲止者  
故後人立觀祀之其傍之塚相傳爲老君埋骨之所考老  
子著經後卽西度入流沙不返曾經過雍州講經於蓋屋  
縣今尙有講經臺此地有塚信以爲老子真死矣然則講  
經者何人人流沙者何人所埋者又何人乎所謂塚者特  
以土阜似塚且在觀邊故土人訛傳耳又有惟誕之論謂  
老子能化身此羽流欺世之言吾不信也故辯之  
考

秦漢函谷關考

杜 勤

世際昇平重關無戍况函谷近在中州不煩守備秦漢故跡久漸頽湮雖生長函谷間未易備道其始末蓋天下之平久矣然考諸史冊其詳固有可言者古函谷關在桃林故城之西南十里昉自周室世稱柱下史老聃過此關門令尹以望氣識焉乃著道德經五千言至今相傳有著經處卽此地也周衰秦窺天下增修函谷以爲保障西據高原東臨絕澗南接秦嶺北塞黃河其地多深山大谷一人守關可以當百由是函谷之名遂雄天下漢興遷山東豪傑於關中以爲帝都關以外間分諸侯王故其時處關內



者民以爲榮樓船將軍楊僕起家新安以關外阨焉乃請  
諸朝盡捐家貲爲闕於新安此秦漢函谷所以異也函谷  
據秦晉咽喉爲中原必爭之地當七雄并吞時秦甲出函  
谷動稱數十萬函谷左右無甯日齊孟嘗以鷄鳴走函關  
怨秦嘗率齊師及韓魏抵關報秦秦割三城以講百姓憊  
焉秦亡項羽挾章邯入關至新安夜坑秦卒二十萬諸侯  
從者十餘壁莫敢正視虜劉更甚自漢高帝諭關中函谷  
四百年吏民安堵迨其衰也諸侯並爭曹操嘗以鐵騎數  
十萬西討馬超命許褚鑿道於函谷舊關之北十里濱大

河以轉運騷動極矣民生其時何其慘哉今天下一家金城萬里函谷關僅存許褚所鑿故道及新安楊僕所建遺趾而秦關舊蹟無復存者自非考諸史冊烏能備其詳哉詩有之彼黍離離彼稷之苗蓋傷古跡之不復見也過函谷者能無慨乎然吾謂關之廢其即世之盛也與

西樓考

卯顯極

按西樓在虢城虢城歷代更置不常而名亦各異至隋義寧三年始置虢郡唐改置虢州五王互治盛極矣西樓之建應在此時樓在州城上即古所謂麗譙也或曰在城外

爲遊人請讌之所又曰卽紅亭驛是唐人所謂西亭者以  
余論之唐至今千餘年虢城僅在頽垣卽有殘碣亦風雨  
剝落不可辯誰復摩石而識前朝者乃靈志尙載西樓而  
西亭不與焉史闕耳地亦有幸不幸焉覽舊志謂西樓在  
虢州城西以昔人有只上郡西樓之句故誤爲在城西不  
知卽郡城西樓也按虢州故城西出不半里許卽西原卽  
西坡坡半置紅亭驛唐人所謂西亭卽西原驛路挂城頭  
處也餞客遊宴往往於此豈復置所謂西樓者爲遊人地  
乎及讀賈島昨夜北樓虢城初鎖之咏則知島在北樓不

得出讌三堂之勝觀此則郡城有北樓而西樓之爲郡城  
西樓不待別攷而知也而今則虢城已毀西樓西亭與三  
堂同在劫灰中陵谷遷變世代使然獨紅亭驛竟不得與  
西樓三堂同載邑乘又何由而憑弔乎作西樓攷以俟後  
之君子稽古而論定焉

贊

老子贊

明王世貞

昔有柱下微言五千吾師歎之其猶龍焉專氣致柔嬰兒以全不為物先物莫敢先請謚曰敖厥敖在元

韓楷贊

韓一作張

前人

河南公超棲放自遂學靡不貫徵聘皆不至就除平陰令三日視事棄官而遁學者隨之所在成聚華陰南土遂有公超市策拜光祿大夫辭疾不起東帛元纁郡守遣致優游杜門樂以卒歲

前將軍漢壽亭關壯繆侯贊

前人

嗚呼故主之誼表於奔袁討賊之忠見於許田樊城一師  
燼幾然前無衡操後有伏權天耶人耶公則奚愆精誠  
所鬱金石失堅川停嶽摧風車電鞭君臣大綱如日行天  
我懷威神頌公萬年

又

前人

纂漢者瞞也成瞞篡者權也瞞名漢臣也實漢賊也  
瞞敵也陰瞞翼也公批亢於前而不虞姦於掖七軍  
六師隨厄使永安之恨不在許昌而在公安建興之

不出樊城而出祁山安樂之牋與歸命之璧而相後先  
惜哉雖然不以間關而廢兄弟不以離亂而廢君臣其峙  
如者山嶽澄如者川流而炳如者日月星辰嗚呼此其所  
以亘萬古而猶神也耶

序

有夏大夫關公碑陰序

張謂

唐人

禹成九功誕受天命桀喪一德悖於人心爲虺爲蛇如豺  
如虎旣毒螫焉又吞噬焉重之以昆吾因之以妹喜匹夫  
醜夏多士懷殷萬方囂然九州危矣公夏后之諍臣也以

謂爲臣之禮不擇其利食君之祿不避其害亦知直言之  
賈禍國蹙時危欲其行之速也亦知諷諫之微福里迂車  
遠恐其效之遲也由是犯帝座排天門謀成深心藥進苦  
口石可轉也不可奪其堅貞身可殺也不可揜其忠義夫  
生死者必然之常數忠義者不易之大節位卑則跡遠祿  
厚則恩深恩深則義重於生全義可也迹遠則生重於義  
全生可也夫子世卿之族捨生卽義賢哉且伊尹之遇殷  
湯也賢與聖合之聖賢之間相去甚近此其所以行道也  
天子之逢夏桀也賢與愚合之賢愚之間相去甚遠此其



所以喪身也向若桀昧可革從公之言則國不失夏之初  
君不失禹之舊殷湯不能成大業伊尹不能建元勳諸侯  
奉於天子一姓傳於萬世驕君暴怒亂國淫刑朝行斧鉞  
之誅夕覩市朝之變千載之下九泉之上殷人比干携手  
而遊耳嗚呼先王納諫而昌當其昌也忠良勝於邪佞及  
其亡也邪佞勝於忠良故君子慎於語默審於行藏豈徒  
然哉蓋有以也

觀民樓頌序

賀賁

靈寶古虢國也其地爲天下要會文武周召循行而營治

者於今有遺跡焉桃林之牧甘棠之吟其國風民俗熙皞  
泰和宛然在目繼周而秦其政乖其民流迺函谷關門遂  
爲諸侯畏途楚漢唐宋雖代有沿革而皆以形勝日尋干  
戈民不見德志乘可考也明興二百餘年休養生息漸爲  
樂土先達如許氏諸公英賢輩出樹勲王國後先相望人  
傑地靈而靈寶之名重天下邑城舊有東西南三門門各  
有樓皆通衢惟北城外邇黃河多荒莽無門與樓其內卽  
邑長公廨前爲琴堂爲鐘鼓樓頗快仰止論者謂目前明  
遠而主座後依負未稱宜於北城倍增高厚爲臺爲樓以

重君守凝風氣顧前此事因循憚勞費闕焉有待邑侯王  
公敦大明作蒞任甫年餘八政咸修百廢具舉時和歲豐  
民安物阜當道者且屢檄督修城垣公慨然以樓爲經始  
畧基址程土物量工命日西屬三尹霍岡趙君專領其事  
力以募傭材以計會不煩閭里境內晏如公戒勿亟而浹  
旬之間樓已屹然告成矣基之廣袤十六丈皆甃以磚石  
樓高三十六尺曲棟重簷規制壯麗輪奐翬飛歡頌同聲  
具瞻有美侯覽而樂之題其上曰觀民樓余不佞乃屬爲  
之序於乎余觀於樓之建而知公體國之深也觀於樓之

名而知公觀民之至也夫樓於吾邑弗可已也弗可已而已皆以傳舍視官者也公身任其事於吾邑大有造焉非誠心體國者能然耶樓遠於民者也遠於民而以近之民其如樓何哉公不以登眺娛樂爲意而惻惻焉惟民之察是公之志常勤乎民者也體國忠也勤民仁也前乎此而侯者當於公之樓而讓忠焉後乎此而樓者當於公之樓而推仁焉公其功大而德遠也哉抑吾於公觀民有感焉山川在望風土依然此非分陝之地二南之國耶耕食鑿飲于于詡詡非文武周召之遺民耶今聖朝圖治比德成

周公以安民爲職登斯樓也時而省之將祁寒暑雨惟曰  
怨咨者乎將騶虞鵲巢室家胥慶者乎將必以關雎麟趾  
之心幽風無逸之政循行勞來使民爲周召之民者乎易  
曰觀我生觀民也其斯之謂與由是而觀國之光用賓於  
王中正以觀天下而公之名世且將爲天下觀矣豈惟觀  
吾邑之民耶遂撰次其事而終之以頌頌曰奕奕靈邑背  
坎面離三門聳峙惟北迺卑占之卜筮揆之人謀僉曰勗  
建風氣攸宜英英我侯超前軼後爰度爰咨事若天授崛  
起崇樓霧滃雲奏千里具瞻萬民庇祐公曰斯樓觀民斯

取民之休戚惟吾所觀所惡勿施所欲與聚民不二南何以報主二南維何甘棠有歌我觀我民有用咸和後有觀者民福孔多於萬斯禩樓頌無磨

創立西關集市序

邑令江 繁

靈寶隸河南府在郡城之西偏蓋古之名勝也虞夏屬豫州殷曰桃林周克商偃武銷兵放牛於桃林之野至今載諸武成之篇漢以澗更名又曰宏農郡歷代沿革不一統轄各異迄唐天寶間獲靈符於尹喜故宅遂改曰靈寶焉靈邑面山背河右控函左控嶠爲河南一府之鎖鑰而實

中州一省之藩垣也方隆盛之時萬家烟火千里桑麻可不謂熙穰者乎至明季疊遭兵燹葑屋變爲瓦礫闐闐化爲萑莽矣自我朝定鼎後雨露天高恩波難徧而鬱葱佳氣至今未復於民間是豈地勢之興替或有天意行乎其間歟抑亦因人事爲之盛衰也雖然地勢衰則人不勝天雖畫棟朱甍悉成荆棘也勢旺則天亦順人雖頽垣敝井盡起閭閻也余自庚申八月蒞茲土庶務更新百廢具舉而城郭以內萬瓦鱗鱗東南關廂亦皆比屋而起鷄犬之聲四境皆聞惟北關以外係河地而西關以外盡荒郊

昔之日中爲市懋遷有無化居者僅遺址耳余於是招集  
哀鴻安插黃鳥捐資解俸創爲民居而願受屢以爲氓者  
踵相接也按西城關廂尤當西北之孔道西出闕境直達  
秦關北渡黃河卽通晉省而雍冀二州之商賈擁車牛而  
邁征者莫不輻輳於此焉夫八政以食貨爲先六府以土  
穀爲重而太史公亦專列貨殖爲傳蓋甚重夫財貨之流  
通也古者噐用珍寶不集不可以爲國璆鐵銀鏤罍磬熊  
羆狐狸織皮產於北而輸於南瑤琨篠簜齒革羽毛柁幹  
括栢漆臬絺紵產於南而輸於北禹貢具在自古爲然其



中千里間關烝徒信宿豈能裹餽糧而戴星行露乎列肆  
以待行旅如歸是爾小民寅賓之誼而正爲民牧者柔遠  
招徠之徽猷也今爾民以勒石來請余特書此以授之但  
捐俸固在本縣而營度在爾衆民其原有屋基之民清出  
舊基蓋造房舍其原有屋基之民而不至舊基起屋者竟  
許他人蓋造房舍雖有原主再至亦不得過而爭競焉尙  
其百堵皆作鼙鼓弗勝共爲太平之民相友相助嬉遊於  
堯天禹甸之中而可耳

瞻紫樓序

邑令  
霍濬遠

康熙二十九年庚午首春余奉檄修理名勝古蹟郭外有  
瞻紫樓遺址僅存斷垣殘碣而已斯樓也蓋因古函關之  
前有望氣層臺乃仙令尹喜之所登以望老聃者厥後關  
門改闢臺亦移置以志芳躅於不衰樓當通衢自東遞而  
西轉折而南行旅驛傳必經其處詢之故老云曩昔官道  
夾植緋桃仲春花開爛熳直走潼關延袤百里一望如朱  
霞如紅錦桃林古驛職此名也臺占平原之中纍甍而就  
竊二丈六尺環橋以通往來橫較縮濶一丈其高五尋有  
級可躋露頂可坐東則城南原有真武宮在焉西臨黃河

金沙激湍可挹而酌南名掛榜崖陡立正首相傳青鳥家  
相度每逢懸崖開溜邑人必有登甲乙榜者往往有驗北  
爲老子故宅此四望之大概也湯湯宏農不舍晝夜衆山  
水發則汪洋澎湃漉漫潏沸一望巨浸斯臺宛在中央然  
有大河以受之不足爲害澗之南稍西函關竝立再西不  
過二里卽當黃河之衝其上則建夏后王祠與晉之芮城  
高岡禹廟相對峙誠哉天造之險也俯睇平疇周藝萊茹  
瓜壺苴茶菠菱芫荇青葱紫芹芥韭之屬四時相續柔青  
嫩綠淺碧淡黃綽有野趣邑人之所以給朝夕者於是乎

賴炎炎赤日旁午轉轉之聲不絕於耳乃老圃園丁之汲水以灌溉也嗚呼菜羹蔬食豈偶然哉日之夕矣雉堞參差伏西北隅白楊翠柳襍以椿榆薄霧濃霧與城市爨烟相凝結雖方里之城而樓閣隱見氣相鬱郁洵足觀也若夫秋夜巡警登眺其上天氣爽豁星辰散落南箕北斗若可扳挹者家雞多露栖冰輪既上則長號齊啼遠近相倡和風高露重侵我衣裳而塵埃俗吏惟此片刻襟懷堪與清風明月相酬耳栩栩若自得爰書之

舊志序

順治丁酉孟夏

邑令

梁儒

靈寶古桃林地，在豫州境內。任土作貢，見於夏書。其風俗民情，典章文物，則備載於志。天運有平，陂往復，人事有窮，塞通變時，世易而志亦因之。明以前世遠年湮，無可考矣。近學博李君得舊志於張楊兩生，傳示余。乃嘉靖乙未前，令苟公所重修者，字僅可讀，而其刊已燼。迄今百二十年，在矣。隨時記事，尙有踈畧之虞。况此百餘年間，掌故無人，一旦欲續既灰之燼，卽極力搜索，安能免掛漏之誚乎？余憤如蔣卿，鍾似董伯，簿書口給，不暇敢云著作。但念邑不

可無志猶國不可無史家不可無乘也用是退食之暇留  
神考究疆域封守之仍舊者幾何式田賦丁徭之變易者  
幾何則供應義扣之盈縮者若干欵賢孝節烈之表著者  
幾何人以及兵燹災害之所由來劫荒民亡之所由致按  
舊志綱目稍更次之各綴數語於條例之下至

國朝之掃寇氛靖民難除荒地之徵削丁之後蠲逋賦赦  
膏災拯湯火而厝衽席悉詳列而謹書之凡數月而稿成  
雖未必該載無缺而百餘年之興衰利弊典章文物亦庶  
幾得其大概矣然猶有利之所興未免爲害之所伏者如

荒地雖除尙有新絕之糧累民賠補屯衛雖裁尙有墻塙  
之瘠無人墾開舊日秋糧條編折徵而今有臨德轉漕之  
累他如驛站之協濟而供應煩戶口之人丁減而食鹽倍  
凡此皆昔之所易今之所難利之所興卽害之所伏者也  
去害莫如盡力所得爲者不敢不勉分所不得專者以俟  
後之君子可也若云此志變通可久則吾豈敢

舊志序

順治庚子仲夏

邑宰

宋騰鯉

今海宇奉

詔徵書四方子史志集咸得貢諸

靈寶縣志

卷之六 藝文上

序

三十一

朝以備典要天下郡邑雖各重加修纂而於訂古証今典則  
精核未免闕如也天中稱文獻之藪荷憲臺之洞鑑指畫  
靡遺凡我下邑斯有宗主靈賚古函谷關桃林重地邑志  
湮燬殆久於酉年賴前令某侯重修刊輯固已明備又奉  
憲式益加精確其以羽翼

國史何多讓焉今夏鯉叨任斯土適遭其會久爲不世奇逢

遂開局遴輯爲更新之期與前志稍有裨益以無負

朝廷輶軒之使亦無負憲臺裒輯之意而紀事編形刪煩就  
簡務使文省於前事增於後以備



天子他日省方察俗取諸半部而丁戶之損益土田之磽沃  
 厥賦之上中以及原隰之奧衍而知勞逸勤思驛遞之殷  
 繁而念元黃况瘁山骨之荆榛而憫仙離逋負一一如指  
 諸掌抑且貞廉孝義益教化振來茲以扶進風土而獲邀  
 御覽上蒙燭照者未必不本諸此也古先王陳詩納價無非欲  
 得民情而用之志之所紀民情大可見矣設教而綏乂之  
 則今日之風行與司憲之鼓勵於是乎在若夫境內事蹟  
 前志已悉何容輕置一喙是為序

舊志序

康熙二十九年

邑令

霍濟遠

藝文上

序

三十二

三十二

濬遠不敏承乏茲土自己巳仲秋至庚午孟冬屈指期月  
有六旬矣 國計民生之務皇皇焉凜凜焉惟懼負

主恩之高厚 上臺之栽培一寢一食曷敢自卽於安時逢雍  
協文治宣昭萬國咸康車書一統輯瑞而彰教者海外絕  
域罔不率俾振古以來所未有也竊思我

皇上御極三十年來生聚教養至周至渥起視寰區土田  
風俗人文日增而日盛者普天率土莫不見聞然所  
往而憲來者必取乎志以是

命儒臣特修一統志行且告成 大中丞閩公開府天

卷之三  
東南西北  
3  
然喜復瞿然懼按舊志修於

皇帝之十有四年遡厥紀歲迺在丁酉越五年而濬遠甫  
生今得洺斯邑而理其疆閱其書景先哲數往事不勝遺  
缺之感又自慚愚陋未克勝任荷大中丞頒畫一之規定  
簡要之矩因義起例條理井然遠也敢不黽勉從事夫一  
邑之境鱗次牙錯廣袤縱橫各有定額故以總圖首焉隨  
刊奠定有異名而無易界此坤厚之貞觀也故志沿革星  
躔以備休咎勿以彈丸而遺故志天文分疆畫界尺寸莫

逾而方位接壤遠近是計故志四至城池以衛倉庫學校以篤人倫村落星羅市鎮碁布橋梁以通往來渠堰以備蓄泄官署坊表以及祀典里社皆政體攸關故志建置名山大川肇自兩儀初闢雖陵谷有時推遷而孕秀毓靈者惟在高深故志山川代遠人遐幽竒未泯芳踪偉跡感慨繫焉故志古蹟儼薄者可化以敦龐頑懦者可導以廉奢靡者可齊以儉樸剛戾者可養以謙和誠哉禮樂所能移易故風俗不可不志也在土作貢樹藝異宜天喬動植民生所用故土產不可不志也汲塚展邱千秋憑弔秦碑

庶幾風雨催殘以及唐陵宋寢斷隴荒墳有不與寒烟衰  
 草同盡者故陵墓不可不志也琳宮梵宇或屬舊基古刹  
 祗園多由勅建故寺觀不可不志也覈則壤之肥磽程稅  
 糧之輕重其間增減因時徵科有候此載在天府上於  
 農賦稅為尤重也則志之召父杜母奕世謳思甘棠柳  
 未敢攀折以一身之臧否為百姓之休戚職官又為重也  
 則志之聖賢垂範模於天壤豪傑立事功於當世他如甲  
 第明經固足徵人文之蔚蒼非徒為鄉黨寵光人物在所  
 必書也故志之若先達之居停高人之至止流風餘韻猶



有傳者至孝義節烈天地正氣耿耿不磨卽逸民技士亦必有所挾持皆當與人物連類而志者也清言麗藻以繡口而傳錦心高文大篇本經史而拓議論長歌短咏具見性情古調新聲動關風雅不志藝文何以傳後乎至於災祥雖天道之吉凶而修省乃人事之趨避亦在所必附焉綱舉目張振裘挈領若非 大中丞之章程敢易言纂修哉濬遠渺見寡聞詒誚匪細於是廣蒐載籍博訪遺編詢之故老質之輿情敦請一二淹雅之士考訂商確繁者芟之畧者詳之缺者補之諱者明之紊者理之訛者正之續

者增之凡五易稿三越月始成書進 大中丞而筆削之  
以述往事昭來者於是乎在適 郡伯汪公木天仙吏國  
史鉅才出守名區更化善俗草創既就敢請刪定以襄盛  
典濬遠亦得竊步後塵藉以不朽何幸如之夫宇宙大矣  
葦爾之靈何殊泰山之撮土九牛之一毛然幅員之廣郡  
縣之積也山川不改人物依然閭巷之歌謠可供輶軒之  
採侯尉之出產亦充太府之藏安在宏農下邑致嘆於文  
獻之無徵也哉是役也重繙舊志敢云踵美而增華繼晷  
焚膏自喜析疑而傳信請詳定本捐俸鏤刊庶幾附名賢

屋簷集卷六  
三二二  
之後以備遺忘而已若夫教養安恬風醅俗茂則有待於  
後之君子

舊志序

康熙辛未孟夏

邑令

江 繁

在昔洛邑未營而桃林之名已見於周誓厥後朽下東來  
薛公宵度指數百二首重函關即合六王之力卒未聞挾  
泥丸而封之形勢所傳由來舊矣沿革代殊廢興遞變上  
下二千餘年所爲盛衰升降之故惟賴紀載之力始足以  
述既往而詔將來余嘗三折肱於茲邑矣存者民散土荒  
逋賦數萬展轉林累日就流亡鳩鵲餘生庖羸待斃而正



使之外又迫之以菱芻羽檄星馳巧炊無措心傷鄭俠難  
繪安上之圖才媿陽城自分催科之拙顧茲墨授輕若鴻  
毛而私念平陸牛羊一旦立而視死則距心之罪不幾與  
持戟者等哉賴

聖天子在上俯念民依一時當事諸公莫不留心撫字勉從所  
請始得蠲除余蓋三次繕詳不覺淚盈盈出於紙上也痛  
定思痛輒欲編輯舊章網羅佚事條核人物審定風謠以  
成一邑之志而簿書執掌尺幅非長考獻徵文缺焉弗舉  
今霍君來尹茲邑也政簡刑息物阜人安乃以文章緣飾

吏事承 中丞閻公續修志書盛典殫心綜覈銳意蒐銓  
因革損益有關於民瘼者必書孝義忠貞有裨於民教者  
必錄凡人材之消長習俗之醜駁山川之險易幽敞風氣  
之燥濕剛柔戶口城郭賦役兵刑之衰旺堅瑕繁簡得失  
無一不考列精審裁制宏通綱舉目張星分川布徵遠古  
則委曲如存語近今則鬚眉可鑑讀者疑爲踵事增華而  
不知其創也疑爲分曹開局而不知其獨也疑爲積月累  
歲而不知其成於一時也博而信簡而該後之吏茲土者  
披志而洞登耗之情狀尋利病之根源講興革之事宜圖

補救之實益陳方發册直將比諸格人典型煥鼎運而俟  
輜軒稽方聞以遵王路無憾矣今

聖作物睹薄海內外文治蒸蒸太和溢而芝菌生山澤通而雲  
霞爛鴻文鉅筆其猶慶雲朱草之瑞世者乎古者祥瑞見  
於其境則長吏賜金增爵斯亦霍君對揚景命之休徵矣

舊志序 乾隆十二年

州牧 宏農籍 龔崧林 本姓 楊

靈邑古桃林地漢以後爲宏農郡唐以來爲靈寶縣洎入  
國朝雍正甲辰以前隸河南郡乙巳後改陝州爲直隸而靈  
與閩盧三邑屬焉先後隸屬不同邑乘亦當有別又凡事

體人物之有關政治風土而不可磨滅者尤宜及時編輯無容聽其湮沒而不彰歲乙丑冬余奉

命來守是州下車後諦視本州暨三屬志書率皆康熙年間舊帙越今數十年來未有爲之載筆者以是

朝廷之良法美意列憲之善政善教以至士夫匹婦忠孝節烈之行多不及表章以爲出治宣猷訓俗型方之助竊不自揣輒欲取州志更定之以爲屬邑倡適 藩憲趙公檄州郡重修志 監憲張公又爲詳示領要俾有所稟程惟時余旣受教哀輯州志蚤夜不遑而前靈令華容周君亦

悉心蒐訪屬有成稿會移任泌陽去攝篆江夏王君踵事而脩飾之丁卯夏六月萊陽初君調至靈復加較訂上其稿於州余繙閱之見其綱舉目張條分縷析舉夫良法美意善政善教忠孝節烈之行靡不犁然畢著於一編之內今而後隸陝之靈邑始有成書矣且是書非獨以資考據備觀覽也按其紀載可以隨事制宜因時布政於以導揚雅化使是邑沐膏被澤返樸還醇復古宏農之舊則所裨於治術者良非淺鮮也是所望於自今以往之司土者

舊志序 乾隆十二年

邑令 周慶增

周官外史掌邦家之志所以備一方之紀載凡山川土田物產人文悉具而一時政事之得失風俗之美惡於是覘焉志之所關鉅矣乃當官者往往以簿書爲奏最而於志事多闕焉勿講豈非以無關考成遂漠不經心歟靈邑爲古宏農地中州以西繁會之區也凡邑之瑰偉奇特前志雖具經五十餘年未有嗣而輯之者其間興廢沿革於夫縉紳仕宦之偉績忠臣孝子義行節烈之潛德幽光幾何而不淪沒於流波逝水耶余以乙丑仲夏筮仕茲土政事之餘每仰俯川原周咨父老南望秦嶺峴號之壯麗北顧

黃河澗谷之灝淼未嘗不歎爲雄都名勝之區由是弔直  
臣之墟溯猶龍之窟孤忠秘錄燦然如日月經于江河行  
地近矚何許李楊諸先生之聲施則又景老成而深典型  
之在望也至於幅員寥廓鄉邑參差人物之充牣舟車之  
輻輳竊惴然有撫巖疆控百二之懼焉幸本道張公本州  
龔公皆江左名儒朝夕提命俾獲地方甯輯奉職無愆兼  
之時和歲稔民物恬熙方欲冀百度之聿新而一一可次  
第修舉也適列憲以志事檄行而本道本州復爲指示要  
領余既親承大雅用以厚自淬勵急圖所以趨繩就墨者

爰取志事進紳士而斟酌之網羅記載採輯舊聞惟是五  
十餘年之物情時事莫不奮興勃發於楮墨間一時編次則  
有華容敖子啟潛分校則有李子熙鐸楊子浩許子鵬扶  
王子曰智王子家瓚經紀司事則有許子乘泰陳子所習  
卜館桃林書院始於十年九月首輿圖次建置次職官次  
節孝次藝文凡六卷乃稿未成而余適改調泌陽爰令司  
書者草成一冊屬署任吾楚王君爲之續成其事庶可付  
剞劂焉余因之有感也余於靈纒二年耳而五十餘年之  
事蒼萃於刑錢紛雜之餘凡學校衙舍城垣及地方機宜



孜孜矻矻一切綆短汲深草草未竟而又猝焉舍去何緣  
之速也昔人謂周禮一書爲天理爛熟之書元公未及施  
行者又謂冬官爲後人所附益余是稿也人官物曲不審  
位置頗安與否然而此物此志余與王君於翰墨中當別  
有天外緣也馬首南征河梁携手臨歧一卷珍重千秋上  
下五十餘年余之心情猶依依於函關秦嶺間耳

舊志序 乾隆十二年

邑令 王道暉

邑之有志由來尚矣靈邑處豫省之西陲函谷洪河倚天  
拔地名賢傑士鍾秀毓奇其間山川之壯麗人才之俊偉

以及物產之豐饒方域之袤廣星野之燦列風土之變遷  
制度之沿革政事之可法可傳文章之空前軼後洵稱物  
華天寶人傑地靈載在舊乘班班可考雖出蟠際之凝成  
端賴人事之輔相則修舉廢墜相繼以守此土而共勸厥  
成者勿庸諉其責已粵惟舊志之成在康熙庚午之歲迄  
今歷年五十有八其間人才蔚起德政貽休以至孝子義  
行貞女節婦可傳不朽者不知凡幾且文增事減搜羅豈  
易薈萃殊難實深人以抱殘守缺之憾也吾鄉寅友華容  
周君以孝廉筮仕於靈適奉憲檄重修志乘周君曾延一

友爲之纂輯公暇多事叅稽起例發凡幾經酌定將付梨  
棗矣適以量移泌余蒙 憲委攝篆於茲公務甫畢臨歧  
執手諳諳以續成縣志爲囑余不敏何足以當之顧念善  
作者必需善成善始者尤貴善終用是不敢避續貂之嫌  
而敬抒一得之慮於其文之缺者補之繁者芟之錯訛者  
正之遺漏者另爲搜輯以增之反覆周折經數月而始成  
書凡夫宦蹟人物可以資觀感而興起山川藝文可以備  
憑弔而折衷天文分野可以通幽明而觀法象疆畝秩祀  
可以循阡陌而薦馨香貢賦土宜可以知則壤而章物采

者無不燦然畢具義明而備詞簡而該由是播諸一邑而俟輶軒之采周君重修之心其克慰也乎夫稽典章而思修繼有土者之責也莫爲之前雖美勿彰莫爲之後雖盛勿傳京兆五日庸敢自卸如謂追跡東里夙稱博雅掩人之善以見己之長也余則何敢

舊志序 乾隆十二年

邑令 初元方

歲丁卯夏余自泌陽調任靈邑會前任華容周君暨攝篆江夏王君相繼修邑乘甫脫稿未付剞劂余因取而校讐之再閱月書成將授梓邑紳士請序於余余唯是書爲周

王君承憲列憲之意所有事余何敢以一日之勞掩其積  
時之力第兩君之書垂成皆未竟其事而去余適至靈得  
定其先後之序訂其亥豕之訛使後之覽者謂今此之志  
實經三人手而成由是溯兩君因並及余固亦余之所欣  
願也雖然兩君以未竟之事遺余卽以克副其事者遺余  
矣以未竟之事遺余而成之也易以克副其事者遺余而  
爲之也難孔子曰誦詩三百授之以政不達雖多亦奚以  
爲則今者宰是邑而觀是志其容視爲尋常之記載云爾  
乎觀天文則當思感召觀疆域則當思保障觀賦稅則當

思民力觀人物則當思作興觀宦蹟則當思媲美之何由  
觀民風則當思化導之何術循名責實雖朝夕殫心以求  
不虛是志猶恐才力卑薄不足相副敢以志之成於旦暮  
謂可以塞責耶若徒置之案頭僅供記覩覽其圖物用佐  
咏歌此文學之餘事騷客之間情轉有妨於當官之職守  
固非列憲檄修邑乘之意並非周王兩君所望於後來者  
也於是因紳士之請書余自勵之說並諸簡端云

記

號州三堂記

唐呂溫

應龍乘風雲作雷雨退必蟠螭以全其力君子役智能統  
機劇退必宴息以全其性力全則神化無窮性全則精用  
不竭深山大澤其所以蟠螭乎高齋清地其所以宴息乎  
號州三堂者君子宴息之境也開元初天子思二南之風  
並選宗英共持理柄號大而近非親不居時惟五王出入  
相授承平易理逸政多暇考卜惟勝作爲三堂三者以明  
臣子在之節堂者勵宗室克構之義豈徒造適亦實垂  
訓居德樂善何其盛哉然當時漢同家人魯用王禮棟宇

制度非諸侯居後刺史馬君錫因其頽侈始革基構豐而不侈約而不陋以琴樽詩書之幽素易綺紈鐘鼓之繁喧惟林池煙景不讓他日觀其廣踰百尋深入重扇迴塘屈盤沓島交映溟渤轉於環堵蓬壺起於中庭浩然天成孰曰智及春之日衆木花折岸蒲鳥織沉浮照耀其水五色於是乎襲馨擷奇方舟逶迤樂魚時翻飄縈雪飛泝環迴隱映差池咫尺迷路不知所歸此則武陵仙源未足以極幽絕也夏之日石寒水清松密竹深大柳起風甘棠垂蔭於是乎濯纓漣漪解帶升堂畏景火雲隔林無光虛覺



沈沈皓壁如霜羽扇不揮南軒清涼此則楚襄蘭臺未足  
以滌炎鬱也秋之日金飈掃林蒼鬱洞開太華爽氣出關  
而來於是乎茲琴端居景物廓如月委皓素水涵空虛鳥  
驚寒沙露滴高梧境隨夜深疑與世殊此則庾公西樓未  
足以澹神慮也冬之日彤雲千里大雪盈尺四眺無路三  
堂虛白於是乎置酒褰帷凭軒倚楹璫塔如貞玉樹羅生  
日暮天霽雲開月明冰泉潺潺終夜有聲此則于猷山陰  
未足以暢吟嘯也於戲不離軒冕而踐逸曠之域不出戶  
庭而獲江湖之心趣近懸解跡同大隱序閱四時之勝節

宣六氣之和貴而居之可曰厚矣若知其身既安而思所以安人其性既造而思所以造物不以自樂而忽繚寡之苦不以自逸而忘稼穡之勤能推是心以惠境內則良二千石也方今人亦勞止上思父息州郡之選重於廷臣由是南陽張公輟揮翰之任受剖符之寄遊刃而理此焉坐甕靜政令若水木閑人民如魚鳥馴致其道闔然日章小子以通家之愛獲拜牀下且齒諸子侍坐於三堂見知惟文不敢無述捧筆避席請書堂陰俾後之人知此堂非止燕遊亦可觀清淨爲政之道

老子故宅碑記

元高凝

老子法崇太古尙簡質者也太史公曰李耳無爲自化清  
靜自正漢之時孝文皇帝始敦尙其說躬體元默勵儉素  
致天下富殖囹圄空虛俗恥浮僞斯其可徵著在史冊若  
夫九丹八石玉醴金液絕穀變化役使鬼神之術迺方外  
學罔或可迹靈寶陝屬縣古桃林也縣郭之北潏黃流而  
倚原阜南望函谷有古道觀焉石刻曰老子故宅道士許  
姓真號者主之按老子楚苦縣人周守藏室吏也嘗去周  
西至函谷關吏尹喜強之著書唐天寶元年元宗於函谷

闕尹喜故宅求老子所藏靈符得之遂改桃林曰靈寶用  
是知茲地豈尹喜故宅老子著書所也世謂老子宅者殆  
必始於唐蓋以求符改縣之誤不必多辨然唐世祖之至  
追謚混元尙德皇帝好事者尊崇是道以神其教者之所  
爲也大元元貞改元之春安西賢王北觀選道靈寶微服  
踵此遺中統寶鈔三百兩俾充琳館增修蓋是觀老子之  
所寓止畀付指授元教之所發跡固道家勝地千古奇遇  
居之者必將有觀感興起一振玄風爲天下斯教祖源以  
訂無爲有爲之本肯會將見雄樓傑閣彤庭絳臺倚金甍

碧麗乎日月灼乎雲霞鰲斷而山崎聳飛而天蔽爲天下  
壯觀固當有待恐非崇古尙質之謂而識者蓋未取也道  
士許懇請誌諸金石以彰賢王首事之美禮曰大輅越席  
皮弁布裳朱絃洞越太羹元酒所以防其淫侈救其彫敝  
斯皆賢王所取乎老氏者爾非然我國家化理清明方堯  
舜三代之道是務甯知慕方外無迹之學乎王以介弟之  
貴藩寄之重富通帝室能取儉素自節誠皇元本枝百世  
之福也於是乎書

重修夏直臣關公祠堂記

進士 熊正德

世之忠於君者有能舍生取義殺身成仁亘古至今數人而已蓋愛生惡死者人心之所同也况夫身體受之父母必全而歸之斯爲仁故狐死邱首仁也然君臣主義事君能致其身斯爲盡臣之道故事親有隱而無犯事君有犯而無隱服勤至死則一而已夫以六尺之身爲臣死忠爲子死孝斯無愧怍於俯仰之間矣苟惟貪生惡死於諫君也不能犯顏以格非撻鱗以觸諱逆耳以攻其惡雖能偷生於一時夫豈臣子職分哉抑觀古之謇謇諤諤者真爲門墻之罪人宜乎後之聖君賢臣於前代之忠烈者必表

而出之廟而祀之也有夏關公龍逢諫而死者也按之載  
記夏之末造海內諸侯叛桀公引黃圖以諫之桀焚其圖  
而殺公蓋公之忠肝義膽生則貫日月動天地公之忠魂  
義魄死則以銷金石而不磨銘霄壤而不泯者陝郡靈寶  
之南古函關之西有其墓而無其廟宋紹聖四年知陝府  
者龍圖游公握憲節於此邦始建祠堂焉通判陝府通直  
張公諤暨縣官李公由頤輩與之立石以記之日月逾邁  
風雨飄搖祠宇甯免頽壞矧中州之地薦罹變故燬於兵  
者多幸而有可攷者獨其碑之僅存今天子踐祚初年首

飭明詔申諭郡國凡古之忠臣烈士載在祀典者令所在  
官司重加修葺廟宇歲時率吏民致祭欽此惟謹大德四  
年秋木邑尹黃國用主簿張翹典史劉禎奉州倅劉君從  
禮一言愍闕公舊時有其碑而無其屋於是僉議於舊碑  
所仆之所邑之東門外百步許道北卜一所焉重建祠堂  
暨舊碑而置之屋壁每歲率吏民歲祭於祠以奉明詔崇  
明祀也乃屬予作文以記之予何敢贅辭然予觀古之忠  
烈如關公者其不一二人公獨表於夏之一代至商而後  
有比干焉孔子以仁許之夫事父而有涕泣之諫人子之



不幸也事君而盡訐直之言至於殺其身而不顧亦豈人  
臣之幸哉顧義而不顧身也厥後漢朱雲盡忠天子欲斬  
佞臣則願從龍逢於地下而與之遊唐魏徵以龍逢已櫻  
禍誅君陷昏惡亦臣子之不幸也所以願其君俾之爲良  
臣無俾之爲忠臣也夫以成帝雖非賢明之君然卒於留  
折檻而不加葺以示當時直臣之旌太宗真英主也而不  
能無會須殺此田舍公之意而形之言漢唐之君是非得  
失之相半徃徃皆然未有如夏商之季其無道之甚也此  
龍逢之忠自比干之外無與比肩而立者也宜乎盛德必

百世祀昔日墓存而廟未建已廟矣近代碑在而廟不存  
今重建其堂而文之石仰盼游公輩於百世之上可謂有  
光矣予敬據其事之終始而爲記庶後人之過其廟而誦  
記者足以激勵感發作興於數千餘年之後夫豈不能盡  
忠事君如公者哉不然別依阿苟容以明哲保身藉口予  
恐闕公笑人於地下云

龍逢塚記

明秦時中 邑令

正統辛酉春予始知靈寶暇觀桃林誌載厥塚去縣治西  
南一十餘里在焉感而嘆曰昔聞其語今見其實何其永

久獨高而不隨風雨之平哉因事經瞻塚列三四亦無石  
記詢之長者此地惟一塚最高者是雖出遺言固可徵信  
而未免疑於是敬率僚屬造厥地卜筮攸同方釋中疑肇  
築垣植木記石道側題氏名塚大書深刻俾仕者經觀不  
勝感激而自愛夫賦畀之重不致苟圖祿位以貪生焉且  
生與死對死生亦大矣當桀之時伊尹既退而折者觸雷  
霆之威廷諍者犯干鈞之勢同休戚者孰肯爲國爲民而  
直言哉惟龍逢以剛大正直之氣懼乎夏道之不興禹祀  
之不繼而臣子職分隳焉想夫慷慨有餘氣象充然披露

情慄直達其隱於冕旒之前効竭忠誠明指其事於廟堂之上斯時也滿腔之內所存者純仁也極口之所言者惟道也何暇以死生計念慮而避鼎鑊之威勢哉則忠肝義膽照耀古今使人景仰於悠久矣然龍逢見殺在當時廷臣大小百職事若從容無隱同出一辭必無皆殺勢庶逃南巢之放而衆庶卒莫敢言此龍逢之所以爲龍逢也宜矣使用其言必先用伊尹而去妹喜則夏道復興誠易少康崎嶇離亂之間多矣而履癸修德固不及成湯尙冀庶幾太甲者歟卒惜夫忠言讜論一則不勝乎暴戾頑狠貪

雪荒淫之素一則不抵乎傾國瑤臺肉山酒池之娛此桀之所以爲桀也亦宜矣或曰龍逢沾名歟夫事君以不欺爲忠豈顧其榮辱哉又曰龍逢過中歟夫中者天下之正道也夏道將墮而扶持尙慮不及豈有過之者歟不然以忠心爲忠中立而不倚者國無道至死不變信矣使過於忠當時成湯不必使人哭之後世朱雲不敢願與同遊予謂其適中者龍逢也忠君者龍逢也志節梗卓終窮天地者亦龍逢也或人信其然矣噫仕者吾道之表有言責者固宜盡其忠君惡未至於桀不可用欺心以激諫存心未到

於龍逢不可托斯人以銜直

創建城隍廟記

張

統

吏部尚書

鬼神者造化之迹有可知者有不可知者而凡氣之淑慝  
 年之豐歉人之壽夭事之吉凶必有主張而綱維之者然  
 而有感必通或與或奪其所以然之妙則固不可知也惟  
 其可知故人當盡事神之義惟其不可知故人當戒瀆神  
 之禮禮也義也在人識之耳今聖天子奄有天下混一四  
 海普令函夏凡府州若縣有城與隍者則有司上之神皆  
 廟祀之仍像繪其制以圖門垣殿宇森嚴邃密秩然有序

視所在之公廨加偉焉斥去淫祠或專崇奉於以妥神之  
棲俾公禍福於一方制下日有司各趨其事於是河南靈  
寶知縣熊公彥升乃相厥宜於縣之坤隅其地爽塏其土  
堅良庀材召工按圖以立基計程以襄事智周力均人不  
告勞不踰時而功乃竣渠渠其屋崇崇其墉爲境內之壯  
觀而靈寶之民得寓目者莫不悚畏可以懲其心而悛其  
惡又明年春二月熊公將置石以紀顛末統旣承命謹書  
其實而重之以言曰惟明有禮樂惟幽有鬼神其理相爲  
流通所以維持世教而警發人心可謂至矣故有國者莫

不崇奉以致其神化之用或者不察朝廷事神之本意乃  
 欲俸斯須之福而禳造次之禍不亦惑乎傳曰敬鬼神而  
 遠之然則盡事神之義而不至於瀆者熊公之謂也敢以  
 是為記

重修公廨記

張

統

漢陽人

靈寶縣挾山跨河中函大路曩有元失馭兵亂紛拏城郭  
 間蕭然瓦礫而已故其邑為甚敝國初天戈西征定關陝  
 取靈夏大兵無慮百萬凡再往來故其事為甚劇然而化  
 敝為良轉劇為易抑亦在乎人焉知縣熊公下車之始睹



舊治之荒頓慨然奮志於是計徒傭具畚鍤度財鳩工不  
亟不徐起其橈完其缺飾其墁蒞政之堂退食之宇賓幕  
吏廳儀門更譙以次就緒其後爲三宅令直其中東丞西  
簿左脅爲典史右脅爲諸吏遵定制也共爲九區不啻百  
餘架內外規制煥然一新均其役故人不勞宜其用故財  
不匱旣勤且智故迹雖舊而功實倍之於是吏服其敏民  
感其德相與喜其成而以是告於秦人張紉且請爲之記  
竊惟數口之家一廛之宅室堂庫廡所以明等威而辨物  
采上下秩然况靈寶爲古名邑有君子焉以觀其政有小

人焉以仰其威而布令之所豈可委而不飾哉今廣輪之內爲縣者幾百千區攻之營之皆是物也然而志怠者或陋心侈者尙華不陋不華熊公有焉欽惟天開景運太平伊始應列宿而宰百里者所宜盡心焉以體聖天子保邦致治之意百廢具舉而庶績咸熙則厥職爲不瘵矣然則斯役也固熊公維新之政其亦國朝維新之政歟

無倦堂記

武功康 海狀元

平原張君時芳治靈寶之二年爲嘉靖丁亥政通人和百廢具舉矣以縣治頽敝不可坐待其盡稍事葺理咸造完

好已乃作堂於縣廳之後命曰無倦去年予以子粟求婚  
見山楊氏過靈寶成聘見君經營是堂製不加奢而材惟  
造用心甚重之今年挈粟成好再過是地乃宴予於堂飾  
無丹雘之麗坐有間雅之妙簷楹堅簡崇不踰丈官廨之  
作殊不多見也往在初營君以記請予顧厥功未成至是  
君復申循前約遂以君命堂之意及作之之難書付貞石  
詔厥後至夫有司之守在節財力致安養而已士窮居無  
事誦習先王之道苟有所寄則未有不以此爲先務者然  
勤之於始或不能究之於終加以上吏之摧阻歲事之乖

變雖有愛民之念，靳不得施，疑畏參於中，而敏敢放於外，窮居誦習之初心，於是乎倦矣。夫上勞則下未有不逸者也，上先則下未有不勸者也。一步於倦，則是二者舉無以慰民之望，而國家建官分職之意，與我所以修於家而用於時者，咸以負矣。豈士之所以自待哉？靈之民田瘠薄而賦厚重，加以治河之役，迄無甯歲，雖是堂之構亦已難矣。後之君子能以君艱難締建之心爲心思，前人慎用民力如此，而又以君名堂之義是釋，所以圖厥先勞安養之方，殆始終一慮而無以自偷，則君之所以加惠於靈寶之民。

將遠而益長而予記亦有光矣君其勉哉天下之事未有不躬行於前而能以空言使人興行於後者也君其勉哉

### 重修儒學記

邑人 寇從化 進士 參議

自古豈弟作人每首重本原之地學校者固風化之源而致治提挈之本也顧必有治人而後有治法蓋治非一成不變之軌轉移更始是在人爾乃易之繫蠱曰先甲三日後甲三日繫革曰已日乃孚蓋當蠱壞之時而爲變革之舉非三日之肇畫已日之周詳固不能奪安常而與之慮始矣蓋真儒之作用非取辦於倉卒塗飾於耳目已也想

其誦讀時非堯舜禹湯周孔之言不言非堯舜禹湯周孔  
之行不行一旦釋褐縮綬慮無不挈本質而獻當世間有  
興革建明如探囊篋持左券總以真學問爲真經濟治人  
治法固體用一原顯微一致者也靈治故文物地其先世  
蟬聯鵲起代不乏人自丙辰之變則干戈搶攘沁入骨髓  
當事者睠茲亂棼值孔道始難其人會福昌父母以賢能  
課最太廷直指使乃以繁調請上可其議公以世家通才  
駕輕就熟至則批卻導窾砉然中解三月間百廢具興狐  
鼠潛跡鴻雁沾春靈邑其一變矣於是與博士議羣師生

講課橋門坐臯比進而教之復愀然曰新之時義大矣風  
氣人心有所以新之則躍然起狃於故常則頽然廢方今  
凋敝之餘宮墻傾圯是猶得膠一成之瑟耶矧士居四民  
之首震其意氣而解其嬉媮是在今日爾則學宮之修務  
莫急於此者於是捐俸鳩工不數月廟宇門庭堂齋廡舍  
與夫敬一射圃諸處宏敞壯麗視前日燠然改觀焉先是  
櫺星門外有活水靈泉隘塞日久欄楯荒涼公親蒞視不  
以甃砌濬導之方一旦澄泓碧練有滔滔放海之勢或者  
道脈之復人文之盛其兆於此乎工告成學博士山丹趙

君興平張君魯山孔君率諸友屬余爲記余惟教政之本也身教之本也公承家學淵源言必有防行必有檢動必有禮簡澹沈宏一以先民之範自程其著爲合甲頌爲條教率本之道德仁義而以自程者程人所謂真儒經濟非僅僅補其罅漏而已繼今四境晏然絃誦之聲無間遠邇其變倥偬捨攘而易以詩書禮樂尤公之神於轉移而妙於更始者乎雖然時新時故者物理也無故無新者人心也公以柱世之神爲作人之念俾後之遊於斯者入其門行其庭棟宇煥然則曰此公之築也桃李森然則曰此公



之蔭也士習之彬彬雍然則曰此公之磨礪砥礪也美則  
愛愛則傳是公之神無窮而公之新又與大壤俱不朽也  
余不佞不能揚公之盛美姑撮其事以記歲月云直隸文  
安人諱汝清號大元庚子鄉進士

重修儒學記

賀賁

靈寶儒學自創建以來熊侯秦侯肇其基及時加修葺則  
苟侯孫侯飭其蠱以至永齋張侯修泮池水構明倫堂巍  
巍棟宇壯麗而規模宏遠矣太師劉文靖公爲廟學碑記  
太傅許文簡公爲育賢泉賦大司馬許恭襄公爲雅樂碑

辭而柱史趙見亭公大叅彭東谿公亦各有文以光大其事學之文運亨嘉士氣振揚才賢叠出靈寶之名滿天下夫有所自蓋可以觀可以興矣邇來秋霑積潦廟宇堂齋及鄉賢各宦諸祠圯壞滋甚宮墻外望講誦無所邑侯張公下車釋菜閔然念之謂有司者務莫此爲急然時誦舉羸勞費孔艱意弗獲已乃鳩工於募役庀材於贖金程以賢僚督以能吏經始於丁亥之冬水昏正而裁度成於戊子之夏龍見而竣事民不知勞而功已就緒廟廡維新堂祠旣飾賓師之宦邸生徒之序舍亦皆繕治美完瞻依秩

祀儼其儀游息藏修裕其地侯之有功於學也大矣哉署  
邑篆中山韓君學博祥符馬君麟林楊君許州牛君多士  
何鵬年張德焦縑許茂根何光澤彭桐等屬余爲記以勒  
侯之績以示後之侯於斯者有所稽而繩也余惟學校興  
廢係人才之盛衰關國運之隆替辟雍庠序虞周尙矣青  
衿歌而鄭衰泮宮詠而魯盛侯之爲斯役也其所見者大  
乎其知先務之急者乎且優厚諸生時其廩餼供其匱乏  
立文社以課其功建奎樓以作其氣候之所以爲士者殷  
矣其濟美於名宦列侯而爲先達諸君子之所稱述可知

已乃所謂見大而知務者乎我聖祖尊崇孔氏建學明倫羣俊秀聯師儒所以養之教之者至矣盡矣是以國家人才上視虞周而吾邑先達於昭代稱最盛焉不有論道經邦賡歌喜起藩垣屏翰立德立功立言者乎不有効忠宣力抗疏讜議遺惠愛而祠祀尸祝敦孝廉而表正鄉閭者乎此皆邑里之先達學校所由出土固宜仰止而景行之也况教養日深作新具舉將必有奮勇接武爲先達之繼者乎噫斯乃聖祖建學養士之心賢侯興學有本之意乎我多士其勗哉張侯名君卜字思紹別號仰溪山東武城

大庚午科鄉進士其治行循良別有紀載此不備錄

重修廟學記

明劉建

靈寶古西號之地漢爲宏農縣隋爲桃林縣唐開元末於其地得靈符改靈寶今沿襲以名縣學在治之東南國初知縣熊君飛翔建規制卑隘正統乙丑鳳翔秦君時中重修之視舊規有加今四十餘年屋宇自老不支師生病焉成化丙午遵化李君恭來知縣事自初視事請學卽有重修之志節經費儲材料凡五閱歲宏治辛亥六月乃謀諸縣丞王君銓王簿井君某典史金君鑄興以上踰年八月工卽告訖廟之殿廡厨庫學之堂齋號舍以及各門墻砌

道規制一新又加秦君之舊焉以其餘力復增飾祭器悉以竹漆易陶瓦自是學之師生供祀事業講習以嚴以潔而不病乎蕪陋矣縣當關陝要衝景泰中余以先人任陝西屢過之時其學方乏科第而一時諸生嗜學者衆許君進何君鈞尤秀出等類余觀諸生之所負如此行將不乏科第矣未幾果聯翩捷鄉薦許何二君先後又第進士許仕都憲今出知兗府何爲監察御史余言無不驗焉成化末余奉命西祀嶽鎮又過之向所識諸生或出仕於外或物故無一在者李君恭已爲縣於是謁余公館問之能一

一道其詳時關以東諸縣經暴雨道路齧多不便行者而  
靈寶獨完治余愛其才因進與言禮貌之今日新學之役  
固有自哉夫今之出州縣者非瑣瑣與時俯仰不事事則  
剛愎鹵莽以獵取聲譽能於是舉行首務爲朝廷興賢育  
才者幾何人若李君者不謂之賢乎何君守制居家適見  
廟學之成特具事狀爲請記余久與厚善重其請且嘗以  
邂逅識李遂次其剏修顛末并余之所欲言者俾刻之以  
識歲月又因以告後之士大夫得考論故舊焉

新置雅樂碑記

邑人許論尚書

高皇帝繼天立極建學明倫罷黜百家崇祀孔子迺洪武二十六年頒大成樂於天下府學令州縣式造如制大聖人之制作恢乎宏遠矣爾後太平濫觴州縣之樂因爲墜典肆惟皇上天造中興益崇孔訓修其秩祀叙其舞佾易王號爲先師去偶像從木主倫義旣明聖道益著迺嘉靖十年詔下有司罔不順風載悅釐正惟式河東苟侯作邑靈寶仰而嘆曰高皇帝錫樂之典式在萬方我皇上議禮之精尊無二上顧今郡邑之祀禮備樂亾其謂之何於是制器備數稽典授徒命教諭顧君沔訓導王君澄孟君仁



論說校習蓋期月之間彬彬乎就叙今歲仲秋始用薦於先師音律無懣容舞有奕豈惟奮聖德之光協神明之感使人聽之而和親和敬和順以立中和之紀豈不在茲諸生見禮闈樂退而欣服謀欲陞石廟廷用垂休風相與以詞翰屬余余惟夫子之道如天然高矣美矣至矣盡矣不容以復言矣顧天子制作之典賢侯明述之功誠不可無聞於後場毫作頌不盡表章侯名汝安字省夫高明爽秀茂學宏才治靈寶始而畏終而懷異績善政此不及書辭曰惟我孔父惟百王師大明啟庠益鑒於茲孰錫之樂高皇

作古孰議其禮我皇作覩禮在樂崩閔斯偏陋孰其構之  
有美苟侯吉日惟丁舍菜於泮我侯戾止德音迺奠籥簫  
雍雍金玉𠵽𠵽交動交應純德孔明神之格思綏我百福  
和氣磅礴章縫穆穆惟樂義深道與政通廣茲成教俟治  
益隆在昔文翁泊乎范甯皆以興學流美觀聽矧茲述作  
永輝聖門不有紀刻孰知淵源表石杏壇載書其概口月  
不息頌聲常在皇上中興河清呈瑞宸章紀慶光茲遐陬  
臣撰述邑史務先乘載謹伏錄焉凡英辟哲士之作有關  
政教者附次於後若世所公播家所私受例不盡書

重建明倫堂記

彭範 給事中

聖朝明文之化漸被薄海內外郡縣罔不建學立師所以崇治道育賢才也靈寶明倫堂舊爲三間嘉靖辛丑大宰許文簡公在告謂此堂發跡之地首輸五十金鄉先生亦有資助時學博梁君秀廣爲五間惜未有記蓋缺典云皇上勵精圖治慎理人之選甲戌夏張侯奉命宰邑釋菜謁學見前無泮池而堂久就圯即慨欲修葺以未信於上而孚於下也久之政通民和曰茲可使也請於臺省皆報曰可侯先開鑿泮池豎坊建亭丹堊輝映詳具侍御趙公記

中復捐俸金二十兩邑士大夫弟子員及鄉人好義者皆樂於贊助於是盡撤舊材爲教諭宅會何生以大本二本來輸侯喜曰天贊其成也迺命醫官趙昉何偁董其役經始於丙子夏迄秋落成堂高基廣巍峩掀揭誠百年之曠典而一時之盛舉也復以餘材建射圃文會神厨齋號恢宏壯麗奕燁改觀侯其有功於名教矣乎司訓李君陳君率諸生何宜呂綦許儻焦縉等屬記於範夫興學育才者義之所起也輸情感頌者情之所激也侯有建學之功士進懋修之節不兩得哉何也建國君民教學爲先王者之

政也時教必有正業退息必有居學大學之教也詩曰思樂泮水薄采其芹夫采芹何樂也樂僖公之能修泮宮而托采芹以歌詠之也鄭人遊於鄉校以論執政然明欲毀之子產曰夫人朝夕退而遊焉若之何毀之國人作頌曰我有子弟子產誨之夫僖公之作泮宮子產之不毀鄉校皆所以重學校而崇清議也夫學校鞠爲蔬圃長民者之任也學校修而教規弛司教者之責也學修教立而業不肄諸生之咎也昔李大自作袁州學記謂忠孝之節是惟朝廷教學之意使人有所賴且有所法夫堂曰明倫諸生

誦法孔子講肄退食藏修息游高譚性命闡明忠孝之大節以聖賢爲歸格致誠正以盡其性所以明此倫也修齊治平以盡人之性所以行此倫也發軔於賢科際會於臚仕畢忠竭節求踐古人之迹是學之大成也張侯建堂之意也若夫榮青紫於拾芥侈車馬於稽古是弄筆墨以微利達已耳非所望於諸生也古稱觀河洛而思禹功號之士民觀斯堂而思侯之功亦猶魯人之頌僖公鄭人之頌子產也豈非曠世而相感哉是役也財不取於公帑費不及於里甲役不逮於黎庶訟而罔理及作奸犯科者量力

爲之廢舉而民不知勞事集而下不告擾侯之功其懋矣哉侯名慎陝西安化人辛酉亞魁先署教咸陽張君應舉協謀修構會遷掖縣尹去訓導富平李君廷實應城陳君德與典史石首王君秉中皆與贊襄之勞者也法得並書

靈寶縣糧差條鞭便宜碑記

賀 賁

邑侯松石王父母既爲糧差條鞭之法士民始而疑中而信終而熙然樂以趨迺屯留簿史君光治詣余曰善哉邑父母條鞭糧差之法也至簡至易可大可久其爲吾邑之利也溥哉困憊以甦流移以復或習矣而不察或日用而

不知其所謂大德無名至仁無恩者歟且自吾身視昔省費蓓蕝自吾族視昔省費什伯由此而推則吾邑之省可知也蓋襍出浮冗洒派那移飛詭影射一洗而廓之故曰其利溥哉然邑父母賢勞既久璽徵在卽吾人不可得久借也恐循襲者駕言以復舊好異者多事於紛更則條鞭之法廢而奸弊之隙開如吾人何願乞野史一言以勒諸貞石俾後觀者守而勿失庶邑侯之德政申錫於無疆斯民之樂利受賜於罔極矣吾人幸甚吾邑幸甚余聞其言而嘉之迺取條鞭事宜反覆簡閱迺見邑侯議均荒見二



稅之原申上司批駁復查之繳報增減價額之輕重詳允  
之憲牌近奉題准之新例申飭條鞭銀力二差之原行審  
編戶則之上下扣算丁糧之數目劑量優免除豁之多寡  
蓋委曲精詳糧差俱爲條鞭通融徵派迺所謂名色簡而  
花戶便於輸納行款一而有司易於催比誠得爲政之體  
要矣伏惟高皇帝建國君民立法定制天下郡縣爲兩稅  
三限之法以徵錢糧爲一里十甲之制以均力役固一時  
創業之詩謨實萬世不易之宏規也迨民情滋僞弊孔日  
出千態萬狀莫可究詰貧富相耀而甘苦不均蓋至於困

億流移而觀民者之心益戚矣侯之爲茲法也其慮遠其  
情深其言恫切而有餘悲其體國憂民補偏救弊以拯季  
世之意乎夫琴瑟不調甚者必解而更張之易云窮則變  
變則通通則久益之損之與時宜之故觀於條鞭之法而  
知侯之用心矣迺爲撰次以付史君因述其立法之詳刊  
載以示不可變云

重修闕帝廟記

賀賁

嗚呼王漢臣也以身殉國者也自漢迄今數千載王之英  
靈如一日崇祀者遍海宇其福善禍淫視諸神爲烈以故

老幼婦女兒童走卒莫不畏敬奉承疾痛愁苦必扳號呼  
泣若將臨之在上拯我於水火而致之衽席人人自以爲  
可憑依可期望也嗚呼王之英靈何其顯哉縣治良域舊  
有王之廟在門內嘉靖癸卯移置東關殿宇森列過者悚  
息歲時祈報傾城赴焉其西爲夏直臣關龍逢祠龍逢王  
之先世故聚而享之亦以見濟美之意云乙卯地大震廟  
甚圯雖時加修葺而工力不敷尙闕如也庠生荆君輒居  
近廟隅爲我心惻遂會耆民李漢王橘等二十四人各捐  
已貲同募緣道人湯守鳳乃告邑侯鳳罔楊公督理在上

於是聞者響應施者駢集喜功興事同力合作不日成之  
正殿樂樓兩廡煥然一新仍肖像而飾之以金儼若雄鎮  
荆襄氣吞吳魏威振華夏時也荆君等礱石屬余爲記嗚  
呼王之神明在百世實錄在國史感慕在人心末學曲士  
何能贊一辭哉然竊謂王之所難不在於斬將擐旗萬夫  
莫當而在於明燭達旦辭曹歸漢之行也其通天地亘古  
今靈爽昭昭而不昧豈非一念之真正大光明與造化相  
爲終始日月相爲照臨者哉固當血食萬代廟祀無窮矣  
爲人臣子亦有願學王者乎噫王不易學也而辭曹一書

其可以見王之心乎王曰丹誠者信義也人能敦信明義無愧丹衷雖不祀王王必福之若乃背信亾義色取行違雖祀王王所不享豈足福哉噫知乎此即可以知修廟者之意矣余故爲之記

九栢臺碑記

賀賁

九栢臺者臺以九栢樹而名也臺在邑南四十里號畧鎮迺古封號仲之國在唐爲州往牒稱其花木水竹甲於天下每每以親王出鎮焉西山之原有紅亭山之半迺九栢臺磨崖遺記創於唐之王維岑嘉州客散紅亭之句蓋其

時也歷世已久風雨傾圮鞠爲荒草野田霜露之所蒙翳  
狐虺之所竄伏見者憫焉至萬曆十二年鄉耆姚濟表郭  
彥河白欽郭彥湖孟君臣陳善等慨然欲修請練師寶冲  
林者爲化主冲林與其徒數人皆露頂赤足振鐸募緣盛  
暑祈寒無勸息而達官長者亦皆樂爲之輸未幾財用完  
聚命工恢拓舊基鑿崖爲混元洞圖書畫其上前爲三清  
殿左爲三官殿右爲祖師殿前爲八卦香亭獻殿三楹殿  
之前左右則爲靈官真官殿又前爲坊坊前左爲鐘鼓樓  
客舍各一甃磚石爲門門之上有觀音殿子孫娘娘殿其

調停經畫皆出自冲林踰六載始成殿宇悉巍峩雄傑青  
黃相映丹雘交施雕藁炫朱紫之輝畫棟耀金碧之彩聖  
像神容莊嚴妙麗炫然一新矣視昔荒草野田霜露蒙翳  
狐虺窟伏者則有不同工成冲林謁余五體投地願借一  
言以爲記余因與冲林登臺而觀東望二陵髣髴紫氣復  
來也西望瑤池髣髴王母復降也其南則項城秦嶺暮雨  
雪樵而其北則中條五老三晉之雲山北向也至若棋布  
星分烟村錯落浮玉流金川縈如線鬱鬱而含翠者臺上  
之松柏也滾滾而紛紜者臺下之世塵也晦明寒暄風雨

臺之高以爲山之踴躍攢立而出矣曰勝哉是宜爲之記夫臺之制先王以占氣而設是臺爲唐人占氣之臺歟抑昔人見紫氣而作者歟是未可知也夫臺至今存而當時青牛一去則不復返即臺已成空跡而宮殿之詭麗又何足記焉殊不知地以有臺而勝臺以有記而傳築於前而遺記猶存故今之君子有所考而徵焉今如無記後之君子有尋幽弔古者出何以爲証乎則後之視今不猶今之視昔耶嗚呼臺東壘壘而傾者非號城之遺址乎花木水



管甲於天下而城中王侯第宅宏傑堅固而不可動者不  
但百倍於臺而已數世之後化爲禾黍榛蕪邱墟隴畝矣  
况此臺與吾不敢必其百世常新第將來有因記而復修  
其臺者則冲林得與摩詰並永矣冲林初有妻子中年棄  
妻子學清淨苦行力修常閉關三年岩栖水飲齒疏果不  
火食談理道則言言入解所修有中睦村鳳仙菴墻底村  
玉皇廟縣西觀音閣皆有文以記之去走孔和盛李和祿  
等相與同心協力共成厥事者法  
書

又九栢臺碑文

李春榮

號之西聳然高峙者爲原原阜東豁其上寬平盤曲可登  
眺故老相傳爲九栢臺在李唐盛時爲郡刺史賓客往來  
遊寓飲餞之所客散紅亭之詩蓋謂此也宋元以來號旣  
廢臺惟有名而曩之翠色參天綠陰庇地連袂悵離儼駟  
傍俟耀車服於行色矚烟落於望目者但可元想而荒苔  
頽礫且爲之極慘矣明興休養生齒逾二百年號雖不復  
稱郡而士民則庶而富焉富遂好施凡圯寺隳宇皆有修  
葺而九栢臺猶然荒蕪於是隱居篤老郭彥洪陳廷輔彭  
世登馬森何泮等謀創新之乃延羽士竇冲林募化董理

期無邊絕前蹟予聞而嘉嘆以爲唐賢之遊賞舊風或可  
追也因與相契者一登觀之但見巖嶺有洞洞曰混元洞  
前有殿殿前中設香亭側分三官玄帝殿橫爲獻庭庭外  
有坊坊內左右列靈官真官祠坊外樹塞門迤西南爲觀  
音殿戶甬道出其下迤北爲鐘樓而殿旁隙地則道房齋  
廚靡不俱備其大勢之恢廓境中所未有也至其中簷阿  
之華彩廉隅之整飭神像之莊嚴棟壁之金碧駭心恍目  
豎髮悚體有不啻側身神霄玉府中對寶光謁真宰者豈  
意盛美侈唐人之前規以至此乎所費非萬金不能致矣

不知竇師何成功之大且速也工起於萬曆甲申歲七月  
至今癸巳之春工將竣師先昇化去邑侯山東禹城鳳岡  
楊父母旬宣暇嘗一臨視見師之遺像因以其實詢予予  
爲道其詳侯已命予作壁石記之矣夫臺也廢於昔一旦  
復興於今夫師也修乎臺幻身宜與臺俱久而且不可久  
淹塵世卽一時之感慨係之矣况古今之興廢不常有如  
此臺者耶然則登是臺者寄清玩於四時達觀之濶懷也  
慕芳景於山川真樂之遺况也其或瞻像起敬凜神明於  
如在見修作福種善果於後緣則是臺也所關殆不細矣

繼師之志事而光大之弟子孔和盛李和祿等丐予以是  
筆之貞石鳴師之勞且以圖不朽予為記其始末如此

重修大留村火星廟記

邑人許詩主事

靈寶南山自商洛嵩盧奔下按水經門水燭水皆出其麓  
合流岷山為宏農澗北入大河說文釋山盡曰岷郭璞書  
謂地氣界水則止岷山率諸山而來儼然如王公大人長  
途駐驛憩息危坐澗谷峯巒皆揖拱環衛然地之靈秀固  
有不容贊者山半有地平衍如掌邑人據其勝北面為廟  
以地居離位離為少女乃巖飾女像以祀火星環廟十餘

邑北而虞芮南而盧洛西而湖華東而嶠陝凡腫疼瘡瘍  
皆往禱之易疾爲安化凶爲福如嚮如答蓋地氣旣鍾其  
靈人心又萃其神是以靈貺所及無間遠邇或疑國家祀  
有常典火星爲七政之一陪祀昊天若非民庶可僭夫禮  
以義起帝炎帝而神祝融雖天子之祭而燿祭亦不廢於  
億兆掌六所以同鬼神雖太祝之職而禋祭亦得及於黨  
正况醫家謂諸腫瘡瘍皆屬心火禱瘍於火亦鬼神情狀  
感通之自然不然高皇帝文皇帝皆嘗嚴正祀典火星之  
廟勅建兩京得通上下豈無謂歟余鄉岷山火星之祀考

諸三王爲不謬質諸二聖爲不背又何疑乎廟自正德間  
棟宇欹側丹青剝落罔壯神居岷山里王宗道等乃募取  
工財恢闔舊制於嘉靖六年丁亥正月十一日始事於十  
七年十一月十一日落成中爲正殿三間樂樓三間鐘樓  
一間外伯王廟三間限以重門繚以週垣煥如翬如高峙  
離位麗壯實枚再倍於初威靈顯異益彰於昔耆艾幼穉歡  
騰原野宗道等以詩爲土人亦多被神佑俾頌神德勒之  
金石用宣其烈辭曰於維火星昭象於天幹旋生化獨秉  
其銓八卦錯綜匪火不濟九功修和匪火不繼帝王之世

火政恒修祝融闕伯人賴其休心味出入以救民疾見變  
修道以除凶濶國家肇典厥嚴惟祭火星之祀兩都罔廢  
陝號之域其民惟駸以祀火星在禮爲可亢陽愆熱爲疾  
冲冲在禱斯彌下民胡瘞禱之以行百福是荷禱之以儀神  
靈豈和顧惟嶽山祠宗弗稱乃閔乃恤斯答神應嶽山辟  
岬河岳景員奕奕新廟孔安厥神松柏鬱鬱雲物躑躑頌  
在金石於千萬年

女郎山碑記

東郡王田邑令

夫庇民翊國神焉是依而崇德報功義所當盡故凡可以



秩諸祀典者歷代莫不尊禮況山川之神有功於民而顧不及耶蓋禮有常經而無定用故君子不必拘禮之有無而視義之可否神有異施則人有異報禮可以義起俗可以義從苟泥於迹非善權禮者也邑南八十里山曰女郎嶺有聖女祠旁有泉池冬夏不竭禱雨輒應志以靈泉著之究其源漢時山下李姓者有二女長曰玉真年十九次曰妙真年十七鄉鄰求姻二女不與父母怪而問之曰女有夫家指此山也一日姊妹俱遁不見父疑而尋之果見二女在岩石問曰何謂也女曰此山夫家也遂結茅共居

一旦二女同時昇仙而去其旁有洗面水石盆五子石爲  
驗凡祈求蠶桑無不感應由此言之豈但禱雨爲然而女  
郎之義從可識矣迨歲辛亥徂暑弗雨邑人請焉因率僚  
屬弟子員及諸父老詣山祠祈之如禮覆降於泉挹水而  
下不二十里乃雨嗚呼久旱有此於志相符茲雖民望之  
切而感通何速耶夫有是神異渾乎造化同流綽與后稷  
比德而不與常祀理耶於焉時取春秋之分禮如龍逢八  
蜡儀制春祈秋報古有行之是禮也其庶幾乎若夫雨暘  
時若涵育生成奠斯民於壽域普霖雨以遍天下者是固

祈報所深願而不忘者也神其鑒之時司牧者丞有張君  
濟山東往平人黃君魏四川巫山人簿有宋君天祿山東  
朝城人典史有劉君克清山東賓州人敷文教有邵君鼎  
山東益都人譚君宗儒陝西寶鷄人楊君鈇陝西臨洮人  
皆相與致告而議禮者也於是乎書

雙烈祠記

垣曲趙載都御史

雙烈記記楊氏康氏二烈婦也記之云何以死從夫有功  
世教也按楊氏靈寶縣人父惟康任雲南布政使嫁陝西  
武功縣狀元康海子粟生員病故楊氏以死自誓即服毒

家人覺而救得不死至於十一月防稍懈楊氏復服砒霜  
恐仍前救托病飲醋湯二碗毒發姑張氏於楊氏袖內搜  
得砒霜始知中毒急以藥灌救楊氏將藥甌咬碎云我若  
吃藥何必吃砒夫死身存存之何益不如早死以全夫信  
舉家慟哭救解繼以鐵箸啟齒終拒不納因取一封與嫂  
七竅血出遂絕啟其封則素所制送終衣容顏不變若有  
喜色年十八時嘉靖七載也康氏武功縣太守康浩女即  
康海之姪造靈寶生員楊宋即楊氏兄也宋因妹死會葬  
哀過成疾竟不起康氏投地大慟夜以繼日嘔血數次期

以必死姑許安人以理勸諭康氏泣曰我以死許夫夫命之矣安人無可奈何囑婢謹守護數日後康氏佯若寬解勉強食飲家人喜防衛稍緩不知宋病篤時已合毒藥即潛入臥內吞服移時毒發姑大駭即命以地醬豆湯灌解悉拒不納遂絕其預處衣衾寄托後事亦如楊氏年二十三時嘉靖十載也有司以聞奉命旌表其門嘉靖丁酉黃池鳳村張公以憲使備潼關兵事首崇節義憐其事實乃檄靈寶知縣郝子璋卜東關郭門外空地立祠三間周繚以垣外豎門碑匾曰雙烈祠經始於嘉靖十六年三月三

日落成於次年四月十五日緣與楊氏有葭葦之誼狀其事徵言勒石以風教化抑惟節義人之大閑也自夫世道日降經殘教弛子而孝臣而忠夫而義婦而烈聞於世者幾何人哉常道且不能況於臨利害遇事變全忠孝節義無愧者不尤難哉士君子誦經史明禮義以丈夫剛烈自處徃徃持守不固攬事隨渝而欲責諸閨門柔脆之姿不學愚昧之女又豈不尤難哉今二嬪楊氏之女歸諸康康氏之女歸諸楊一嫂一姑俱以芳年婚嫁未久乃能堅持節操視死如歸從夫墮下其高明並日月堅剛貫金石潔

白濯江漢視古之斷鼻耳損面割臂奮激於一時者猶下  
風矣蓋天地間氣鍾於二門萃諸二嬭以爲世道勸良非  
偶也抑以楊氏父以進士歷方伯康氏父以進士任郡牧  
閨門之教涵育有素于歸之後儀型孔嘉故二嬭之行若  
合符節信非偶也嗚呼氣鍾於天教立於人天之所與者  
順人之所助者信信順符而人道立矣道立而天下平雙  
烈於世教豈小補哉故誌其歲月而繼之以詞曰函谷之  
東沔池之西二女丈夫貞烈雙齊矢心不二從夫無違服  
毒若醪視死如歸毒摧五內容色怡怡口嫂曰姑伯仲難

兮芳名炳煥墓草淒迷明教堂堂遺烈巍巍特新祠樹  
以豐碑東郭高原萬古瞻依

東崖精舍記

上黨劉龍尚書

靈寶城內有土嶙峋壁立高數仞廣可十餘畝與東城相  
附着其上又特起數堞邑人目之曰東崖竊意靈寶古函  
谷關外地秦以隴函爲宮卒家六合其地多岡陵險阻利  
於出攻而不利於攻之者故耳邑城之建豈亦因其形便  
芟削有未盡者或存之以測景望氣或爲登覽賞適若卷  
阿然皆不可知使其特築當不若是其高且大而迄以屋



名則非人爲之意也其下爲冢宰許公第故東厓爲公有  
而因以自號公嘗爲戶部侍郎謝政歸作精舍於此有亭  
翼然曰養閑有洞窅然曰獨樂有臺竦然曰望華繚以周  
垣雜植花卉從容憇止日惟圖書自娛親舊造之則命酒  
彈棋盡歡而罷厓中諸景其西面相植則華嶽之峯突入  
雲際大河自西北蜿蜒而至洪濤白浪日夕舂撞南拱秦  
嶺北控中條東倚峴山萬壑千巖極妍盡態應接不暇浮  
嵐香靄倏遠忽近簷楹掩映恍若憑虛御風與飛仙往來  
景與情會興逐時新撮土賦詩著爲八景功成身退怡養

天和真可以忘理亂謝黜陟不知其老之將至也東厓於是始增重焉夫輦轂之間累土爲假山高不踰尋丈旁矚數步結亭宇纔足容膝若兒童戲者所費已不貲而觀者賞嘉王公貴人日爭致之不可得卽有得者亦造爲歌樓舞榭沉醉宴樂之資假令東厓可移價當何許古之爲此多矣偕爲荆棘蕩爲煙塵不知其處而名公鉅卿所爲休退者若裴晉公之綠野富鄭公之還政迄今歷百千年耿不泯頽焉復起敝而輒新過者起敬若鬼神呵護然者地因乎人也是皆洛中故迹公之鄉先哲人其勲業聲名

在公亦無愧焉者東厓精舍與三堂並爲不朽復何疑哉  
靈寶自有東厓無論世代未聞有所屬者雖復在城闔與  
荒邱斷隴相去不能以寸得公而後爲勝固亦一大奇遇  
也始公爲此曰吾老是足矣及詔起爲司馬則曰無寓人  
我室其虛以待我繼都冢宰則曰修我室我其遄歸至其  
易簣則曰予有後其弗棄此基公之所托以終其身而望  
諸後人者意已至矣其子符臺廷綸憲副廷美將世守以  
繼公遊屬予爲記乃述東厓勝概與所以遇公者若公之  
歷履則國有史家有乘天下有聞予可畧云

西峪草堂記

唐順之

靈寶陝洛之衝也環而山者以數十而西原獨當其僻處  
西原蔽秦山之南委蛇數百里散而藪者以數十而西峪  
又獨當其深處峪口偃仄始疑路窮忽然中開更出異境  
茂樹淺草森蔭蔽虧水泉瀾瀾若驚蛇出沒草間其人鹿  
視而穴居可二十餘家於是許君廷議游而樂之乃即峪  
口作草堂於其上仰而眺秦山俯而顧西峪烟雲竹樹隱  
見千態不下席而盡取之其勝又於是爲最己亥歲予見  
許君於京師君爲人嚮達魁岸尤以兵自雄余固意其必

且爲國家建萬里勲也一日與余論草堂之勝且曰吾將去而休於此矣余笑而詰之曰君不聞馬文淵昆弟之相笑者乎夫鬼才傑士其所寄意必于奔湍洶湧之川巒岈崔巍之峯泱泱千里之野極世間險怪環偉超曠之觀然後足以饜其耳目而發其跌宕濩落之氣若夫耽水竹之清幽蔭樹石之翳薈此則窮愁枯槁之人漠然無所振於世而有以自足其樂於此夫固各自爲尙而不能兩得也今君試料才氣與文淵少游竟何似國家且北收河南南繫交會之頸假令據鞍躍馬今之人孰能先君者乃欲乘

欵段優游閭里自比少游其甯可得耶三門之間洪河巨石怒而觶擊砰砰磕磕若戰鼓然百里之外有聲殺函又秦漢以來百戰故處過而覽者莫不躊蹰慨然想見乎揮戈濺血虓虎嗜鳴之雄此皆險怪環偉世所駭駭且近在君衣帶間君何不寄意於此乃欲自託於寂寞背鬼才傑士之好而就窮愁枯槁之所樂此又何說也噫嘻吾知之矣君居河上豈嘗受河上公語耶故曰養辯於其訥藏勇於其怯然則君之欲爲彼而始爲此也其有意乎倏而蟻屈倏而虎躍則余不能窺也已

蠲荒德政碑記

華山 王宏撰

靈寶縣豫之巖邑也在昔賦甲一郡多名公巨卿風俗嗜厚人崇詩書稼穡之業鮮淫奢游惰故官於其地者徃徃以擢去自兵燹疊興凋敝已極田野不闢民之散而四方者半焉 本朝定鼎額賦纔三萬三千順治十五年開荒令下倖功希利之徒假自首勸墾之名竟增賦至五萬三千有奇非其實也後之亟考成者按籍而徵日事敲朴民益逃地益荒不數年缺賦至四萬餘而官之坐是罷者亦踵相接漢陽江君補齋宰茲邑下車之始問民疾苦尋

得其故遂惻然有蠲荒之請爲之痛哭流涕陳於諸臺使者諸臺使者知君賢重其言亦慨然爲民請命先後章凡三上始得 俞允實蠲荒地一千二百一十八頃六十二畝計應徵銀九千八百六十二兩詳在所記蠲荒始末書中當是時正秦蜀用兵閩粵亦蠢動羽書旁午軍需孔亟或有止之者謂事必無益且恐以阻餉見罪使君少惑於其說而請之不力邑之民尙得以安其室廬而保其妻孥如今日也哉嗚呼君唯以英妙之年博綜經史開誠心布公道而又有肆應之才故視天下無不可爲之事嘗論古



今成敗是非之畧靡不晰若指掌而雅鑒人倫於邪正誠  
僞之辨尤兢兢焉抑觀其精神有大於身者其福亦未可  
量也先儒云一命之士苟存心利物必有所濟昔在宋時  
有法行不善者或投劾思去邵康節曰此正賢者盡力之  
時省一分民受一分之賜投劾何益吾每嘆服以爲長者  
之言君之所爲不其然乎吾不暇遠論近代如周公忱鍾  
公况者皆以實心任事利賴數世卒爲名臣君非其儔耶  
故吾自得君而知遇難爲之事有以委之時與勢而竟不  
爲者斯亦不足與言有爲者已杜少陵稱元道州今天下

誠得如公數輩參錯布於中外庶幾天下可治今吾於君亦云

重修函谷關記

王宏撰

古稱函谷關尚已自周召分陝關屬之陝以西惟秦據之號天府之國沃野千里而四塞獨斯關有建瓴之勢所謂天下河山秦得百二者也漢魏以來關以屢遷迄今三千年圯圮無存寒煙荒草豁衍迤運輶軒之使過之者未嘗不咨嗟太息於其間也漢陽江君宰靈寶之二年勤勞民事百廢具舉周覽故址慨懷修葺於是捐金庀材鳩工重

建爲門爲閣財不賦出力罔農妨經始於康熙壬戌年九月  
月歷兩月而落成甃甃孔固榱桷維新枚枚渠渠於乎美  
矣吾生也晚未睹昔所爲關何似而今之崇宏壯麗巍然  
竦立於兩崖之中者嘗試登而望之澗水潛其下城郭在  
几案間洪河遶流於外左之有翠微之色者中條也右之  
蒼茫出於雲霞之表者其嵩高乎背負太華面拱神京爲  
秦豫扼要之地洵堪輿之偉觀斯關所係豈尠小哉江君  
曰否否夫不觀於秦之已事乎當其發憤爲天下雄有并  
吞八荒之心諸侯合從以六國之衆逡巡而不敢入而其

季也泗上一亭長直抵咸陽收其圖籍以建四百載至治  
之業亦烏在所謂攻守之勢異乎今天下一家山陬海滋  
罔不臣服關雖險顧安所用之吾特以復古之蹟焉使君  
子之至於斯者憑而弔之尙論古今盛衰成敗之故知其  
在德不在險也將仁義常施以爲 國家無疆之休則區  
區之心所賴與天下共識之矣吾善其言遂因邑人之請  
而勒於石

重修儒學記

江 蘩

自古建立都邑爰重學校三代盛時自鄉射飲酒養老合

樂以至勞農誅衆飲至獻馘之事無一不在於學士之遊  
其中者其講肄有業其辯說有數蹈舞有節順四時以爲  
術等年數以成教故士行修材量小大皆可爲世用道德  
同而風俗美也厥後學校漸廢詩人刺焉雖以子產爲政  
而鄉校不毀姑使好義者徃遊焉而非以爲崇起教化之  
地也由兩漢而降先王建學之意遂以漸失故雖創置學  
舍廣延生徒然乃名存實亡獨尊崇先聖廟祀有加建號  
用樂比於王者亦既盡倫盡制云洪惟 國家規制邑設  
之學教化所出莫先乎是乃釋奠菜有司僅奉行故事至

於宮廟傾圮風雨莫避所在皆然而靈寶一邑尤甚蓋茲  
邑介四達之區西通秦晉南隣荆楚兵燹以來元氣未復  
地苦荒民苦流吏茲土者期會征歛之不遑奚暇及與賢  
育材之事乎予承乏茲土謂養與教未可偏廢蓋嘗首問  
疾苦簡踏災傷急欲爲民請命至於黌宮鞠爲茂草講舍  
變爲牧場慮無以揭虔妥靈作新士氣心竊傷之爰集闔  
邑縉紳子衿聚族而與之謀時則僚屬縣丞楊汝楫典史  
胡之英學博劉鳴玉皆在焉諸生自遠而至者殆且三百  
一時父老子弟環橋觀聽欣喜驚嘆爲希濶未有之舉余

乃知人心之皆同而學之果不可已也於是與諸君力圖  
修復司鐸者率多士進曰學宮方位據東南隅泮水乃在  
城南門外往者城闔洞啟山澤通氣以故人文蔚興英賢  
輩出自軍興繹騷南門久閉學宮泮水渺不相及形家皆  
以爲非宜余深契其說弗俟龜筮之協即日大起城門士  
心咸喜如疏壅徹障夫思樂之詩樂泮水也豈不信哉顧  
念時紬舉盈卽綵髮恐爲民累勉捐金一百兩以爲之倡  
僚屬紳士互相競奮各有捐斥乃鳩工庀材堂殿齋廡垣  
墻門屏莫不畢治或仍其舊制或新其規模而瓦礫礧

題榮棗桷之堅好宏麗煥然改觀焉諸生張徽在國重王  
琬李珩許鏜董其事朝夕拮据不憚勞瘁經始於康熙二  
十年七月丙申迨十一月庚子實始落成多士因造余請曰  
工竣矣微我公力不至此願一言以記本末余不敢以不  
文辭曰多士亦知聖王建學之意哉惟夫子之道至大爲  
萬世仁義禮樂之主故立之廟祀自天子下達春秋享獻  
卽多士在列者非僅以陪奔走執籩豆而已蓋旣已列於  
庠序而異於細民欲使之學焉得其性之所近同臻於聖  
賢之域而適乎天下國家之用也顧士習旣已不及於古



議者遂謂建學爲空名然而君臣父子夫婦昆弟朋友之  
倫親義序別信之理又未嘗不即心而具也夫古者六藝  
六行六德之教莫非由粗而入精自外以及內期以篤乎  
倫常窮乎理道而已所謂即心而具者百姓日用而不知  
聰穎秀傑之士又或明知之而明悖之奚貴乎講說誦習  
之紛紛耶蓋將放其私智棄其本真傑驕悍之習成而  
易簡性命之理失其亦重可惜已伊洛之教上接洙泗又  
靈邑古關陝地橫渠實講學於此多士能仰溯淵源而指  
意於倫常理道之際則虞廷之所命司徒之所廸誠不待

外求而足也

創建桃林書院碑記

江 縈

嘗 王之治天下惟在教養而已教養之道惟在井田學校而已井田之制一在君十在民合力助耕而民無輸將之事學校之制黨有庠術有序家絃戶誦而人嫻禮讓之風此三代之世士習民俗無不臻至治而登上理也自井田廢而學校衰民有煩苦之征士鮮敦行之實而王制聖教湮遠莫稽矣士君子有志於當世雖一州一邑亦當以天下之治治之隨事用恩隨地布化安知教養之效

不可見之於百里哉庚申仲秋余奉簡命宰靈邑甫入境諮詢民間疾苦得聞靈邑正供原額三萬三千零國初輸納裕如也至順治十五年頒墾荒之令而喜事邀功者以筆墨爲耒耜以文移爲耕耨紙上開荒竟增糧至五萬三千餘嗟呼苛賦一增民膏遂竭數年逋欠除闔省擡賠外尙餘四萬有奇彼時通縣之小民半屬逃亡而士子之學業亦盡荒廢矣余奮然爲民請命力懇題蠲邀蒙俞允豁免實除荒地一千二百餘頃歲免荒糧九千八百餘金節年逋欠一體蠲除邑之鄉紳士庶歡聲震地謂有

功德於民者則祀之皆欲贖金建祠以報焉余曰無庸也昔荒糧未去謀道者先苦憂貧今荒糧既除遂生者即可復性余正於縣治之西購闢宏規創書院以課多士爾等勿重興土木以虛費物力爲也而紳衿父老幡然樂從皆因余有經始之心而庶民卽有子來之意羣才衆力趨走盈途不一月而堂廡垣墉煥然巨麗矣夫古者學宮而外代有書院如峽峒之有濂溪星渚之有白鹿上饒之有鵝湖建甯之有考亭皆先代名賢表章理學之所他如文學之儒亦多所建立若霍山岳麓石鼓松明之類俱傳自唐

宋時卽近在豫省者如嵩陽涑水兩書院皆熠熠天中伊洛間今靈寶爲中州名邑卽古桃林地取以名院豈不與嵩陽涑水鼎立而三乎且古人有民社之責者卽有陶淑之任程夫子爲晉陽令多立鄉校民間所習書皆手爲句讀朱夫子主簿同安設高士軒授徒講學韓魏公作定州安撫使葺學舍課諸生絃誦比鄒魯范文正公判河中士子執經問業貧者分俸以給焉余雖不敏不敢方軌前賢而德造斯士之心實有素願今者書院落成集此多士余捐俸以資其食用考課以董其精勤令士子日就月將進

德修業異日者躡天衢登雲路黼黻盛治霖雨蒼生甯  
非出自今日之造就也歟後之君子官斯土者皆有教養  
之責鑒余之志而撫恤之於士民利病之源深加意焉是  
余之幸也夫是即靈之幸也夫

女郎山禱雨文

霍濟遠

歲在庚午三春靳澤麥禾漸稿入夏而旱愈甚心竊憂之  
齋禱城隍靳澤如故爰率士民躬詣女郎山取靈泉之水  
擇於四月初四日黎明屏蓋撤輿單騎出南門由梨園庄  
逶迤而南四十里至號畧鎮酷日橫空淋漓汗浹塵沙四

起目不能正視命飯畢復由師杜坡冲天寨而南上下坡  
 陀崎嶇磬折又三十里至虎兜坡女郎在望夕陽西墜因  
 止宿荒郊焉鷄鳴起沐徒步上山攀荆棘披蒙茸履巉巖  
 躡峭壁偃樓蜿蜒盤旋而上於星光中見怪石嵯峨如虎  
 蹲豹踞奇樹兀突如龍攫蛟騰從者皆股栗而余心亦志  
 志無定行十餘里曙色漸開檢點出徑盡為茅塞草木蒼  
 翳樵蘇絕跡扳藤附木一步一蹉循懸崖臨陡壑時時行  
 嶮岫中足搖目眩心悸不能已少選焉旭日東升炎威復  
 熾汗流蔽面氣喘如吼復行十餘里始登絕巘進廟仰瞻

遺像有三中爲聖母右玉貞左妙貞卽世傳二女仙也余  
整容肅拜爲民請命稽首而陳詞曰伏以德重坤元利資  
生於萬物道隆陰化溥惠愷於羣倫名號女郎孕山川之  
秀氣位稱聖母擅造化之靈樞千禩爲昭萬民攸賴有求  
輒應無感勿孚曩昔愆陽曾顯傾盆之澍今茲亢旱甯辭  
扣石之徵 濬遠 墨綬初膺圭刀學製凜凜瘵曠翼翼民瘼  
荷二氣之均調千村有慶糞五穀之成順百室無虞節屆  
純陽律宣仲呂來穉在野成壞惟辯須臾花穀方萌榮枯  
止分旦夕蹇逢暴風曠土膏澤難期何當烈日灼天滂沱



末沛草木之憔悴士女之勤憂未有甚於此時者也濬遠  
齋戒虔寅爲民請命率僚友而步禱携老幼而乞靈在遠  
薄德蹇修未敢信灌壇之應惟神鴻慈普惠自克致玉几  
之臨闔境呼號四民匍匐浥靈泉爲法雨涓滴可注江河  
求聖水作甘霖芻勺自通湖海伏願垂憐枯槁默鑒哀誠  
雨三日而成霖遍千疇而霑足密雲布濩果符埴鶴之鳴  
時雨盈流式協商羊之舞東西南北靡不荷生成荳麥禾  
麻咸得登碩茂神功展布元德覃敷四野淋漓共恩波而  
皆遠萬川滂沛與聖澤而俱深矣

問淇亭記

霍濬遠

古之君子雖一日必葺其墻屋者何哉以治民必有政行  
政必有官居官必有署三者廢一不可也至於亭臺樓榭  
固不可窮極壯麗以勞民傷財亦不可任其傾圮荒蕪貽  
羞於後宏農當秦晉之衝左有函關望氣臺之雄右有女  
郎夫家山之勝燦列於前者唐三堂郡西樓也環峙於後  
者老君宅翠微宮也秀甲宏農名傳號國非古名勝之區  
哉逮世遠代移疊遭兵燹不惟複道重樓化爲瓦礫而金  
湯官舍亦鞠爲茂草矣己巳秋余視事茲土簿書鞅掌始

置一切俟三時告成次第漸修泮池瞻紫樓閱試廳老君宅俱煥然聿新因念署之西約三畝許灌莽荆榛荒穢空曠爰命工人芟翳薈除糞壤平坎坳疏淤井植竹數十竿董蒼頭種蔬瓜以資日用不數日而畢復檢舊蓄餘木數十株久貯郭外者風吹日晒且腐矣是棄材也因構一小亭於竹之前木不加丹墻不加彩儉不至陋廣不踰丈凡六日而亭成於是日出有陰風來有聲雲開霧裂則雉堞髻堆桃綻柳垂則棖題脂膩月之行空也光映紅樓影穿綠玉雪之舞花也聲敲翠葉香透雕欄暮靄凝亭朝烟籠

竹陰晴顯晦昏旦含吐莫不於斯亭得之退食憇息思所以治民之道爲政之方居官之則依然欣欣然建一物而三事不廢豈徒侈亭臺樓榭之觀而已耶昔衛武公以抑抑之德悔過好學迄今千載下猶想見其淑懿甯僅當時不可謾哉由是知草萊雖微而德業不泯武公徃矣而萊竹猶存淇澳遠矣而猶倚無異覩斯竹也能不捫心自問而以君子自勗乎遂顏之曰問淇并記其事以貽後之臨亭者咸以君子共勗云爾

重修文廟誌

邑令 吳奇遇

天下之治治於人才人才之興興於學校甚矣學宮者治  
化之本源國運之休隆胥此焉出非一切神祠所可比擬  
者也戊戌夏奉 命宰靈肅謁 聖廟瞻拜之餘見葺理  
維新工將告竣廟貌巖巖古柏森森覽而快之既而明經  
楊君州杰青衿李子均許子鉅楊子清韓子炅烈者謁而  
請曰邑之黌宮多歷年所矣前代遞修碑碣林立 國朝  
定鼎以來晴川江公藝後三韓許公珽蘭亭俞公琨接次  
修葺皆某等後先董理其成而令迭更駛如傳舍未遑記  
也逐年來風雨侵蝕 聖殿之東北坍塌一隅廊廡碑坊

亦漸傾圯典鐸王先生司訓李先生目擊心惻幾欲興修而寒毡冷署綿力難舉今春幸際天中別駕馬公來攝靈篆下車謁廟時兩先生隨以 聖殿請 公環視毅然曰是予之責也遂捐五十金刻期鳩理而兩先生亦輸四十餘金以佐其不逮於補修 聖殿外凡東西兩廡檠戟櫺星二門名宦鄉賢二祠及牌坊泮池次第聿新且於正殿之四旁加立四柱於宮牆之兩邊創造雙橋此又曠前人所未有者是役也興工於四月初告成於九月中事竣立石丐言以誌顛末余聞之喟然曰所貴乎有司者以其能

治民事神修廢舉墜耳况學宮爲育材之藪允其亟宜留意者乃百不得一焉今公以五日京兆捐俸金倡義舉能令殿宇輝煌煥然改觀洵德政之大端不朽之盛事也而兩先生協恭和衷共勸厥成若此善之大者又何可沒也哉三代往矣直道猶存宜紳士津津稱之而不能置諸口也余適際其成而義不容辭諸君之請遂援筆誌之以爲後求之君子勸

重修靈寶學宮記

邑令 程世綬

先夫子而垂教爲二南與靈至邇也後夫子而聞道推伊

浴去靈永遠也意靈被澤深而成才獨盛顧傑俊奇偉之  
英人寂寞而不以聞何哉誌載前代何姓科名接踵許氏  
起居八座者一時四人今山川依然邑屋如故而風流歇  
絕不復列文獻之盛意者學校之澤不流而鼓鐘之化已  
遠歟夫聖道若江海然隨所自得以成其淺深分量百川  
之浩渺溪沼之滌洄波池畝澮之浸灌滋潤下至樽勺瓶  
盎之受挹注鉅細萬有不齊者所取之豐約異也夫爲學  
亦視其所取而已譬之種植必耘耔勤糞土厚然後及成  
而落其實工力稍有未備且未可弋獲而倖得况持身經



世之大道龍騰豹變之所由出歟邑故有學宮歲久日就傾圯世綏來宰是邦旣喜民之殷繁而又樂歲之屢豐也於是集諸生而告之曰工不居肆術業精良果有之乎今瞽宗庠序之地祭萊鼓篋風雨不蔽諸生何恃而弦誦何資而攷稽也局促頽垣敗壁之間苟且因循而欲振刷其儀羽潤澤其文章豈可得哉今夫浮屠老氏於人心風俗何益而愚夫愚婦猶能輝煌其宮宇况吾夫子之道川流不息隨所自得以爲聖賢豪傑善人君子之助而靈又周召起化之邦有宋兩程夫子風流餘韻之所漸被者其發

實錄卷之六  
二  
八  
憤興起宜何如而顧聽其隘陋頽墮昔聖昔賢車服禮器  
靈爽式憑其堪此耶於是諸生相顧懔然余乃捐廉俸爲  
領袖而縉紳士庶亦各踴躍樂輸經始於庚戌八月落成  
於明年二月凡材木瓦石人力所出絲毫無累民間費省  
而工倍董其事者實貢監生員楊清茹大隆李熙鐸張增  
銳張增辰許乘泰與有勞焉嗚呼盛衰倚伏地之靈也由  
人傑也繼自今輪奐旣新游息有所文學道德漸希風於  
成周有宋之隆以與何許諸賢後先輝映余日拭目俟之  
則是舉也其由剝而復爲登高行遠之始基也夫

重修夫家山廟記

雍正九年

邑令

程世綏

雍正七年春

皇帝

特沛恩綸以豫省民風丕變能遵封疆大臣之教急公尚義於是蠲租四十萬兩農民相與竭蹶胼胝益思踴躍輸將上報

天子

殊恩會入夏以後雨澤愆期世綏承乏茲土蒿目焦思因攷邑乘知縣南有石盆泉一道為漢三聖娘娘仙蹟邑人禱雨輒應迺薰沐徒步陟女郎山而望祝焉既卜得吉遂取靈泉以歸朝夕與紳耆士人環禱茲山之巔既而陰雲

乍起微雨南來余初疑其不甚溥徧父老告余曰迅雷疾風是所謂大雨施行也若靈泉之驗必輕風細雨滋潤無垠越數日神果降靈於山左賣花者宣言靈旗已駕將以某刻得雨余曰七日來復理或有之屆期果如膏沾潤歷午至子不絕於時四野霑足士民歡騰麥之稿者立瘠者肥木棉欣欣而繡錯噫嘻神之靈爽昭矣記稱能爲國家禦大灾捍大患則祀之神之護國佑民厥功旣懋則爲之維持保護者其美報宜何如也今廟貌雖存歲久傾圮疑非令所以事神之意與吾民所以崇報之心爰卜日與

工凡殿宇樓臺不三月而丹雘煥然復其舊觀維時世綏  
捐俸以爲領袖而紳士耆老或布金錢或課工作咸歡欣  
鼓舞不憚勞費工成例得書名於碑嗚呼自今以始歲其  
有君子有穀詒孫子安知非 神仰體

**聖**天子如天之仁俾吾民世享豐亨大有之利則是役也豈徒  
修墜起廢以爲闔邑具瞻云爾哉

三ノ二ノ三

重修靈寶縣志卷之七 邑令涪陵周 淦編次

署令金陵方胙勳編次

藝文志中 記 碑銘 祭文 傳 墓誌 行狀 論

記

江公東關生祠碑記 康熙四十二年 陝甘 學政 胡作梅

康熙壬午夏余奉

簡命視學關中路出靈寶靈卽吾友奉常漢陽江公昔年種花

縣也入其境人民雍熙土田豐美至城之東關見其民鳩

工庇材紛紜修創循城抵南關其經營亦復如是初以為

靈寶縣志 卷之七 藝文中 記

市廛之築室也適明經卯君顯極謁余於桃林傳舍先是卯君以謁選京師余曾識於奉常之客座茲一見懽然道故隨以東關奉常公之生祠碑記屬余且曰吾靈泯江夫子深且久自去靈十有七年都人士愛戴之私未嘗一日去諸懷也今年幾處爭立生祠而東關之生祠實近落成愧紀載無文以光鉅典知先生與江夫子交好僉托顯極爲介始敢請一言登之貞珉以重江夫子併爲靈邑重靈邑世世愛江夫子亦世世重先生也余唯唯復問奉常公之治靈也余知之猶不及君知之之詳也請備言之卯君



喟然興嘆曰今吾靈享安堵二十餘年而長有室家妻子  
田疇桑麻之樂者伊誰之賜乎然江夫子善政有爲人所  
及知有爲人所不及知者請爲先生陳其梗概江夫子漢  
陽名公子今爲名公卿其發軔則靈寶邑宰也人知之治  
靈七載政聲洋溢至康熙丙寅以治行高擢奉詔行取入  
爲侍御史亦人知之獨異其初宰靈也在庚申辛酉之交  
田荒賦累民散久矣其時歌鴻鴈而賦黃鳥者不忍聽聞  
江夫子蒿日時艱憂形於色亟往詣各上爲民垂涕請命  
初以軍興餉急不之省後以例格江夫子益激昂悲憤飲

食俱廢不避艱險單騎上天梁復再三籲請疏三上始得  
俞旨自是而荒蠲稅減復業者不下萬餘家靈民慶更生戴二

天矣江夫子更深仁厚澤與民休息招集流亡勸農課士  
通商恤賈濟弱扶孤三年民氣始復案無留獄立剖其曲  
直有時發奸摘伏出人意外久之化臻無訟枵楊不事士  
大夫一以禮讓相接而幽獨常凜長吏之知杜苞苴嚴蠹  
役雖上差素悍鷲者至此爲之帖然捐俸修復於農隙用  
民力創桃林書院重修黌宮厥後起造函谷舊關建南城  
譙樓不勞民不傷財興廢舉墜百度俱煥然改觀斯其用

惠也宏多其樹猷也遠大而勤勞撫字一寸丹衷上以籌  
國計下以裕民生者汀夫子本不欲人知也人亦烏從而  
知之耶比入京考選輕裝就道時靈民父老子弟奔走呼  
號至攀轅卧轍嘆息泣下如父母之遠去而失所怙恃方  
謀上書借留乃絀於上命之不獲已遂皇皇圖爲尸祝始  
而南郊立碑以永思慕繼於曲沃鎮立祠立碑以表愛戴  
衙前之碑所以紀功書院之碑所以頌德而東門外之碑  
穹窿於光天化日之下又人人所耳而目之者可信於當  
時可傳諸奕世也後十餘年來相接治靈者如張公霍公

譚公暨今許公化行俗美無不體江夫子之治以爲治此  
又江夫子流風善政無論知與不知皆堪不朽者也今日  
者我靈邑士民從還定安集之後慨然念含哺鼓腹之所  
由來咸聚族而相語曰異哉吾邑有三聲焉何居乎未之  
前聞也昔之童山而輸賦者而今則林木鬱蔥清風振響  
其樹聲也乎哉昔之催科而掩卷者而今則四野絃歌箏  
燈夜讀其書聲也乎哉昔之追呼而轉徙者而今則麟麟  
者聯鑣蕭蕭者並轡其車馬聲也乎哉夫中牟之政以三  
異傳靈邑之風以三聲見美哉治不出魯恭下矣江夫子

於靈邑之民布德施惠如此靈邑之民如之何能忘之也  
靈有峴山可比襄陽一片石此顯極用是乞言也先生得  
無意乎余聞之怡然曰有是哉奉常公何以得此於函谷  
宏水之民哉其經營立祠蓋亦情之有不容自己者矣昔  
陸象先守河東有惠教民愛之如慈母去後民思之蘇子  
瞻在黃州稱韓魏公去黃州四十年作詩猶思黃州人子  
瞻爲黃州人刻之石然後知賢吏於其所至惟已不能忘  
情於人斯人愈久而愈不能忘情於已也謹以卯君心感  
身被之言記其事不特爲後之蒞斯土者有所感勸且將

令異日輶軒之使與仕宦之過靈者見此甘棠遺績必將  
曰江夫子之愛民也如此民之望也國之福也民之愛江  
夫子也如此俗之醇也邦之光也俾史臣贊之金石銘之  
亦國家盛事也哉回憶出京與奉常公盤桓蕭寺依依不  
忍別去今計程月餘矣明發當入關遙望華岳三峰秀峭  
如畫又生高山仰止之思思奉常公尊人念鞠太先生以  
戊戌進士在高州節推蘇州治中以九江太守復觀察九  
江所至有賢聲民愛之至今三楚推爲名宿奉常公得庭  
教深今見公舊治地民愛之去後猶立生祠因嘆服公家

世德作求宜乎出爲名宰入爲名卿其晉秩之隆勲業之富不可紀極而膝下諸令嗣英英露頭角仲弟爲工部正郎季弟進士四弟候選翰林院典簿極江漢門第之盛天性人倫之樂此皆靈人立祠意中所頌祝無涯者也故得併及之祠起於康熙四十一年正月二十五日成於本年九月初二日是爲記

重修九栢臺碑記

乾隆五十四年

張文旒

邑南四十里曰號略鎮乃古號封之遺至唐爲州屬圻內咽喉開元初並選宗英共持要地故其時之刺號者常以

親王授之政平理暇遑遑多所卜築而坐據川原之盛備  
登眺之觀迴塘屈盤花鳥交映莫過於西山之九栢臺九  
栢臺者卽有唐賓客往來游寓飲餞舊名紅亭處也岑王  
諸賢多所嘉咏亭高鳥外客到雲齊至今膾炙人口歷宋  
元來荒田蔓草敗碑頽垣見者泫然矣前明有練師竇冲  
林者與居民始創新之恢拓舊基聳起殿宇諸神以次配  
列至於鐘樓客舍獻殿香亭大厦剴然就理方謂唐賢之  
遊賞勝地或可沿也迄今幾二百年而丹黃金碧之盛半  
歸剝落矣夫國家釐正祀典祈報而外凡所以奠安黎庶



捍禦災患者皆禋祀不廢無非欲協乎神明惠安元元冲  
林卽勝游之地而創爲羣神棲止之所則斯臺興廢所係  
又非止快登臨極游眺徒以選勝尋芳已也住持道人蕭  
復星者旣於婁下邨重陽觀靈寶縣真武菴以及本鎮洞  
陽觀后土廟城隍廟悉爲修理豈忍坐視此臺之廢遂糾  
合土人馬呈圖郭乃興等亦皆捐輸募化踴躍督成其洞  
殿門亭悉仍舊制懼沒昔人經畫之善也工起於乾隆五  
十四年三月至五十六年七月告竣蓋非一朝夕之故矣  
功旣成乞余言以爲記余謂盛衰興廢之故亦古今之常

無足異者而斯臺也以繁紅縹綠之觀昔之人襲馨擷竒者素矣自冲林之舉而暮鼓晨鐘香烟郁馥今復益加振修更足以不朽矣雖然神聰明正直依人而行者也使居茲土者勉強爲善虔其秩祀而神自降以百福則幽明合惠神人胥和俾疢疾消生植遂蒸爲太和以助我聖天子太平無疆之治是固國家修明祀典神道設教之意也至於鋪張勝概紛紅鬪綠之說茲不復贅云

重修文廟碑記

乾隆五十四年

邑人

張文旒

至聖先師孔子之廟祀於郡邑也歷代爲昭矣至皇朝毀禮

攸隆有光於昔蓋

聖天子崇儒重道顓俊尊賢之意趨正宗而勵士習造端在茲

用是守土之官與司教博士每歲春秋釋奠外凡月之朔

望必拾級升堂焚香拜禮所以推廣造士作人之化肅觀

瞻而備妥侑者也余邑文廟在城東南隅或謂宋天聖元

年創建非也考唐貞觀四年詔諸縣皆立孔子廟又咸亨

元年再詔官司營葺太極十三年復詔天下州縣立學蓋

創於唐而後世遞修之爾我朝祀事彌嚴凡六修舉自

乾隆己卯歲縣令李公等重修後己歷三十年日月銷燦

風雨剝落廟貌腐敗 神座塵塵以致莫薦法齋禮幾不  
備今邑侯長蘆李公蒞任之初謁廟升香周視悵然亟圖  
所以繕治乃捐俸廉先自泮池及廟前崇樓樓下三洞門  
始次則經營殿廡門坊以及文昌閣名宦鄉賢等祠工鉅  
費繁籌畫貲不敷用於是孝廉杜君漢文選拔李君接三  
布經何君漢章等復昌邑之紳士輸助得千餘金庇材鳩  
工命遇炳凌雲克興金堂董其役五越月而葺事宮牆內  
外望之煥乎遂如新構焉懿夫廟之建也踞邑治之巽方  
實爲文明之地苑內翠栢十餘株悉數百年物向若靄淡

淡茲則蒼鬱芃芃匪直菁莪堪呀也廟趾逼近城垣文氣  
弗暢前令鑿壙爲門者三甃而爲洞以疏之上制層樓漸  
就傾醜茲則峻極蠹峙登高憑欄一攬關河之勝垣外數  
武卽泮池池中泉湧三穴清冽而甘源頭活水域內黌宮  
所罕魴鯉躍波茆芹擁綠 侯之戾至思樂可知也矧茲  
莘莘祠祠觀榮者如登文杏之壇沐浴聖教正未有艾乎  
然則侯之佳政不可不記載也在昔唐之初葉詔州縣立  
孔子廟堂有司莫不殫力整齊而爲之記者皆當時大手  
筆如王楊韓柳諸人或攜藻掞華或歌風蹈雅鋪張揚厲

以彰觀制之雄旒等不文又不工書未能如虞永興以翰墨流傳盛事謹叙其原委而泐之石庶幾後之踵而增華者有所徵云

女郎山禱雨記

嘉慶二十三年

縣令

呂子珏

余於嘉慶二十二年歲在丁丑七月來宰是邑薦紳先生爲余言 女郎山神之靈若漢中府西南六十五里之嶧山有禱斯應戊寅七月旱甚余心如焚計唯乞靈於 神或滂大澤二十四日齋戒二十七日夙駕行七十里宿宋曲村 行宮虔禱二十七日丑刻由虎兒坡至七里原乃

步行上山約十三四里路之險行之渴前任令霍君記中  
詳之弗贅也到山取一盞以油紙四五層噤其口納諸坎  
窞此坎名石盆泉土人謂神沐於此蓋取玉女洗頭盆之  
義云上係巽繩如汲井之繡余向坎肅拜從吏如巫代達  
爲民請命意又密告余盞盈方得雨而口緘滴水難入余  
心大感跪拜良久收綆啟視有寸許水焉重納下誠求再  
三收而水已溢啟而器真盈矣既駭且喜捧持而行復禱  
龍王廟白龍潭一如 女郎廟之靈卽日返署二十八日  
丑至午微雨午至酉漸大子刻後寐覺而簷溜如注躍起

而視院中成沱明日鄉村絡繹報雨四野霑足民歌舞之  
 噫神之靈一至此哉蘇長公喜雨亭記云歸之太守太  
 守不有餘宰是邦而得神之祐若貪神功以為已力  
 是伯宗之攘善也歸功於神詳誌之以示來者

重修 關帝廟碑記 道光三年 許迪吉 邑人

國朝祀典之鉅廟貌之崇有 至聖先師孔子有 伏魔大  
 帝關帝畿府州縣同然靈邑東郭 帝廟奉

勅建舊矣嘉慶戊寅歲 邑侯呂公因歲久捐俸重新揀邑之

紳士董其事召而命之曰孔子曰知我者其惟春秋乎竊



謂後世知孔子者莫如 帝學孔子者亦莫如 帝蓋明  
於大一統之義以天自處以天運世神明愈久而愈熾者  
在此麟經也舊雖有其闕今必大其規模至正殿擴三爲  
五夏直臣祠三代祠並加整理幸無憚其煩 邑侯李公  
繼有同心縣尉薛公爲之翊贊歲壬午工乃告竣煥然並  
新惟呂公克圖厥始惟李公克成厥終大成殿而下無有  
如 帝之正殿者而麟經遂與尊經相輝映矣若夫諸紳  
募金四千督工五載其工食所出俱屬闔邑居民輪流分  
派所謂 聖人出而大義行 聖人往而大義明觀於人

心效順益信春秋之功在萬世也是為記

重修文廟碑記

道光八年

中憲 蔣明允  
大夫

道光丁亥十月

余

以公道出靈寶會縣令楊公雲厂重修

文廟功竣往觀之述其顛末請為記按靈邑文廟創自前

明

國朝叠經修葺至嘉慶二十年地震悉就傾圮道光八年秋

雲厂令茲土建議鼎新其明年適奉

大憲飭設立義學

謀增書院經費商諸同寅各出俸為倡並勸士民捐貲助

理共得銀二萬有奇於籌畫義學書院外庇材重修擇紳

士九人董其役自大成殿及兩廡戟門櫺星門澈底更之  
其 崇聖祠 文昌閣 奎星閣暨鄉賢名宦各祠宇並  
泮池齋房學舍亦皆完美以乙酉六月經始迄今春暮落  
成通費白金一萬六百兩有奇堅好壯麗巍然煥然前此  
未之有也今夫天下不可一日無學卽不可一日不師聖  
賢 文廟者學之宗也

朝廷崇儒重道禮制攸隆直省郡縣胥立 文廟春秋享獻  
命諸生駿奔走執豆籩於其間俾得取法觀型共抵聖賢  
之域其典至重其望彌殷况靈寶古稱名勝自老子負猶

龍之譽於此地著道德五千言彪炳來茲貞珉不朽厥後  
伯英以草聖傳於漢嗣仁以詩歌盛於唐他如董季直楊  
達夫輩皆後先輝映卓爾不羣英哲挺生至今未艾大抵  
聖賢牖迪之力居多官斯土者苟不崇本而作興之將何  
以繼其盛而成其美哉雲厂西江巨族其先祖勤懋公理  
學名臣貽謀有穀平生以聖賢自律且以律人不肯稍自  
貶抑余嘗觀其著述想見其爲人雲厂下車之始他務未  
遑而獨於茲懇懇焉蓋其淵源遠矣夫修舉廢墜守土之  
任也轉移風化司牧之責也先是靈邑艱於科目是舉甫

典工而秋闈獲售者三其效彰彰如是今日者廟旣飭矣  
爲我進諸生而告之曰此先聖殿也覩此當志聖人志  
此先賢廡也覩此當學賢人學摩挲於禮器之旁步趨於  
俎豆之側仰止而嚮往之則雲丁之心亦可以無負而  
至聖之降鑒當必更誘其衷從此文物之興愈出愈盛有  
不僅區區科目已者彼科目又曷有旣也諸生勉乎哉後  
之君子亦可以觀矣是爲記

重修婁下村得相廡碑記

道光九年

許虎拜

邑人

號鎮東北六七里爲婁下村舊有得相廡前明萬厯時創

建至今

上御極之初風雨催殘金碧剝落久矣歲甲申余將東行過其地見流水一灣茂樹千脰慨然有塵埃外想因下馬遊憩歷山門二門周迴顧視迤而東爲東角門迤而西爲西角門飛檐布翼高插雲表其內分東西兩院東院南殿奉白衣菩薩西院南殿奉三大士殿門外綠樹參天清陰鋪地趺坐其下梵聲朗朗茶烟裊裊掃石安碁此樂真不減羲皇上人問之故老咸曰此僧人道緒手澤所留貽也余深嘉道緒之賢而又惜棟宇凋零相與徘徊者久之猛

視日影已近卓午急急出門就道至道光七年同社諸公  
慮其無以安神靈肅瞻仰也同心鳩集得金若干以備需  
用自東西角門山門二門以及東院西院南殿皆重加修  
理煥然一新而所用之材取資於道緒手澤者頗多嗚呼  
道緒此舉可謂不朽而首事諸公殫數十晝夜之力庇材  
鳩工共襄盛舉亦殆將與此庵共千古矣工告峻囑記於  
余余憶曩者之遊重傷傾圮業經修葺其必迥異前此可  
知也因筆而書之以爲同社好善者勸至風景之美黜陟  
之鮮得諸想像尤願親諸目睹卒歲匆匆請俟之異日重

遊

重葺

三聖母廟碑記

道光十七年

嚴正基

傅城東層岡環列迤北孤阜鶴起一綫蜿蜒而下蹲伏郭  
外有廟竦峙其巔卽邑人所稱 三聖行宮也按邑乘載  
漢時有二女事親不嫁其親強之遂指山爲夫偕隱以終  
後名其山曰女郎並其母構廟祀之額曰三聖又以禱雨  
輒應廟祀寢廣邑城始建此廟蓋由來久矣余初以其事  
近誕不之信去年秋彌月不雨祈禱四出復不雨廼步禱  
於女郎山越旬始雨僉曰是殆非 神之賜也余曰禱而



應遲與速皆是也又詎非神之賜哉夫吾民不幸而有災所恃以澹其災而弭之者恃人而亦恃神若旱魃之爲虐蓋有地兼數圻而如燄如焚燎原之勢日熾無一遺秉滯穗之存者故其災甚鉅而弭災之術卽窮尤不得不聽命於神其在雲漢之詩曰靡神不舉則牲於圭璧之勿敢愛也靡神不宗則自郊徂宮之蔑弗祀也蓋卽省躬引疚凜之以天與帝惕之以祖下逮庶正冢宰趣馬膳夫之微莫不蕩瑕滌垢而所以馨祀維虔冀回明神之悔怒者又無不至也然則災不能弭爲民徼福於神而祀之也振古

如斯今何獨不然且余嘗溯洪澗而南按圖考地往來者  
數矣見夫面函背維錯於豫雍其地阻采而瘠求所謂廡  
廡周原者無幾也而廡渠利以劭農功者蓋渺是以民常  
苦旱今方賴神之賜日雨而旱災旣弭矣何疑於神  
夫神以孝顯於鄉議者雖或以其詭於中道爲惜而遺微  
流播里閭亦足以振厲頽俗况甘澍之敷澤被粉榆是大  
有造於吾民也民德神而肇修禋祀其莫敢廢墜而勿  
替引之也宜也神廟之在女郎山乃爲風雨漂搖過甚  
余旣屬近村紳耆重葺而東郭之廟因歲久日漸漫漶其

廣基爲行潦所齧亦半就傾圯迺出俸緡爲倡紳若民之  
戴神惠者咸源源樂輸遴邑紳茹君洛荆君鳴岐孫君彤  
舟董其役隘者擴之頽者撤而新之經始於去年孟冬上  
澣以今年孟夏上澣告蕝維時雨暘時若歲以有秋僉又  
曰神之賜也顧余奉

天子命宰此邦幸得沐神賜以保艾吾民而比年畿輔雨澤  
偶愆上厯朝廷宵旰凡所以展禋百神爲民請命者甚  
賅其視周宣之遇災而懼殆又過之夫盛世不乏災禳之  
降而堯湯在上卽災至亦不甚爲患其敢弗靖共爾位體

聖主憂勤兆民之意感召天和毋作神羞至於屢豐告慶民

氣樂而頌聲作所望於神之綏我思成者方永永無極故

於廟工之成也爰綴叙重葺神廟本末並董事者之勞

揭而書之至葺廟工需及創建劉猛將軍金姑娘娘娘各廟

二其用銀若干錢若干例應並書又捐輸各紳民姓名亦

不可以或沒也則泐諸碑陰云

重修女郎山 三聖母廟碑記 道光十年 嚴正基

歲戊戌秋環邑城東西近村久不用祈禱備舉仍不用僉

稱女郎山之

三聖廟所，有應。余先期馳至宋曲村齋沐，戒旦雞初唱，秉炬沿山，礮前發，迤邐至七里原，小憩。蓋山之麓焉。旣而晨光熹微，舍輿而徒攀躡山椒，以行約四五里許，碧峭摩霄，荒榛蔽翳，有徑緣懸巖陡壁間，一縷羊腸，偃僂前却。輿夫曳長繩下導，挽以登，從而後者掖之，升踵頂相接，行數步，輒氣吁欲踏趾，少駐始再進，汗淫淫下，不止行走蹶躓，喘息憊甚。日晡時始躋其巔，展禮於廟。距廟不數武，石礪有清泉，一泓瑩然，澄碧納餅，泉中禱益虔，挈餅得水，遂竟日馳歸。越旬而雨，其時民村之在山左右者，甘霖應候。

年穀告登沐 神賜尤渥余以 聖母神廟漸圯近山之  
尙溝元紀焦村二寨並鄉官楊冲二寨民人咸前徼 神  
惠蠲減草豆有差屬令合力醮貲重葺並酌定以後修葺  
年限俾垂永久經始於今年季春下澣至季夏上澣告竣  
僉籲余文以記余因敘次其顛末於右至 神之出處軼  
事並余所以祀 神弭災之意已詳著邑城東郭外廟碑  
中亦不贅及云

新建靈邑考院碑記

道光二十一年

縣令

嚴正基

靈邑舊乏試院有司每值試期則張幕於廳事之前駢坐

兒童其下屬試地湫而隘霑霖風霾弗蔽應試者慄慄卒  
事余縮邑符之初心焉。恫之議建試院爲甄英區以連歲  
小祲又籌待畚會辦裝實慮民力未紓屢不果泊去年夏  
麥大熟廼集邑人士議之僉曰可首捐俸緡爲倡紳氓之  
急公者咸輸將恐後於是相地宏農書院之右鳩工庀材  
經始於仲秋中泮越季冬上泮告成會余遷刺鄭州以行  
未有以紀其事今又五閱月矣謹綴叙創建本末而爲之

記曰

國家仿古賓興賢能之制三年大比命儒臣典試直省取士

如額登之賢書以達於禮部復簡大臣集諸京師而都試之拔其尤者錄如額

天子親策之廷用京外秩有差殆與記稱升諸司徒曰造士升諸司馬曰進士者有合焉其試於州縣有司則爲童子試校其文藝而甲乙之籍而上之郡守若刺史又從而加甄覈學使者按部而都試之比年爲歲三年爲科拔其尤者錄如額亦籍而上之禮部始稱弟子員又卽古者命鄉論秀之遺意蓋童試爲士子策名初旒有司與民相親遴材尤近且稔試院之建實所以優賙邑之成人小子而相漸



於得人爲盛爲士子者庸可以不加勉耶夫人於齊民之中而別之爲士皆有家國天下之責者也作聖之功自蒙養始明體達用爲天地立心爲生民立命以成爲位育參贊之功者亦自成童肇端士子本家修爲廷獻當先器識而後文藝昔晏元獻以童子廷試嘗稱私習此賦請試他題識者覘其爲公輔器中州名臣鉅儒項背相望賈太傅舉雒陽秀才年甫十八程伊川先生在太學著顏子所好何學論亦方十八厥後志事卓卓推三代以下第一流人物且靈邑號稱人文淵藪自漢唐以逮元明難更僕數卽

許襄毅一門兼資文武出將入相迄今炳彪史冊著爲措紳美談士子英年邁往其於鄉先生之流風遺韻能勿觀感而興起乎韓退之有云諸生業患不能精無患有司之不明行患不能成無患有司之不公蓋某也良某也不良自其童子就試時通國已無不耳而目之士子亦顧自命爲何如人所學爲何如事假令倖而獲選名實不符又能勿內赅而滋疚乎繼今以往甯樸毋華甯愿毋肆勿以躐進自矜勿以小成自域所志不求溫飽以天下爲己任科目之盛人材之美且茂固將於童試士子中樂觀厥成而

猶謂古今人之不相及也吾不信矣茲工之成蓋其役者  
 為邑紳茹君洛荆君鳴岐孫君彤舟陳君世勳劉君世  
 閻君震密張君玉山楊君清渭皆昕夕蒞事不辭勞勩以  
 有成功共用工料銀陸千玖百陸拾緡例得並書其捐輸  
 各花戶芳名則分別住居各堡亦泐諸碑陰以垂永久云  
 重建 山神廟碑記 咸豐元年 邑令 錢文偉  
 洪惟

聖天子光被萬寓懷柔百神海滢山陬罔弗翊戴

皇靈以奠乂我烝黎覓乎尙已靈城之東臯五龍溝舊有

山神廟不知起何時或曰神卽晉從亡臣介子推然考春秋時疆域茲爲虢地後并於晉其於焚山招隱縣田旌善之故壤遠不相及好事者附會之說無俟深求也小戴記曰山林川谷邱陵能出雲爲風雨見怪物皆曰神又曰凡有功德於民則祀之靈邑東瞰砥柱北臨巨河西枕函關南延商雒山川盤鬱之氣精英湊聚而靈祇出焉自新斯廟以來民無疵癘物無天札風雨以時年穀順成則神之佑庇我民視夫叢祠祆廟作威福以震厲一方者大不侔矣邑之人崇而奉之固其宜也又奚必指爲某某蹈

天運君之奔陋哉工創於某年月日落成於某年月日捐  
費者若而人督工者若而人另泐貞珉是爲記

捐復靈寶書院義學及鄉會試經費記

邑令 周 淦

靈邑宏農書院規自

國初前令江公後經歷任籌捐又置義學十四處凡與賓興  
者膏秣皆有資其經費生息銀至一萬四千兩有奇以故  
士習文風蒸蒸日上童試嘗千餘人登甲乙榜者踵相接  
至其風俗敦龐人情樸質尤於豫西諸邑中稱最則學校

之化遠也同治初粵逆擾竄是邦當西路衝一時供支籌  
禦需用浩繁竟將前項生息本銀提用弗克歸三事坐廢  
士氣滋不振卽中鄉試者亦數科無人焉予於庚午春宰  
是邑觀風之次生徒寥寥詢其故心憂之卽議興復而以  
兵差絡繹未遑也至次年差漸減歲復大熟爰集紳耆議  
僉謂民困甫蘇驟捐原欸力弗逮現在辦差設局已歷多  
年不如合計每年需費若干卽由差局催辦勢順易行予  
聽之乃定本年由差局捐銀一千兩以八百兩充書院師  
徒束脩膏火資以二百兩合從前廢餘稞租復義

處自同治十一年爲始釐定規條認真訓課行之期年  
向學頗衆書院請業者屢滿義學設未遍向隅者多於是  
復捐貲添建書院齋房十一間又由差局每年再捐銀二  
百兩連前共置義學十九處其章程大略書院則山長束  
脩銀一百兩火食一百二十兩由閭邑公舉品學兼優者  
官訂之每月官課一次齋課兩次官課每次膏火銀二十  
圓兩齋課每次獎賞銀半之每年二月初二日起十一月  
二十二日止齋長二名一在書院考定一由差局公舉一  
切銀錢公事悉以委之義學則每學束脩銀三十兩子弟

以十六名爲率正月十五日開學十二月十五日停學其塾師由本學首事公舉官爲諭定如有事耽延卽倩人代廢弛學事者易之倘首事不認真並將學移之凡需銀俱由禮房填給照票赴局支取其有用剩銀兩每年於差局交替時算明呈繳發交鄉會試首事經理生息歷年旣多亦成巨款如此定議則涓滴歸公旣免侵吞亦難挪用且一舉而三事俱次第復焉議旣行卽稟明 上憲立案今將勒石乃進諸生而告之曰本縣所以汲汲於此三事者非徒爲爾等獵取科名計也軍興以來上失其教民不興



行風俗淫靡趨利好訟甚至父子兄弟不相顧非世風之大變乎本縣德薄不能化民士爲四民首其各敦品力行以禮義爲鄉人表率他日得志必求爲

朝廷建不朽之業以光邦家而榮閭里此本縣志也若徒有文無行或恃符峻訟爲害鄉閭或貪利偷安虛應故事則諸父老每年捐資以豢養爾等者何賴焉有一於此人人得而攻之本縣將拭目而見三事之旋卽於廢耳其能永爲爾等庇乎諸生瞿然曰謹受教因退而畢書之

修理靈寶縣署記

同治十二年

邑令

周淦

衙署傳舍耳偶遇坍塌暫權者曰吾不過五日京兆也不暇修實任者曰此終非吾家物也不必修甚者又因以爲利稍作補苴輒虛報工料而難諸後任名曰修也實未修諺曰官不修署其信然歟若然則天下尙有衙署乎哉每嘆士人讀書他日得志必將爲國家建萬年不朽之業區區補偏救弊不足言也一旦身膺民社衙署乃其棲身之地尙聽其敗壞而熟視若無覩則風俗之澆漓與民生之疾苦能望其關心乎吾不信也衙署之制大堂前有捲棚又其前有戒石坊旁則科房在焉儀門旁則班房在焉太

門外東西則牌坊前有照壁所在皆然而靈邑縣署所建亦如式大堂後則二堂餘則各就地勢而布置之靈邑則二堂兩旁爲東西廳其後則三堂又其後則四堂五堂東則廚房西則幕館後枕北城前臨大街規模宏整洵足以壯觀瞻而肅法紀焉余於同治庚午春宰是邑適前令皆不久於任僉謂衙署之故余入署周視戒石坊甚低小捲棚毀於風已三年矣四堂住院門偏東頗不中觀餘房亦舊損無生氣爰命工改正院門而後入是年夏西牌坊被水冲亟購料建之卽擬立捲棚以事未果至次年春始克

立又將戒石坊高大之而大堂以外煥然改觀矣廚房偏  
後堪輿家以爲不利宜移前乃如言另建工甫竣而東廳  
正房左右三間先後塌爰就塌者修之未幾三堂西廂又  
塌則拆而全修壬申夏二堂塌則又全修秋五堂又塌則  
又修今年夏四堂住宅東廂又將塌則又修其他隨時修  
補不知凡幾蓋署中房屋不下百餘間三年來修者幾半  
或勸曰是獨不可少安乎何自苦爲也余應之曰余不才  
不能爲國家建萬年不朽之業是區區補偏救弊者而尙  
不能乎或曰旣如是則爾所費不貲矣卽全以攤諸後任

庶幾酬爾苦也余又曰余自修吾署於後任乎何與安知後任不又有後任所應修者其又將誰攤也嗟夫使後任皆各修其所應修卽謂此署萬年不朽焉可也今擬立石以誌故備書之以俟後之君子焉

重建邑厲壇記

周淦

天地間果有鬼神乎視之無形也聽之無聲也以爲有吾不敢知也天地間果無鬼神乎無形而忽若有形也無聲而忽若有聲也以爲無吾亦不敢知也蓋鬼神者不有於形與聲而有於人之心鬼神本無形而人心形之本無聲

而人心聲之人心以爲有則卽不得而無誠使人人之心皆有一鬼神而天下治矣聖人之治天下也旣親親矣親親而仁民而愛物矣不幸而親有時終聖人不忍無其親也於是思其衣服思其飲食值春露秋霜則聚而享之於廟焉而聖人之心猶未卽安也曰吾之親可不餒矣彼天下之窮而無告者其生也吾得而養之死後將安所得食於是又招凡無告者之鬼聚而食之野而廵之以城隍之神亦若神與鬼之凜凜皆在吾前者此邑厲壇所由設也然則邑厲壇者聖人本仁民愛物之心推之以及於幽

冥者也誠使人人皆各神其神而鬼其鬼則養生送死之道得天下有不治者乎如此則鬼神不能無斯壇顧可少哉靈邑厲壇舊在縣城北同治初爲賊毀每春秋城隍神出巡則露處郊外非所以妥神靈也因與同城官紳謀倡捐重建地則移北而基則加高經始於同治十年十月至十一年三月工竣記用銀四百餘兩規模宏整頓改舊觀時正修理泮池各工未遑計也今年癸酉冬各工次第告成爰追記數語刻石以垂不朽曩是役者縣丞韓君繼宗司鐸馮君玉堂司訓楊君燮堂把總吳君超典史史君

悠玉首是事者候選教諭荆梓候選州同楊樹屏六品銜  
邵繼泰八品銜何致泰張躋堂從九品趙鴻書李久長把  
總劉永義監生趙萬方張慎行者老萬昇長也例得備書

叛建函谷關門卡記

同治十二年

周 淦

函谷關卽古桃林塞周時在德不在險弗重也至秦爲重  
關六國爭之楚漢之約亦謂先入者王蓋關實據天下形  
勝一夫當關萬夫莫逞故昔時皆以重兵守之漢唐以來  
天下一家關久不閉逮我朝定鼎燕京以德化民此關  
不過豫西門戶於天下大勢無與焉咸豐間粵逆倡亂天



下騷然同治初是邦兩經匪擾未聞有議守此關者今

三上親政伊始海內蕩平惟西陲餘孽未清游勇充斥行旅病

焉余承乏茲土職等抱關爰請於 撫憲設關以稽計捐

銀二百二十兩鳩工庀材添置關門一重關東北闢地三

弓建官廳三楹兵房二間關上舊有猶龍閣奉老子像閣

前雉堞殘缺不齊旁有廢窖數孔漸就坍塌概令修理完

善繚以墻垣工始於本年三月初十日閱兩月告竣卽於

五月初十日選派丁壯隨同營兵駐關稽查規模宏整防

範謹嚴自西來者殆難飛渡易日重門擊柝以待暴客禮

曰關譏而不征蓋守土者責也然則是役也雖非

聖天子尚德之意倘從此匪徒歛戢行旅獲安亦庶幾稍盡守  
土之責云爾

重修 關帝廟記

周 淦

靈寶在周爲桃林地縣西南二里許有關曰函谷西至潼  
關百餘里皆高原卽古桃林塞也原之上距關不一里有  
塚隆然則夏直臣關龍逢之墓旁有小塚土人曰此皇姑  
墓也蓋龍逢在夏爲國戚乃不遠嫌避害而直諫以死致  
令後世忠直之臣皆願相從地下抑獨何歟後二千餘年

真 聖帝出焉相傳 帝實龍逢裔昔曹操命許褚開函  
空之道以運糧適傷龍逢墓脉致有麥城之難此事在史  
無可考第以 帝之忠於漢與龍逢之忠於夏異代同心  
如出一脉理或然也獨是 帝在漢臣也侯也由晉而五  
代而唐宋而元明未有異也乃至我 朝威靈特著海滌  
山陬無不有 帝之廟婦人孺子無不畏 帝之靈凡國  
家大灾大患無不賴 帝之護佑以幸於無事而我 朝  
所以尊崇之者亦竟廟祀之隆至與 孔聖埒其故何哉  
今夫世道日下也人心日橫也彼亂臣賊子狂夫悍婦喻

以 孔聖之教冥若罔聞迨一聞 帝之名則莫不心悻  
膽落却顧而反走蓋 孔聖之道大而難名而 帝之神  
則靈而難犯 孔聖作春秋誅奸回於既往也 帝之學  
春秋警邪亂於將來也非有 帝之靈而 孔聖之道將  
不行故有 帝乃以濟 孔聖之窮此所以並行不悖而  
廟祀無窮也若是則 帝之神在天下猶日月之在天江  
河之在地無往而不在也豈嘗有私於人哉乃靈人獨喜  
曰吾之鄉 帝之祖墓在宜 帝之呵護獨至也故靈人  
之事 帝也亦獨謹縣城東關外有 帝之廟爲地方官

春秋致祭之所獻殿毀於風已四載失於修遇大祀褻慢殊甚王申夏余旣修孔聖廟乃並捐廉修之邑之人歡欣從事不數月而告成凡正殿春秋樓三代祠皆重加丹牖明年癸酉又將樂樓鐘鼓樓墻垣甬道一切新之巍然煥然觀瞻頓肅是二年歲亦稔此可見帝之呵護靈人者至而靈人之事帝者謹也雖然帝無私者也自今以往其益孝而親敬而長睦而戚黨信而朋友庶幾帝之佑之以永保此平安乎若猶是不孝不敬不睦不信則帝正以祖墓故恐若輩波累之必將鑒察而譴責之不遺

餘力其能反爲爾寬乎甲戌秋工旣竣誠恐邑之人或忘此言也因紀月日起訖而并泐於石

重修夫家山 娘娘廟記

周 淦

同治十二年癸酉春我

皇上聖學已成將親政詔天下帝王陵寢先聖先賢祠墓及廟宇之關祀典者飭所在地方官一切修治時余令靈寶三年矣履任後凡 文廟武廟邑厲壇皆已次第興修獨縣之東有山巍然曰夫家山山之頂有廟巍然曰娘娘廟乃地方官春秋祭祀所必及朔望行香所必至而都人士求

爾求子所必不遺者顧猶傾圯蕪穢竟爲無賴子窩藏之所一日香畢四顧徘徊乃不禁慨然曰有是哉此無怪靈邑縣運之不振也夫家山起脈於縣東南之乾山由乾山蜿蜒北趨忽折而西駐於此下臨縣治太行屏其北龜山蛇山障其南太華遙拱黃澗交流在其襟帶青鳥家以爲縣之主山詩曰泰山巖巖魯邦所瞻墟之有夫家山其卽魯之有泰山歟靈邑在豫西爲鉅邑本車馬輻輳之區人文薈萃之地也在昔唐之楊憑祖孫明之許進父子聲華烏奕先後相望其餘掇巍科登顯仕者尙指不勝屈獨我

朝二百年來風氣日趨日薄人情好利士習委靡求其志  
趣卓然可爲衆人表率者十無一二卽登甲乙榜者亦寥  
寥不過數人豈山川靈氣亦有時竭乎何古今人之不相  
及如此也查娘娘廟不知始何時攷縣志娘娘以祈雨靈  
應經前明縣令王田列入常祀而廟內荆時薦所書榜字  
則在萬厯年間正是邦人文鼎盛之際由前日之盛以推  
今日之衰則或者卽此廟頽廢所致乎今欲培植人文而  
置此廟不修是何異治河而不疏其源也不亦悖乎爰以  
是意謀於衆僉以爲修之宜乃先捐錢百緡爲倡同城官



紳士庶亦轉相丐集又復陸續籌畫共得錢壹千四百五十餘緡將正殿享堂兩廊粧樓舞臺傾者悉起舊者悉新四圍悉繚以垣又添築景靈臺一座道房三間而山半龍神祠及山下大門皆一律修治崇闕壯麗煥然一新自西來者第見仙山樓閣矗立雲霄目炫神悸直以爲瀟函關皆紫氣也他日出其正氣以篤生賢喆又散其靈氣以霖雨蒼生不惟時和年豐而人文之蔚起直上追乎唐與明之盛則今日興修之力爲功顧不鉅哉工始於癸酉年二月訖於甲戌年七月首事等丐余爲記因書此以付之至

山之得名與仙之顯應景靈臺記已畧言之茲不復贅云

夫家山景靈臺記

周 淦

聳然於靈寶東關偶一登臨輒不禁三晉雲山二陵風雨之感者夫家山也攷縣誌山在縣治西南八十里許漢時李氏二女及笄弗嫁母勸曰女當有夫家女指後山曰此吾夫家也後借其母俱仙禱雨輒降山由是名邑人奔走爭先道遠恐弗及因於東關山頂肖三仙像立廟以祀并卽其名呼焉凡遇旱必以禱後有以求子往者亦罔弗應詩曰維嶽降神生甫及申其信然歟既無往不在復無求

不得甚矣仙之靈也。余泚靈之三年歲壬申，偶因子少一禱，果驗。心異之，而廟經兵燹後頽廢幾不堪矣。先是城守吳君超亦如是得子，因與倡捐，共得一千四百緡，付首事荆梓等督修之。計正殿三楹，捲棚三間，東西廊各一向，後粧樓前舞臺，暨四圍墻垣，胥令一律完整。舞臺北尚餘地數弓，爰添築層臺，建複室其上，爲宴游所。以癸酉二月興工，越九月蒞事落成。日都人士相與觴於臺，而請名於余。余乃憑臺觀之，見夫縣城伏於前，雉堞譙樓瞭如指掌。又有水自西南來，兩山如龜如蛇，挾之入黃，則宏農澗也。黃

河之來也浩浩蕩蕩勢將撼城乃折而東趨衝波急浪中  
帆檣往來出沒無定非天險乎黃與澗之交忽若城閣湧  
出截住西行驛路所謂函谷關也尙有騎牛而過者乎其  
故宅猶歸然河上也極目西望華峰側面如覆斗然雨後  
愈明易一地焉卽不見北則太行中條由西蜿蜒而東忽  
起忽伏忽坐忽立忽隱忽見四時朝暮之景不同難一覽  
而盡也大哉觀乎吾烏乎名之僉曰我公之來也不作兵  
於我邦以教以養休息我民我民愛公深咸樂從公游今  
踴躍而爲此臺其視古靈臺奚若余瞿然曰余何修而敢

以靈臺比也今諸君既欲靈此臺余豈必謂臺之不靈乎亦竊願景焉云爾乃以景靈名焉將爲諸君勉之庶不爲山之靈所竊笑也今諸君礪石待記其卽以此言書之

創建靈邑泮池聯奎亭記

邑人戶部主事李鏡江

邑之泮池在東南隅城外故無亭有泉曰育賢涌出池中前明函谷夫子許莊敏公所謂伊川活水者也物於魚洞城爲門三以屬鬢其外爲垣繚而曲水瀲灩自垣下出日夜不息有逝者機焉考邑乘泉不詳其所自始明正統初始爲池漢晉以還賢喆挺生尙已由唐迄明科目得人最

盛勲名亦彪炳相望洎國朝二百餘年與甲乙榜者接踵所謂育賢當不誣然邇來已浸微矣豈天時有代謝歟地氣有盛衰歟抑人事栽培之不力造就之無方歟咸豐末粵皖各逆東西竄突蹂躪鄉井逼近城垣加以兵差絡繹如織池當孔道墻四圯泉遂淤魚爲人食幾盡水涓細僅如簷溜青鳥家以爲不便邑人士病之未治也今

上御極之九年歲在庚午涪陵周侯遠紹伊川真傳近守墨

潭家法以承明著作之才蒞任茲土甫下車詢民疾苦尤毅然以作養人才爲任俗故多訟習侈靡侯爲作長歌

如白香山詩老嫗皆解又勒例禁六條家喻戶曉民化之  
期年百廢漸舉卽創立義學十九所增修書院齋房十餘  
間凡經籍非坊間所習見購而儲之者且數千卷復優其  
廩給嚴其課最一切皆循循有法士尤德之未幾復捐廉  
四百餘金闔邑人士醵助之始作亭於池上名曰聯奎額  
之曰芹藻萃芳翼以聯曰客亦知夫水乎龍門未遠有能  
從吾遊者雁塔同登於是傾者築淤者濬漫漶者丹牖及  
落成自亭坐觀之上則羣鳥飛鳴聲流樹杪下則錦鱗游  
泳淨挹天光 侯公暇輒集紳董及肄業生童游息其間

載酒賦詩論文問字媿媿竟日環而觀者或芻蕘或負販  
有跛足者引領者有瞻望欷歔如弗及者有竦立拱手流  
連不能去者殆如堵牆與魯之頌小大從公將無同 侯  
顧而樂之從遊者有榮施焉僉曰勝會也不可無記時余  
與宏農書院講席咸以爲請辭不獲自維譎陋不足以詡  
揚德意顧念邑多士塵訓親承蛾術共勵將異日謁金門  
步玉堂勒名鐘鼎紀績旂常接跡於歷代諸先達以推及  
於無窮則 侯之志卽 侯之賜也亭與池且不朽矣是  
爲記



東官廳記

周 淦

邑有大差至先一月有文告曰某官某將以某事於某月某日赴某處沿途經過各州縣其小心伺應毋有誤州縣官聞此言也皇皇然如負重疋皆各遣丁票差分投趕辦計差到前一日將所需公館酒席鋪墊車馬及一切應用之物皆一律備齊乃或備齊而又不至或遲之久而後至至之日本官先令儀仗出境迎然後率同城文武吉服於郊外竢乃或不卽至徘徊道左涼風四起塵垢滿身腸饑輓轡作雷鳴如是者又逾時始據探焉報曰至矣果見

旌旗搖曳音樂悠揚朱蓋前張肩輿得得稟事者忙持手  
版跪道唱名接所謂某官者亦若弗知仍前行直俟本官  
已向輿前揖乃命停輿從容下笑謝曰何勞遠迎也到館  
細叙耳再欲有問則一揖後已上輿人馬喧闐蜂擁而去  
鑼鳴礮响已抵館門一時呼水者呼茶者呼酒飯者鋪墊  
燈燭者本官上下伺候集數十人環聽指揮猶虞不給至  
次日啟行郊送亦如之嗚乎以一差之過而瑣屑煩難如  
此矧靈邑爲東西孔道歷年軍務浩繁絡繹差旌不知凡  
幾當其接差未至欲待尙早欲歸恐遲使非有數椽之覆

以蔽風雨人非金石其何以堪則官廳顧可少哉靈邑城東二里許舊有官廳一座毀於兵者久矣今年夏余修函谷關門卡成因并捐廉修之既竣工乃笑謂同城曰昔陶靖節爲彭澤令上官至吏白以當束帶迎靖節曰吾不能爲五斗米折腰遂引去推靖節之意一束帶尙不可倘如今世迎送上官禮節之卑且煩又當何如耶夫以州縣治民之官當其坐堂皇杖則杖笞則笞何其尊也及一旦見上官而亦蛇行匍伏形同奴隸又何卑乎靖節晉高士固宜其不屑而去之雖然在官言官敢憚此乎孔子曰在下

位不獲乎上民不可得而治矣子產事上敬孔子謂其君子卽鄉黨記孔子在朝亦極形其恭敬蓋上下所以相臨者分耳民也何知使非見夫州縣治我者今亦治於人未必曉然於尊卑上下之不敢踰而桀驁之氣將何以馴之則夫官之屈爲民屈也要其所以不屈者自在也使人人皆靖節也誰與 朝廷治此民乎士各有志各行其是可也願以告後之治此民而蒞此廳者是爲記

豹喻泉記

拔貢 許春臺

邑南四十里有坡底村背原而宅村南豹于溝泉源之所  
由出也考之外記墨有名喻糜者喻黑色泉深碧似之清  
宜煮茶俗又號爲無根水世無劉伯芻惜知味者鮮耳圓  
中規深不可測土人結板覆其半以便汲引方之半月其  
形勝何讓焉是泉也仰而眺栢臺俯而瞰門水左右而環  
抱者村落百家水田綠繞樹木之森蔭花竹之芬芳致足  
樂矣至於春煙秋雨杳冥無垠夕月晨風倏忽異狀此尤  
極三時之美觀而稱快者乎皆於泉之上寓之谷口豁然

去路不過數武非人迹罕到處特一邱一壑往往視若無  
覩如惠州之卓錫廬山之瀑布柳州東坡之鉗鐻仙遊不  
有人焉覽勝搜奇屬諸管城子楮先生吾知遐陬僻壤間  
湮沒者迄今指不勝屈矣獨是泉也乎哉岸之西南有石  
碣約四尺許不知書自何人止以名其泉其顛末亦無可  
考邑人惜其久而無傳也因屬記於予予謝之第思秦嶺  
項城諸名勝得前賢而名益彰予愧非其人顧泉若潑蒙  
矣

碑銘

古函谷關銘

唐 獨孤及

王者建邦經野觀象立極於是重門擊柝以待暴客故  
 封畧土宇守在關塞山川邱陵為之城池天作峭函俾屏  
 京室崇山迴谷連岡叢倚長河屈盤萬里來東崖奔嶺蹙  
 谷抱谿鬪岬起重險為秦東門截函夏於閭闔鎖天府於  
 戶牖外阨入州之咽喉故百二形焉內權六合之輿區故  
 霸王出焉當其中原鹿駭戰國蝟起嬴氏建瓴山東擇肉  
 宇內持戟百萬連衡此關是時也開門而九國師遁振策



而二周鼎入奄有大寶遂吞中區洎江返秦壁天佑漢祚  
高皇帝提劍而起以遏亂畧斬白帝繼降王舉漢中兵平  
咸陽廓全城以建都活萬姓以三章取威定功此焉是保  
粵若詢事國牒聆風仙籙則貞氣靈蹤起乎其中柱史一  
去流沙萬里留玉函於舊宅傳保圖於本枝豈上帝乃眷  
與王是感不然何錫美開國如此其大歲在大火余適下  
陽停驂塞門憑覽舊國襟帶如故世道不留秦餘空山漢  
遺茂草恐復舟失於壑岸化爲谷萬載之後昧者不知乃  
刻頌此石以示來裔其辭曰天地雷雨英雄交爭設險守



國作藩於京姓易時移山空塞平千秋陵谷想見精靈  
駕長往雄圖杳冥於以志之勒銘巖前

### 老子故宅碑銘

明許

嗚嗚紫氣東臨青牛西渡元元過化以符神編合整風而  
知異含請選駕闡教著經棲息仙房永著桂林之室靈陰  
改聖實彰大寶之符道德名言本原河上法錄宗旨出自  
關門雖世代之沿革靡常而廟貌之尊崇罔替迨有明興  
治準百王禮隆三教躬尙元默之化郡設道錄之司瞻此  
遺宮秩以祖典因仍既久散陋滋多正德申邑耆焦公通

懷往跡之將湮慨今規之未壯於是拓故鼎新不遺餘力  
層臺巍閣始稱奇觀少傅許文簡公勒以紀贊邑侯苟小  
川公載之志乘蓋爲一方大利千古名區矣比旃蒙單閼  
之歲有堪輿震動之虞棟宇剝摧垣墉傾圯靜甯州守紹  
恩溥之姪也鴻臚署丞絳西安幕府纘溥之從孫也念先  
德之當成思祖武之宜繼加意修葺永圖維新乃爲東西  
道院二所便羽客之藏修殿閣過亭三楹鬱神宮之冲邃  
節椽麗藻山之美金碧煥日月之光誦法者爰處爰居瞻  
禮者來遊來息爽塏揮霍勝概與河嶽爭雄幽閭清虛風

景與蓬壺並秀鳴呼道德尙矣仙源遠矣固非可道可名  
但市朝累變陵谷代遷而遺址歸存萬劫不廢非天下之  
至神其孰能與此不辭染翰爰勒貞珉銘曰兩儀未判大  
道無名是謂元始三才旣立化育流行震動良止萬物芸  
芸元牝之門谷神不死聖王有作撫世因時結繩而治信  
薄禮僞道降風靡迺周之季篤生太上道在厥躬爲柱下  
史矯矯龍德唯聖知之於斯問禮流沙命駕吾其化彼匪  
以逃世罪罪紫氣鬱鬱關門聿來尹喜道由心遇經以言  
傳留宅茲土瞻彼遺宅歲月悠悠名聞寰宇興廢舉墜焦

氏義門有光號里蓮峰晉時嵩嶽東環黃河背指川原映  
帶松檜從芊洞天福地古製碧殿寥廓元壇角冠霄禮鍾  
皇明百千萬紀

晉武悼楊皇后廟碑

許詩

先太保襄毅公 賜葬靈寶城 函石嘴山麓巔有廟日思  
鄉以祀晉武悼楊皇后者莫知所從起考圖記史傳后諱  
芷字季蘭號州宏農人元后從妹大傅駿女咸甯三年武  
帝立爲皇后婉嫕有婦德美映椒房生渤海殤王早薨遂  
無子帝崩尊爲皇太后賈后惡太傅執權且誤恨后搆已

燕薨爲謀危社稷族誅太傅廢太后詣金墉城爲庶人絕  
膳而崩仍覆而殯之時年三十四在位十五年至成帝永  
嘉元年追復尊號謚曰悼遠葬駿陵相傳后大漸時遠命  
有首邱意廟東大塚卽覆殯舊墓故號其廟曰思鄉王或  
然也環廟數十里春秋祈報於是疾疾祈禳於是子嗣祈  
禱於是咸若有答焉正德辛巳詩姪鄉貢進士而以棟宇  
將頽宜有加飾乃易圯榱腐瓦落青剝丹而新之旣畢功  
神人胥悅廟祝張英等請刻廟石以彰厥靈余謂后生有  
懿德用物精多竟遭大逆之變含恨而崩得之天者未盡

施故迄今千餘年猶著其靈於故土禮曰祭祀有所焉有  
報焉有由彌焉今后之對於禱祝如取左券祈報由彌蓋  
兼有焉宜廟食茲土而宣其烈也遂相與拜手稽首頌神  
德俾歌以祀焉其辭曰於維楊氏允矣碩宗勲名德業世  
望宏農於彼晉代篤生聖女徽柔婉婉皇英可侶應乾作  
配明德日盛萬姓欣戴朝野同慶戴勝降桑躬執筮筐郊  
廟有服靡不質良內治陰德嬪姬率服外輔陽教羣工穆  
穆彼凶肆虐誤德爲仇禍延九族金墉永幽六宮含怨四  
海側目彼凶雖磔人怨未伏耿耿精靈惟懷故里千祀於

茲神時戾止石嘴之巔既夷且差宏農之流實抱其阿作  
廟有巖號曰思鄉歷歲滋久棟墉摧傷我姪感斯維新其  
宇百工告成崇報孔溥祈兮禱兮如響斯應默佑陰福有  
靈有證華嶽莪莪河流熒熒或往或來互著厥靈我頌既  
勒祈爾純祉我私且後願先桑梓

何侍郎神道碑

長沙 李東陽 大學士

戶部右侍郎何公仲衡自山西被召命時屬足疾累具疏  
辭上憫其懇誠特許致仕越五年卒於正寢年七十六矣  
其同年進士張君器之嘗同官西臺知最稔以予媿介春

坊左中允賈君和鳴狀請銘神道按何之先出開封府  
康間有諱貴者避亂靈寶始居之國初有諱欽者舉賢  
方正歷饒州保定二府經歷是爲公會祖祖父諱某  
貴系贈都察院右副都御史考諱濬起貢士累官南  
府贈亦如之公諱鈞仲衡字也八歲時從南康君遊太學  
顏敏強記成化戊子舉河南貢乙未擢進士第試工部政  
奉使襄陵王府修闕里陵墓戊戌授太常博士辛丑被  
爲浙江道監察御史督捕京畿東路盜賊監通州倉出閱  
甯夏邊儲防禁不弛巡按四川播州楊友者讐其嫡



謀奪其官誣其叛謀命刑部錦衣衛暨巡撫都御史會公  
往勘友黨有健訟者公理折之友乃引伏安置保甯事始  
定監鄉舉事時稱得人受代歸省值父病篤留閱月比居  
喪含歛如禮復召命而後襄事母李淑人之喪兩經月不  
止公號泣於天及葬而霽已乃復雨人皆異之服闋改山  
東道勘諸司文卷姦無所宿名益起擢大理右寺丞京東  
人人貢者爲官軍誘殺獄連歲千人久不決公徃直其事  
不爲勢屈遷右少卿勘陝西邊事於時大獄數十人當坐  
死公據法原情多得末減癸亥始擢右副都御史巡撫山

西兼督鴈門諸關乙丑歲大稜太原平陽饑民多轉徙公  
賑貸招集有復業者敵覘知官軍出援宣府乘間入邊報  
忽至公斬崖設竄出兵邀之敵乃退會京倉提督官闕乃  
有戶部之命邊人皆戀戀不忍釋公體貌魁碩氣揚揚不  
下物明習法律剝折繁錯隨所至能取聲譽與人近戶恤  
拯難皆力爲之性度坦率不曲爲鈞距居家尤雍睦外暨  
族黨鄉閭皆樂稱之官至曹省而遽歸邱壑論者以爲弗  
究其用云銘曰國有重臣維臺省地一之旣難矧得其三  
維何氏彥爲名御史行臺出巡越在西部東曹內遷寶佐

邦計而卒弗試誰尼誰使其名則成命亦然爾生行死歸  
兩得其理恤恩在茲以與終始

許襄毅公神道碑

鄴城 崔 銑 祭酒

許氏系出周文叔傳至許伯爲楚人後世遷同州再長安  
由隋唐來至金元代有聞人最貴封譙國公及相唐高宗  
詳在家乘金時諱威者爲兵馬都元帥始居靈寶傳七世  
爲教諭聚娶何氏正統二年丁巳五月三日生許公諱進  
字季升號東崖甫年十歲通小戴記遂以是經舉成化丙  
戌進士己丑授監察御史再遭母喪至乙未始出按甘肅

岷州土人相邊地貨潛相結姻邊因之爲寇公相險要設  
橋寨分兵四守又諭利害令罷姻邊乃靖己亥還京掌三  
法司事巡按遼東御史強珍劾幸闕汪直妄殺東邊人冒  
賞而兵部附附奉行直誣愬珍詔以檻車逮珍下詔獄公  
抗疏伸珍擊直珍竟戆遼陽公奪俸數月道士以黃白術  
干湖廣總兵李震不售誣首震自南京回舟次洞庭招亡  
軍爲亂直奏逮李氏百口至京獄官鍛鍊已成憲皇恐冤  
之改命法司官獄衆皆憐群公列狀以上卽日磔道士於  
市戒嚴直緝事者直百計害公亡從偵隙壬寅八月滿三

考晉山東按察副使瀕行却李震饋謝千金癸卯監秋試  
諸使置貴臣子於第公堅守不可宏治戊申正月晉廣西  
按察使二月晉右僉都御史巡撫大同北地人欲入邊未  
成計以千人暨馬千乘入貢公請帑銀二萬兩供費嚴防  
而恩洽軍備咸飭庚戌敵入塞列營三十里號六萬公因  
事發謀中厥理緒馬行係帚於尾塵翳障天烽火日夜相  
照比敵退不亡一鏃云劾奏鎮守石岩貪暴反被所擠辛  
亥右宮竟州知府蒞事寬簡或問何乃異昔日之嚴公曰  
彼爲官法茲別有司彼不知者將謂予乘威虐下否亦曰

憤悶不堪甲寅十一月晉陝西按察使乙卯甘涼寇患孔  
棘孝皇命大臣往治弗任以公爲僉都御史巡撫甘肅西  
域遂定丙辰八月進副都御史九月詔巡撫陝西時巡守  
官鮮克幹事公令日藉所理每季稽其勤惰太監劉瑯恃  
援姿橫公數禁之一日同舟泛陂適責其惡瑯不孫公奮  
擊之墮瑯水中丁巳召爲戶部右侍郎太原周文端公爲  
司徒協恭合力大釐國計朝政不便者上章諫爭罔限所  
掌孝皇仁孝恭儉禮賢容下每痛孝穆太后上仙之遽求  
其族不獲乃施恩后家但益其富弗假政權而公及文端

公篤於保治洽全主之忠嘗上言東宮親王則例每畝徵  
銀三分獨以五分厚戚氏是恩有偏施例爲徒具民乃君  
之赤子令以邱聰等田賜戚氏雖蠲原稅非聰等心實同  
奪之栢氏本亦妃親奈何不念先皇而奪其三十年之業  
乎庚申春命勘河間戚氏莊田事竣抗疏言實皆民間納  
糧養馬地土宜令照舊管業不得行四月命兼僉都御史  
提督宣大軍事貴臣子弟從軍倖功者不樂公嚴大造飛  
語六月奉旨師久亡功事多執拘令回京致仕自後公歸  
臺臣奏留公及推薦者凡四十八疏乙丑六月武皇卽位

命驛取來京病瘵不能行尋命爲兵部左侍郎正德丙寅  
四月詣闕下五月晉尙書疏勸武皇敏學止遊以古仁聖  
之君必可師以荒淫之君必爲戒京衛官有以賄求者公  
大杖數十於堂權與請託非格一切報罷數上言京軍工  
役之苦且曰永樂間大建宮殿定撥班匠十萬借撥軍匠  
數萬今爲內臣古令納錢運灰及磚罪人罰贖奈何以軍  
士當之十月初與部臺諫共劾闈永成八人道上盤戲請  
誅之期在必克公語同事曰此馬得疏斥足矣果浚其事  
恐有甘露之變是月十日午刻太監李榮在順門傳旨



部院大臣榮曰此屬上少所親倚今亦亡大過奈何置諸死此屬日夜牽御衣環泣上爲罷餐諸臣錯愕莫對公曰上富於春秋方當講學恢先帝之業爲此曹所誘逸久成荒何謂無罪榮曰上行遣矣諸公第歸幹國吏部侍郎王公整曰如不遣將復留上左右邪榮入是夜內閣劉文靖謝文正致仕明日逆瑾出管司禮文臣慘禍徃徃自殺君子曰許公之勇可及也知不可及也十一月晉吏部尙書已加太子少保公直聲久著風裁愈峻御史某滿三考及郎中某員外郎某偕結奧援必覬京秩公一日悉外補郎

中某賂闕永成乃斥守黎平郎中李達忤大宰出守邊方  
乃改杭郡工侍某同公里閤託闕求改吏部公對衆面語  
之曰君年尚永秩已不卑循資而往不憂不貴乃托斯人  
速化乎逆瑾啣公日甚而輔臣畏其沮格所私積怨叢讒  
乃起安定張綵入文選冀間公戊辰七月推署員外郎劉  
吉爲署郎中舊典也瑾謂公越選法矯旨令致仕秋感疾  
八月十有八日終於正寢享年七十有四九月瑾伏誅詔  
公致仕已遣官營葬贈太子太保嘉靖五年冬席文簡在  
禮部復議御史陳克宅陳察奏謂公應行諡法諡襄毅公

銘曰奕奕許氏維周之裔培根枝遂維百斯世爰發厥祥  
公降適期堂挺孤操聿賦宏才峩峩憲府堅秉大法何奸  
不擊何部不發邊壽斯蜂擾我朔方公底定之險成康莊  
爰貳邦教賢長協圖日上危言日際明主陳力靡績返服  
東厓有截其壁公立與偕再召而起資總文武百僚仰公  
爲周吉公權闕扇虐如林斯焚我持一心可事百君世之  
趨競公辟如汚世之憚棄公履如涂震不及躬天克有定  
綿綿來嗣佐我嘉靖

許莊敏公神道碑

任邱 李時 大學

資政大夫南京戶部尚書贈太子太保諡莊敏許公既葬  
大司馬儀封王公子衡爲誌其墓公之弟戶部尚書廷美  
以神道碑請乃按狀叙而鑱之公諱誥字廷綸別號函谷  
公生有異兆出就外傳之年卽治禮經能文未幾與弟松  
臯公聯芳鄉薦己未登進士第授戶科給事中按劾不避  
權貴嘗清理邊務邊人懷服不忘乙丑遷刑科右給事中  
建明均考察諸政各著爲令襄毅公以耆舊起大司馬公  
乃改翰林檢討庚午以父喪去位遂不仕杜門究心理學  
尋用言者薦起爲尚寶丞旣而復謝病歸壬午上改元以

通政叅議召公丙戌上聖學日以緝熙命輔臣各舉所知  
以備侍從公被薦改侍講學士屢進講剴切多當帝心上  
四事皆格要論益蒙眷注尋擢太常卿掌國子監事敦風  
化尙質行教士以經濟爲學不貴浮譎學者化之初文華  
殿塑孔子像帝以古制惟用木主欲革近代陋習得公所  
上道統書甚稱旨卽爲撤去更立伏羲神農皇帝堯舜禹  
湯文武周公孔子主仍詔輔臣與公九人諭意命各爲講  
章以進公衍中庸喜怒哀樂章帝是其說自後朔望帝必  
躬祭祭品必賜公以爲常辛卯開講於無逸殿錫宴豳風

亭明日公以無逸篇中宗受命敷之講義上進帝善之王  
辰擢吏部右侍郎適當入覲年四方觀聽咸萃都下公嚴  
重絕請托人無敢干以私擢南京戶部尙書時松臯公爲  
大司徒居北公居南並躋台座世羨其榮癸巳請老帝不  
允甲午二月將修朝賀如京忽一夕痰疾作卒年六十有  
四公平生敦尙節行天性孝友尤邃於理學爲國大臣恒  
以古之大儒自期所著有通鑑前編圖書管見道統源流  
詩考易參春秋意見中庸本義太極論性學編諸書咸有  
補於正學云詞曰早聞至道聖賢追駕志在經綸霖雨天

下既忤宦孽遠投殊方瘴烟蠻風道阻且長天惟吉相終  
保厥臧生還鄉閭爲道益光聚徒青門究學願真林臯山  
水若將終身嘉靖龍飛泰運鼎新詔起遺賢困抑用伸公  
日行矣明時難再彈冠就道不謀諸內講帷日侍天章之  
對賢關簪合蘇湖教在天子是毗天下是師乃登銓曹百  
工惟時載司計部出納惟期方占大究遠友赤松著述日  
富先哲希踪公其歸只山峙流淙

許文簡公道神碑

徐

階

大學士

嘉靖戊申七月二十五日前少傅大學士許公卒於家先

是乙巳冬公構疾乞骸骨甚切上憫留亦甚切乃連疏懇  
辭上不悅曰少傅輕法朕耶其奪秋令歸公行而病增劇  
既還里復廼三載竟因舊患不起又四載嗣子僉起復來  
京師乃始上疏告訃叙公病歸顛末上嗟悼曰少傅果非  
負朕者乃悉復公官仍贈少師賜祭葬謚文簡恩禮備厚  
蓋至是而公不獲已之情上眷不忍釋之意益章章焉乃  
僉則請予書諸墓道之石予與公同在秘閣交誼最深胡  
可以辭公諱讚字廷美河南靈寶人性穎悟博學宏治乙  
卯以禮魁於鄉明年進士授大名府推官召爲監察御史



襄毅位冢宰公例當避臺秩廼改翰林編修時逆瑾擅政  
怒襄毅不已附誣以他事矯詔罷之而並出公爲臨淄知  
縣丁襄毅憂服闋陞浙江僉事陞副使理海道改山西提  
學政至則先德行而後文藝士習丕變陞四川叅政按  
察使浙江左右布政使召爲光祿卿轉刑部侍郎拜尙書  
先是揚州商袁英者武廟南狩錦衣指揮施恭怙權當勢  
矯詔籍其家至是英妻訴聞屬公訊理權者日偵伺鼓釁  
爲挾持計公不爲動竟寘恭典當時復有薛侃迎親藩之  
議詹啟訐銓部之詞張紳之薦劾朝紳劉永昌之誣詆省

閣皆事關國紀連及大寮甚衆諸司恐懼失措公從容裁  
決持法甚平務存大體上悉從之而縉紳賴以安改戶部  
尙書河南軍餉舊兌於大名府小灘有奏改他鎮者公曰  
利不百不變法乃今增役創置勞費且十倍勿改便又有  
議令有司積穀備荒以多寡爲殿最者公曰預備既有倉  
令舍此而別積穀徒增苛斂勿從便兵部議興甘肅屯田  
發銀三十萬兩公曰兵弱敵強士不得耕徒損國儲非計  
凡所規措務循舊則數報罷新議曰毋徒徇名貽害也以  
鹽法久滯疏陳諸弊列通商事宜皆經久可行聞高太夫

人病疏乞終養不允令給驛歸省高卒哀毀踰禮時吏部  
缺尙書廷推數人上皆不許詔特起公候服闋蒞事其爲  
上所簡用若此旣至乃首疏決壅滯公薦舉復久任停無  
故改調之途抑奔競濫陞之習上皆嘉納六載考績加太  
子太保己亥冊大禮成加少保扈從聖駕南巡疏節程途  
以保聖躬上褒答勞錫之辛丑廟災引咎乞罷詞甚切詔  
許致仕給驛歸上雖從公請而意不釋吏部復缺尙書廷  
推數人又不許仍起公蒞事至則疏尊朝廷正士風三事  
又上安邊方畧數千言條列諸弊政乞釐治又奏中官以

工陞大濫乞惜名器悉蒙採納甲辰一品六年考績加太子太傅尋命兼文淵閣大學士入閣辦事公既參揆衡益務慎密劾贊宏多每議大政叅酌可否國是裨焉乙巳太廟成加少傅無何疾作乞休遂有賜歸之命歸出賜金福惠鄉族曰吾不忍自私也又助修孔廟山川壇歲旦暨聖節必扶掖北向稽首祝賀不少廢疾革則謂諸弟曰吾父子兄弟俱列上卿吾以涼德受主上寵甚渥知甚深故數履危機卒賴保全今已矣爾輩有官守者當思圖報遂卒公德性溫粹意氣凝定坦逸康樂而涇渭不淆直率經畫

而應變無窮蒞官翼翼小心以不欺不怠爲主在吏部前  
後凡十年每銓注必論才高下與地繁簡兼風土南北而  
劑量之覈諸司公而恕或疵以細故飛語悉置不行以是  
人德之好著述老而不倦所著有松臯集績集讀史詩論  
五經臆說三曹奏議若干卷嗚呼公之德澤在四方勲績  
在省閣孝友在家庭懿行不可殫述乃予特撮其大者云  
爾銘曰嵩華之間河洛瀆桃林葱鬱佳氣屯元戎卜宇貽  
厥孫有來八葉開祥源名世者出勲業掀纓紱軒駟輝盈  
門公允行業軼弟昆粹姿雅韻同瑛璠銓衡繼秉譽望尊

遂參鈞軸入台垣聽言藹若春風溫謹論勃發洪河奔豐  
功偉績銘彝敦上書謝病卧邱林抱忠耿耿歸幽窀上聞  
悼恤恩禮繁心事皦如朝日瞰浩然正氣還乾坤直騎箕  
尾謁帝闈扶翊邦國保元元神之上下公猶存

重修晉武悼楊后廟碑

國朝許宰

春秋二百四十二年左氏記災祥神異之事屢矣儒者多  
不道疑近於誕今觀重修楊后廟事令人愴然信焉后廟  
建於先襄毅公賜葬之南巔余總角時蒞其地廟貌猶壯  
後漸頽圯棟梁榱桷或爲污黠者所市前邑侯胡公欲重

修舉未果張侯蒞任有巫降署中道后本末甚悉且言舊材木鬻賣寄頓之事密踪之果如操券侯驚異遂捐貲修焉后廟不知所自昉邑中祈豐年求子息相傳有禱必應顧后之靈能歷千祀香火而不能不暫歇一時且不早降神於網利黠民作奸犯科之日豈廟祀暫廢久興有數存與然惡不終隱久而彌彰者蓋祀典所載有其舉之莫之敢廢况后生爲聖后沒爲明神非諸邪祀可比而靈邑係桑梓故地廟貌於斯陵寢於斯靈爽在天胡可撲滅彼凶人之能爲者人也其惡之終不可掩者天也初張侯重建

實錄卷六 卷六十一  
止正殿享堂其兩廊火星子孫娘娘諸神祠未及修葺邑  
親友蘇毓泰等以數年前首事之人有志必成力募十村  
然後門堂寢室一復舊規落成屬余作文記焉余惟后本  
紀及梓宮歸靈故事或徵信史或得傳聞余六世嫡祖工  
部主事公碑載甚詳無庸贅今載其事之信而可爲法戒  
者示惡無隱而不彰者如彼則善以積而衍爲餘慶益信  
後之覽斯文者其有所勸也夫其有所戒也夫



祭文

祭關龍逢文

唐王勣

歲日月謹以清酌之奠致祭夏忠臣關生之靈曰聖貴達  
節賢貴識時興亡有運用舍有期馮河暴虎前哲所唾身  
滅主喪如何勿思我因行役歷於荒祠壯山河之舊壤歎  
墳隧之餘基松枯栢悴草密苔滋託深悲於薄醑魂有靈  
而饗之

祭許四公文

明王田

嘉靖三十三年知靈寶縣事王田致祭名臣太子太保吏

部尚書累贈柱國少傅大學士許襄毅公曰惟公才兼文武名動華彝身係安危功高社稷若太子太保戶部尚書許莊敏公地卿重寄國師隆儀德懋啟沃道崇著述少師吏部尚書大學士許文簡公任能命德補闕保躬剔歷三部弼亮四朝太子太保兵部尚書許恭襄公九邊圖論三捷軍功簡任中樞威宣外徼誠所謂世篤忠貞咸當崇祀者也惟茲仲秋謹以剛鬣柔毛菜盛庶羞用伸嘗薦

傳

楊尙希傳 節錄唐史

楊尙希宏農人也祖真魏天水太守父承賓商直浙三州  
刺史尙希齟齬而孤年十一辭母請受業長安涿郡盧辯  
見而異之令人太學專精不倦同輩皆共推服周太祖嘗  
親臨釋奠尙希時年十八令講孝經詞旨可觀大祖竒之  
賜姓普六茹氏擢爲國子博士累轉舍人仕明武世歷大  
學博士太子宮尹計部中大夫賜爵高都縣侯東京司憲  
中大夫宣帝時令尙希撫慰山東河北至相州而帝崩與

相州總管尉遲迴發喪於館尙希出謂左右曰蜀公哭不  
哀而視不安將有他計吾不去將及於難遂夜中從捷徑  
而遁遲明迴方覺令數十騎自驛路追之不及遂歸京師  
高祖以尙希宗室之望又背迴而至待之甚厚及迴屯兵  
武陟遣尙希督宗室兵三千人鎮潼關尋授司會中大夫  
高祖受禪拜度支尙書進爵爲公歲餘出爲河南道行臺  
兵部尙書加銀青光祿大夫尙希時見天下州郡過多上  
奏曰自秦并天下罷侯置守漢魏及晉邦邑屢改竊見當  
今郡縣倍多於古或地無百里數縣並置或戶不滿千二

郡分領具察以衆資費日多吏卒又倍租調歲減清幹良才百分無二動費數萬如何可覓所謂民少官多十羊九牧琴有更張之義瑟無膠柱之理今存要去閑併小爲大國家則不虧粟帛選舉則易得賢才敢陳管見伏聽裁處帝覽而嘉之於是遂罷天下諸郡尋拜瀛州刺史未之官奉詔巡省河南還除兵部尙書俄轉禮部尙書授上儀同尙希性宏厚兼以學業優通甚有雅望爲朝廷所重上時每旦臨朝日昃不倦尙希諫曰周文王以憂勤損壽武王以安樂延年願陛下舉大綱責成宰輔繁碎之務非人主

所宜親也上懼然曰公愛我者尚希素有足疾上謂之曰蒲州出美酒足堪養病屈公卧治之於是出拜蒲州刺史仍領本州宗團驃騎尚希在州甚有惠政復引漢水立隄防開稻田數千頃民賴其利開皇十年卒於官時年五十七謚曰平

魏德深傳 節錄唐史

魏德深本鉅鹿人也祖冲仕周爲刑部大夫建州刺史因家宏農父毗鬱林令德深初爲文帝挽郎後歷馮翊書佐武陽司戶書佐以能遷貴鄉長爲政清靜不嚴而治會興

某之役徵稅百端使人往來責成郡縣於時王綱弛紊  
吏多贓賄所在徵歛下不堪命惟德深一縣有無相通不  
竭其力所求皆給百姓不擾稱爲大治於時盜賊羣起武  
陽諸城多被淪陷惟貴鄉獨全郡丞元寶藏受詔逐捕盜  
賊每戰不利則器械必盡輒徵發於人動以軍法從事如  
此者數矣其鄰城營造皆聚於聽事吏人遞相督責晝夜  
宣囂猶不能濟德深各問其所欲任隨便修營官府寂然  
恒若無事唯約束長吏所修不須過勝餘縣使百姓勞苦  
然在下各自盡心常爲諸縣之最尋轉館陶長貴鄉吏人

聞之相與言及其事皆歔歔流涕語不成聲及將赴任傾城送之號泣之聲道路不絕既至館陶闔境老幼皆如見其父母有猾人員外郎趙君實與郡丞元寶藏深相交結前後令長未有不受其指揮者自德深至縣君實屏處於室未嘗輒敢出門逃竄之徒歸來如市貴鄉父老冒涉艱險詣闕請留德深有詔許之館陶父老復詣郡相訟以貴鄉文書爲詐郡不能決會持節使者韋霽杜整等至兩縣詣使訟之乃斷從貴鄉貴鄉吏人歌呼滿道互相稱慶館陶衆庶合境悲號因而居住者數百家寶藏深害其能會



越王侗徵兵於郡寶藏遂令德深率兵千人赴東都俄而  
寶藏以武陽歸李密德深所領皆武陽人也以本地從賊  
念其親戚輒出都門東向慟哭而反人或謂之曰李密兵  
馬近在金墉去此二十餘里汝必欲歸誰能相禁何爲自  
苦如此其人皆垂泣曰我與魏明府同來不忍弃去豈以  
道路艱難乎其得人心如此後與賊戰沒於陣貴鄉館陶  
人庶至今懷之時有櫟陽令渤海高世衡蕭令彭城劉高  
成臯令宏農劉熾俱有恩惠大業之末長吏多賊汙衡高  
及熾清節愈厲風教大洽獄無繫囚爲吏人所稱

楊 憑傳 節錄唐書

楊憑字虛受一字嗣仁號州宏農人少孤其母訓導有方長善文辭與弟凝凌皆有名大歷中躡進士第時稱三楊憑重交遊尙氣節與穆質許孟容李鄘相友善一時歆慕號楊穆許李厯事節度府召爲監察御史不樂輒免去累遷太常少卿湖南江西觀察使人拜京兆尹後貶臨賀尉以太子詹事卒凝字懋功由協律郎三遷侍御史爲司封員外郎坐釐政嫡媵封邑爲權幸所忌徙吏部稍遷右司郎中宣武董晉表爲判官亳州刺史陝晉以凝行州事增

日沃汗垣築隄防水患訖息子敬之敬之字茂孝元和  
初擢進士第平判入異等遷右衛胄曹參軍累遷屯田戶  
部郎中兼太常少卿是日二子戎戴登科時號楊家三喜  
轉大理卿檢校工部尙書兼祭酒卒敬之常爲華山賦示  
韓愈愈稱之士林一時傳布李德裕尤咨賞敬之愛士類  
得其文章孜孜玩誦人以爲癖雅愛項斯爲詩所至稱之  
繇是擢上第凌嘗客灞上見閩人濮陽愿閱其文大推挹  
徧語公卿間會愿死敬之爲斂葬

楊虞卿傳 節錄唐書

楊虞卿字師皋號州宏農人父甯有高操談辨可喜擢明  
經調臨漁主簿棄官還夏與陽城爲莫逆交順宗初召爲  
殿中侍御史終國子祭酒虞卿第進士博學宏辭爲校書  
郎抵淮南委婚幣焉會陳商葬其先貧不振虞卿未嘗與  
游悉所齎助之累擢監察御史穆宗初立逸游荒恣虞卿  
上疏曰烏鳶遭害仁鳥逝誹謗不誅良臣進臣敢冒誅獻  
瞽言臣聞堯舜以天下爲憂不以位爲樂况今北虜方梗  
西戎弗靖兩河有瘡痍之虞五嶺羅氛厲之役人之疾苦  
積下朝之制度莫修邊亡見儲國用寢屈固未可以高枕

而息也陛下初臨萬幾宜有憂天下心當日見輔臣公卿  
百執事垂意以問使四方內外灼有所聞而聽政六十日  
入對延英獨三數大臣承聖問而已他內朝臣偕入齊出  
無所諮詢諫臣盈廷忠言不聞臣實羞之蓋主恩疏而正  
路塞也公卿大臣宜朝夕燕見則君臣情接而治道得矣  
今宰臣四五人或頃刻侍坐鞠躬隕越隨旨上下無能往  
來此由君太尊臣太卑故也公卿列位雖陟降清地曾未  
奉優賤承下問雖陛下神聖如五帝猶宜周爰顧逮惠以  
氣色使支體相成君臣昭明陛下求治於宰相宰相求治

於臣等進忠若趨利論政若訴冤此而不治無有也自古  
天子居危思安之心同而居安慮危之心則異故不得皆  
爲聖明也 俄遷侍御史改禮部員外郎史館修撰進吏  
部 李德裕之相出爲常州刺史李宗閔復入以工部侍  
郎召遷京兆尹大和九年京師訛言鄭注爲帝治丹剔小  
兒肝心用之民相驚局護兒曹帝不悅注亦內不安而雅  
與虞卿有怨卽約李訓奏言語出虞卿家帝怒下虞卿獄  
於是諸子弟自囚闕下稱冤虞卿得釋貶虔州司戶參軍  
死子知退知權壇堪皆擢進士第 漢公字用文始辟興

元李絳府幕遷累戶部郎中史館修撰轉司封郎中更宜  
武天平兩節度使卒子肅範仕亦顯 汝士字慕巢中進  
士第又擢宏辭牛李侍之善引爲中書舍人開成初由兵  
部侍郎爲東川節度使時嗣復鎮西川乃族昆弟對擁旄  
節世榮其門子知溫知至悉以進士第入官知溫終荆南  
節度使知至爲宰相劉瞻所善以比部郎中知制誥擢累  
戶部侍郎楊氏自汝士後貴赫爲冠族所居靜菴里兄弟  
並列門戟咸通後在臺省方鎮率十餘人

楊元炎

節錄唐書

楊元炎者字溫號州人漢太尉震十八代孫生數歲未言相者視曰語遲者神定必爲重器及長秀眉美鬚崇眉博願居父喪七日不食服除補梓州參軍平棘令課第一御史府表其政璽書褒薦再擢永甯軍副使忤用事者免載初中爲安南副都護三徙爲京府長史五遷州刺史咸有風績初張柬之代爲荊州共乘艦江中私語外家革命元炎悲涕慷慨志在王室柬之執政故引爲右羽林將軍謂曰江上之言君詎忘之今可以勉乃與李多祚等定計斬二張進雲麾將軍封宏農郡公實封戶五百賜鐵券恕十



死敬暉等爲武三思所構元炎知禍未已乃詭計請祝髮  
事浮屠悉還官封中宗不許暉聞尙戲曰胡頭應祝以多  
鬣似胡云元炎曰功成不退懼亡我不空言暉感之然已  
不及計暉等死獨元炎全再遷衛尉卿又上官封願追寵  
其親帝哀憐贈越州都督長史李多祚死太子難元炎坐  
厚善繫獄蕭至忠救之免睿宗立數上書乞骸骨不聽四  
遷刑部尙書封魏國公徙太子賓客詔設位東宮太子爲  
拜俄致仕開元六年卒年七十九謚曰忠臨終敕諸子薄  
葬子仲昌字蔓以通經爲修文生對策元宗擢第一授蒲

州法曹參軍判入異等遷監察御史坐累爲孝義令鸞降  
庭樹太守蕭恕表其政徙下邳終吏部郎中仲昌資長於  
吏常分父邑租賑宗黨御身以約善與人交士樂從之遊  
云

太保許恭襄公傳

明 汪道昆

當世世家首稱靈寶許氏蓋世及卿相庭中四極人臣作  
始則襄毅公代興則莊敏公文簡公恭襄公並以勲伐名  
世不佞待罪郎吏再得事恭襄公襄毅公有子如高陽公  
其季也高太夫人以宏治乙卯生公幼從襄毅公厯邊事

輒以操戈布陣爲戲喜談兵始就外傳善屬文襄毅公心  
竒之旣冠而字之曰廷議正德己卯舉鄉試第四越七年  
成進士奉使餉榆林邊士氣勃勃自負直將長驅沙漠封  
狼居胥出理刑州以無害課最會仲叔並列卿貳例格臺  
垣尋進職旣終高太夫人喪補禮部奉詔進九邊圖論世  
宗嘉納之見者咸以爲切中時宜卽攘苴無讓歲庚子由  
尙書郎進南京光祿少卿尋遷南京大理寺丞釋囚汪敬  
劉鎮寃獄會邊事起兩京交薦公可備急邊會推京兆撫  
臣署公名居次上曰是嘗上九邊圖論者遂進都察院右

僉都御史撫薊州公始入軍上備邊十二事要以振律宣  
威汰冗蘇困居常選鋒團練攢槽飼秣士馬一新白通事  
結敵人邊襲殺守備大掠而去公督將士設伏出奇斬白  
通事及首敵四十人捷聞進右副都御史賜金幣躬慰諸  
要害築邊城增敵樓造營房計出萬全登陴可守矣以勞  
致疾請告西歸庚戌敵大入薄郊關廷臣詔薦公可屬大  
事上覆閱圖論驗公蚤見亟召公嚴嵩故不可公公羈闕  
下踰年得命出撫山西公籌山西一如籌薊上書力卻互  
市厚戍嚴關疊疊數十章無不剴切乃設亭障謹烽火列

屯馬佃營田部署周詳屹然足當山河之固矣敵犯柞子  
塢不得入乃伺大同龍鬚墩公集精銳邀擊之敵挫復入  
公親援鼓護軍血戰以捷聞詔進兵部右侍郎賜金幣獎  
諭王子八月敵犯紫荆關公督八營兵布八陣厚持之敵  
聞而遁時公業已受召協理京營會城京師公奉璽書爲  
植不佞越在版築從公周旋比訖工公不與賞時雲中上  
谷饑甚釋憾者出公督府且奔公甫出關檄傳雲中兵敗  
殺副將公筴曰治亂如治絲也急之益勞亟發條約懸書  
徧諭之闔伍乃輯公疏其狀乞假歲月以布恩威上心然

之手條約置坐側公既至申令誓師吾家世受國恩直將  
奉不肖之軀以徇爾曹超距之日久矣甯避疆場而就市  
曹意懇辭嚴人人感奮既以軍興不給亟請發度支通鹽  
筴足芻糧廣轉輸密綜核比年不歲不旬月而穰矣妖民  
呂鶴結敵人敵以潛師從公決策擒鶴斬之獻馘者四十  
詔進右都御史則以應卒而制勝居多鶴既誅敵旋馬西  
向公既敗之紫塞八角追襲俘馘百七十有奇詔進兵部  
尚書廕一子世襲錦衣衛千戶總督如故甲寅敵連營犯  
瓦窑口公業已完聚備之敵嘗我軍伴遁旋入公督諸軍

有俘馘百四十有奇明年秋敵入掠獨石其首僚答大  
率四十萬衆寇山西公分部發兵遣輕騎搗其穴據險設  
伏夜出銳師破其營敵狼藉分崩死傷不可勝紀復犯龍  
門火石嶺公勒標兵尾擊之至響水鋪出敵不虞募死士  
持刀斧乘夜突敵中所觸糜爛敵大潰墜崕竄谷膏血川  
原伏兵悉起夾攻聲震數百里火鼓徹夜不絕明發殘邊  
跟蹠而聚號泣而逋公乘勝躡之俘馘五百三十詔加太  
子太保蔭一子世襲正千戶上益多公伐入爲兵部尙書  
于時北邊南倭警息日至上患倭與患敵等集郡議下本

兵公折其衷上平倭凡事諸軍謹奉廟畧悉中機宜丙辰  
倭入淮陽敵人甯夏諸軍戮力驅勦悉從本兵受成苗寇  
盧阿項粵寇馮天恩會甯寇許以明陳孔榮各負固稱兵  
有司遞上變決策誅首事者飭黨悉平上故眷公習兵下  
手扎問邊方大計公掇其要七事以對悉當上心大同右  
衛孤懸寇圍不解公陳六事五要策之詳大率主於振勵  
積衰責成專任言者俛俛告急請罷本兵憾者主之公遂  
免已未敵大掠灤西上曰薊遼督府務得人朕欲仍用許  
論命甫下驩聲振邊隅公遞上便宜申條約以如嚮法度



申敵復把都既辛愛大舉分掠東西公業已完繕亭障簡  
練部伍不遺餘力邊百窺不得一間入夏不解春防無何  
伺大水峪聚精騎傳諸堞計無堅不瑕公登陴誓諸軍力  
戰而卻追至段伏嶺俘馘以聞上賜金幣軍中尋下譽命  
憾者無所釋適以虛報邀功輶獻六俘面詰乃寢公旣經  
畧邊徼分爲十區各以憲臣監之區分衝援爲主守兵分  
竒正爲椅角至今從之歲大禘列戍嗷嗷待餉公爲之請  
賑言者以亟請適公遂罷公核諸軍實無闕出入乃已丙  
辰冬十月公自理喪具端坐而終年七十二昔在庚子公

守南宮一羽人遺公書稱默齋大司馬默齋公別號也歷  
十有七年而徵當公飾巾一巨星若盤孟隕西北殆亦天  
授豈惟世德乎公固於文事優率以用武顯終始家邦身  
繫邊圉安危者三十餘年以首功計者二萬三千降者二  
千敵首旗纛車馬器械以鹵獲計者三萬五百修築邊墻  
以里計者四千墩堡以座計者三千人言襄毅之有恭襄  
猶絳侯之有條侯驃之有冠軍也顧襄毅阨於寺人恭  
襄阨於執政卒使齋志以歿底績未遑其成其虧是或天  
道得全難矣穆考卽位公子倓詣闕上書詔復故秩謚恭

襄論祭九壇遣中書劉天衢營葬公配河東李氏累封一品夫人始生僉僉以任子歷二千石守衡州長孫茂樾任執金吾次茂杞任宏農萬戶進遊擊將軍戍昌平曾孫二長浩然次廓然公之世澤未艾也左司馬氏曰不佞道昆故受先大夫戒卽與聞兵事絕口不談頃烏寇入淮螯運道議遣故右司馬江公部兵出討簡二部卽以從公首署不佞名疏入矣人言卽未嘗譚兵事公安取卽公笑曰是唯不談視談者賢矣竊惟公宏廓深遠片言干鈞玉立溫溫不色喜怒卽公目屬不佞無繇吐一辭爰及任人較若

衡石儼然大臣之度其亦諸先正家法邪昔襄毅右孫忠烈以疎得之卽不佞非其人公象賢矣不佞竊爲公立傳其詳具高拱新鄭相公志中

許天卿先生傳

國朝 李鏡江

公諱宰字天卿號敬庵行二明大保襄毅公八世孫也幼聰敏處事果決取與雖一介必嚴讀書嘗數行下爲文章援毫立就如宿構者年十三爲弟子員旋食餼於庠雍正癸卯登賢書名在第二乾隆丙辰捷南宮觀政西曹江蘇司後補雲南司主事洊升四川司員外郎奉天司郎中讞

獄多平反所至有聲未六旬卽請假歸處林下者十五年  
初公爲諸生時同邑蘇生某語人曰吾向見進士魯南張  
先生手足失措今見天卿先生藹然如可親者及接談正  
論侃侃懍然不可犯吾怖焉旣筮仕公已不逮所天有餘  
俸必函而致之兄且曰吾家產粗足此所以供兄晚年酒  
食之費勿更爲兒輩謀田宅也其在雲南司會

大清門外有婦屍裸體傷如劃而未裹足者部役以並無兇  
據逮係門官干總及左右肆商百餘人候勘公至悉令釋  
之本部堂司各官無不駭異謂犯首不得事干叅罰咎將

誰執公曰 大清門外非尋常百姓所至此婦又未裹足其爲旗人無疑應牒八旗佐領限三日緝兇送部甫二日而罪人得僉以此服公之鑑時乾隆九年事也及十二年公任四川司偶見吏持江蘇司稿曰此吾舊日學習處也啟視之則有民衆聚焚稅房一案本司擬梟首二十七人絞斬流徒三百餘人公惻然曰此房應請咨查戶部果係奉

旨建設所擬允協若係有司私設病民不幾濫獄乎本司皆唯唯懇公公卽呈堂查戶部如公言旋命公主稿公盡釋諸

人以聚衆肆焚改殊死二十七人擬配堂核無異卽具疏請

上得疏甚喜且曰此案本司官不能定而定案者乃在四川司平

特命加公隨帶一級公前後開釋且數百人視襄毅公撫甘肅定西域曾活哈密八百餘人其志事豈有異歟尋遷奉天司郎中公熟於律例每諸司有所擬詢之公公爲誦之不遺誤一字因爲之語曰許公在坐如律在左其告歸也衆留之不可得咸頓足曰行律去矣用唐書稱虞世南爲行

秘書語也先是公任雲南司雲撫疏劾墨吏二十餘公酌釋四人內有先爲某縣令後擢直隸欒州刺史王某者王不知也俄得之督學使者李乃以酒二罌茶二籠隱巨金爲公壽公卻之曰吾之脫君也以公而君反以私耶餽者慚而退旣解組足跡不履城市邑前令周侯延主修邑志時得一相過從餘未嘗至公庭惟日與諸子姪輩談論載籍評課藝高下或稍不愜輒拈筆自爲之有晉生荆某者以課藝三十就質茶頃公披閱已周掩卷枚舉其得失並字畫訛誤如指掌荆故才士頗睥睨一切至是汗流浹背



退而言曰公執掌簿書幾二十年猶鑿核如是耶年七旬  
又四以壽終子及孫及曾孫皆以各諸生嗣其家

皇朝書目

卷一

三

墓誌銘

陝虢觀察使盧公墓誌銘

唐穆員

唐貞元四年夏六月陝虢都防禦觀察轉運等使陝州長  
史兼御史中丞范陽盧公壽六十中疾於位優詔得謝家  
東都履信里秋七月甲戌終於其寢冬十月乙酉歸於此  
堂禮也萬安之腹因山而封嵩邱伊流環帶捧抱龜筮叶  
吉神宅是宜府君諱岳字周翰其先齊太公之後公子高  
奚食采於盧因以命氏及自東漢中郎植及元魏秘書監  
陽烏第四子都宮尚書道虔凡十葉代代得祿其兄子思

道所著家譜詳之道虔生齊左庶子昌衡昌衡生隋澤州  
內部長寶素寶素生皇朝綿州長史安壽安壽生汝州司  
馬正紀正紀生絳州聞喜令杭惟是婚姻其類爲義方相  
襲禮樂冠蓋侔其盛焉府君聞喜之第二子也發地之祥  
鍾天之和處爲孝而友悌從之出爲忠而貞諒從之施於  
事物爲聰明純粹而寵位從之天寶末擢明經調宋州襄  
邑主簿歷婺州夔州二錄事叅軍以大理評事兼監察御  
史始佐湖南觀察之政前帥韋之晉倚之以清後帥辛京  
杲藉之以立旣真拜又稍遷殿中侍御史京杲入覲咨以

留府時有驕將數人京杲實父子兄弟之其蹈罪姦命率  
以爲順府君告之以刑辟明之以無赦而郡帥如故乃盡  
戮之由是軍政理而庶政舉初朝廷之任京杲也以恩舊  
用不責之以龔黃之績至是還之不可易之不能留之京  
師以盡府君之美若是者五載累錫銀印朱紱金章紫綬  
加侍御史建中初今上嗣位有自屬部謫官入爲相者謂  
公才膺方鎮受容府經畧招討等使就加御史中丞南越  
獷俗并稅之入鮮具其布帛之幅通流之貨悉異中土府  
君以美利利之王制制之又每歲有西原之警府君布政

羣盜爲人元年季春賊入貞元三年來朝拜少府監上以  
陝郊之守藩垣二京冠冕諸夏非沃心之臣勿授前此元  
臣授之是爲郡伯今相國李公自中書侍郎徵拜思嗣其  
事重難其選府君於是乎有由衷之拜惟事小不敢不戒  
大不敢不懲日嚴祇恪惟新厥舊由是軍服其嚴明而報  
之以肅吏從其簡易而報之以理惜乎其自下車及遘癘  
不十月焉嗚呼有其才無其時之嘆不甚於有其時而無  
其命今之方鎮蓋唐虞四岳十二牧之職而周漢股肱爪  
牙之任府君承堯之咨庸舜之俞累分共理之憂方咨薄

伐之効凌風拂翼徘徊於冥冥之間何天奪上心而命孤  
人望是可以爲嘆歟府君前娶隴西李氏實姬姜之偶先  
春早落今也力不及遠未遑合祔繼室以同宗同德而年  
位異之三子載戢戢長齒未童幼哀及禮洎兄子嘉猶寡  
伯父永州司馬嶠之命泣血襄事見託於銘詞曰

世重五姓冠於百族倬彼山川來宗嶽瀆帝慈蒸黎命分  
司牧慎選良臣俾之戩穀猗歟府君受天之祿未見其止  
如何不淑邱隴何所郊原重復瑞氣嘉祥於是乎育前川  
爲陵北地爲谷世系德代於是乎獨

卷之三十一

卷之三十一

三十一



行狀

壽官彭樸菴翁行狀

明賀賁

樸菴翁者今晉藩參政東谿彭公之父也東谿自瑣闥奉  
天子命建牙於汾水之上方九月而樸菴翁卒於家於是  
東谿公至自汾上伯兄陸野大尹公至自山陽皆匍匐灑  
淚星行而來哀痛宅憂以敦葬事賁亦家難蓼集弔二公  
而增獻二公感然泣下曰哀哀先君逝矣吾子可無言乎  
賁於是歸而作樸菴翁傳蓋予與二公少同筆硯而東谿  
公又同舉於鄉也以通家骨肉相視者數十年予固稔知

翁哉傳曰翁姓彭氏諱儀字大禮別號樸菴其先商賢大  
夫之裔也近世謀逸莫考曾大父顯大父滿父珪皆世居  
靈寶下坡頭村隱德弗耀然族姓整睦爲鄉評重母黃氏  
以成化丙午九月二十日生翁端慤雅重有異質與兄儒  
習舉子業俱負時名兄早卒遂廢業力田用孝養厥父母  
擴產饒裕歲時洗腆致酒合族屬爲父母慶承順婉愉意  
效楚萊之娛母氏善念顛篤常焚修祈請於名山川南陟  
武當西登太華翁爲裹羸跋涉從之雖以十數不少懈其  
奉養殷勤類如此與弟倫同居垂白友愛特至及析產相

讓無間言撫姪簡若已出爲延師設家塾羣諸子弟而訓  
迪之樂爲供饋見其親賢取友則愈益喜或隋游燕梓則  
滋不悅以故諸子弟皆奮勉就學而彭氏彬彬然盛稱儒  
矣嘗獨行道拾遺金玆俟物色者至悉舉以還平居鄉井  
溫恭坦夷和易開爽未見有疾言遽色終身與物無忤其  
紛爭者詣質翁爲理遣數言卽自解謝去亦或愧悔爲翁  
所知狀者雖太郎化邑彥方望廬擬此何殊焉初戊子歲  
大饑翁出所積粟數百石貸里閭之餓者已丑又饑翁復  
以其餘粟貸之如前多所全活旣而卽焚券不責其償自

是家稍落時至窘之翁處之泰然無難色甲午東谿兄弟同補廩膳員癸卯東谿公舉於鄉丁未登進士第尹於大明之滑以祿養迎翁至官所敷德樹聲滑人至今思之蓋翁有家教也及擢給舍翁從之入京封駁大議與翁商確方而不剷圓而不齷又爲名臺朝紳皆動色禮下翁乃與錦衣鄭蘭齋封君馬蕙坡諸老凡十有二人焉皆龐眉淵德角巾雅服結爲會社卽碧雲寺昆盧閣西湖諸勝概日邀遊賞聚飲極歡情神暢怡達觀高蹈眞香樂社之遺風也仍各繪一幅藏以世講內翰美公題曰燕臺耆社圖知

者傳頌以爲一時盛事及東谿公陟今官而伯兒陸野亦之任山陽皆書錦過里擁騶乘軒門望赫奕諸子孫稱觴爲壽滿前翁樂之於是葺宇家林尋念親戚故舊陟巘臨流徜徉夷猶不復從二子行矣至是感淋疾百方不治遂卒享年七十有四嗚呼往予丙辰歲舉進士謁翁翁喜慰勞再三語以居官守己之要鑿鑿可則及予調章邱令又一書抵予父中川翁曰賢郎輩身名已立吾欲與先生爲故鄉白首之歡父亦書旋答雅相結許嗚呼痛哉豈意昊天不弔父亦戊午十一月二十九日終於章邱官舍而翁

以己未十二月某日竟不起於家耶相繼僅逾年嗚呼痛哉翁素喜黃老噓吸引導之術而吾父亦然故又式相好也如叅同契悟真篇類皆徃復講究務極精覈每自謂有得尤篤愛純陽文集曰此元學宗的也以授東谿公梓行大方伯孔文谷爲校正序簡端改題元覽編以廣其志自東谿公以進士官十餘年階三品而翁之封馳尙滯於時例侍毅齋請加壽官冠服故翁又稱壽官云嗚呼其將大有所受耶配孺人楊氏先翁卒八年矣其徽音見於尙書孫東穀員外許近田所爲誌狀子男五長符卽山陽尹積

學累行凡七舉不第游均譽聞藉甚任山陽甫五月而以  
翁艱歸次籌晉府典膳次範卽叅政公英姿偉度負志傑  
才當爲國家賢宰輔次箴太醫院醫官次籍邑庠廩膳員





論

函關紫氣論

苜城馬 上 廩生

余渡黃河卽問其所爲函關函關者關尹喜愛經處也老  
聃將過函谷尹候氣輒先知之厥後尹作文始經行世蓋  
亦仙尹也獨是紫氣之說渺而難稽以孔子之盛德光輝  
過都越國曾無望彩而知之者而柱下老史行色動機反  
與後世紫雲烏龍者同瑞則其果無乎或曰獲石於織女  
則星犯斗牛加足於帝腹則星干帝座又何疑於大仙耶  
余曰不然星附天者也有屬氣因地者也無主昔斗牛紫

氣術者多謂吳興雷煥於豐城掘劍紫氣遂無豈非因乎地耶煥所得劍後化爲龍蓋龍之所至往往感生紫氣孔子謂老子猶龍後人聞其遺跡遂附會其說耳卽曰有之亦繫適逢其會蓋函關緊逼河流水氣上騰往往烟斜霧橫不足爲高人兆也今關西客路南移而古驛村亭址猶在一帶高岡直枕流水每晨夕則烟凝山紫余以客餘得縱目其間殊覺其塵不比新驛黃埃盈尺吾聞仙家每好清淨之說又聞龍行舊路仙踪可復余其旦暮遇矣

重修靈寶縣志卷之八

邑令涪陵周 淦

編次

署令金陵方胙勳

藝文志下

詩 賦

渡黃河

齊 范 雲

河邊汎且濁湯湯不可陵檜楫難爲榜松舟纔白勝空亭  
偃舊木荒疇餘故塍不覩行人迹但見狐兔興寄言河上  
老此水何當澄

至老子廟應詔

周 庾 信

虛無推馭辯廖廓木乘蜺三門臨苦縣九井對靈溪成丹

信雲集卷之六  
須竹節量藥用刀圭石似臨邛芋芝如封禪泥罷毛新鶴  
小盤根古樹低野戍孤煙起春山百鳥啼路有三千別途  
經七聖迷唯當別關吏直向流沙西

唐元宗題老子故宅

仙居懷聖德靈廟肅神心草合人蹤斷塵濃鳥跡深流沙  
丹灶沒關路紫烟沈獨傷千載後空餘松栢林

唐德宗題御題寺

高僧居淨域客子戀皇宮試訪毘耶室旋遊方丈中禪林  
吹梵響忍草散香風妙說三元義能談不二宗色空雙已

滅內外兩緣同識盡無生理乃覓出凡籠

秋風函谷應詔

唐徐賢妃

秋風起函谷朔氣動河山偃松于嶺上雜雨二陵間  
蒞雲愁廣隰落日慘重關此時飄紫氣應兆真人還

函谷關

干鄴

幾度作遊客客行長苦辛愁看函谷路老盡布衣人  
歲遠關猶舊時移草亦春何當名利息遣此絕征輪

前題

宋之問

二百四十載海內何紛紛六國兵同合七雄勢未分  
縱成

唐書卷三  
卷之六  
二  
拒秦帝策決問蘇君鷄鳴將狗盜論德不論勳

前題

楊齊哲

地險峻陵北途經分陝東逶迤泉水盡荒涼古塞空川光  
流曉日樹影散朝風聖德今無外何處是關中

過秦嶺

孟貫

古今傳此嶺高下勢崢嶸安得青山路化爲平地行蒼苔  
留虎跡碧樹障雞聲欲過一回首踟躕無限情

和酬虢州李司法

楊炯

唇齒標形勝關河壯邑居寒山抵方伯秋水面鴻臚君子

從遊宦忘情任卷舒風霜下刀筆軒蓋擁門閭平野芸蕪  
遍長洲鴻雁初菊花宜泛酒蒲葉好裁書昔我芝蘭契悠  
然雲雨疎非君重千里誰肯惠雙魚

奉和聖製經函谷關作

張九齡

函谷雖云險黃河已復清聖心無所隔空此置關城

至桃林塞作

崔湜

去國未千里離家已再旬丹心恒戀闕白首更思親懷璧  
常贖訓捐金詎得鄰抱冤非忤物罹謗豈由人不濫辭終  
辨無瑕理竟伸黻還中省舊符與外臺新塞上同遷客江

潭異逐臣淚垂非屬峴腸斷固由秦歲月行迺盡山川難  
重陳始知亭伯去還是拙謀身

宏農清巖曲有磐石可坐宋十一之間每拂拭待余

寄詩贈之

田遊巖

信彼稱靈石居然狎遁棲  
裴回承翠巘馱帶深谿夕陰  
起層岫清景半虹霓  
風來應嘯阮波動可琴嵇  
僕也頽陽客望彼空思齊  
儻見山人至簪蒿且杖藜

經函谷關

韋應物

洪河絕山根單軌出其側  
萬古爲要樞往來何時息  
秦皇



既恃險海內被吞食及嗣同覆顛咽喉莫能塞炎靈詎西  
駕婁子非經國徒欲扼諸侯不知恢至德聖朝及天寶豺  
虎起東北下沈戰死魂上結窮寃色古今雖共守成敗良  
可識藩屏無俊賢金湯獨何力馳車一登眺感慨中自惻  
初至西虢官舍南池呈左右省及南宮諸故人

岑參

黜官自西掖待罪臨下陽空積犬馬戀豈思鷓鷯行素多  
江湖意偶佐山水鄉滿院池月靜捲簾溪雨涼軒窻竹翠  
濕崇牘荷花香白鳥上衣桁青苔生筆牀數公不可見一

別盡相忘敢恨青瑣客無情華省郎早年迷進退晚節悟  
行藏他日能相訪嵩南舊草堂

號中酬陝西甄判官見贈

前人

微才棄散地拙宦慚清時白髮徒自負青雲難可期胡塵  
暗東洛亞相方出師分陝振鼓鞶二嶠滿旌旗夫子廊廟  
器迥然青冥姿闔外佐戎律幕中吐兵奇前者驛使來忽  
枉行軍詩晝吟庭花落夜諷山月移昔君隱蘇門浪跡不  
可羈詔書自徵用令譽天下知別來春草長東望轉相思  
寂寞山城暮空聞畫角悲

號州郡齋南池幽興因與閻二侍御道別

前人

池色淨天碧水涼  
雨淒淒快風從東南  
荷葉翻相西  
性本愛魚鳥  
未能返巖谿  
中歲徇微宦  
遂令心賞睽  
及茲佐山郡  
不異尋幽棲  
小吏趨竹徑  
訟庭侵藥畦  
胡塵暗河洛  
二陝震鼓輦  
故人佐戎軒  
逸翮凌雲霓  
行軍在函谷  
兩度聞鶯啼  
相看紅旗下  
飲酒白日低  
聞君欲朝天  
駟馬臨道嘶  
仰望浮與沈  
忽如雲與泥  
夜眠驛樓月  
曉發關城雞  
惆悵西郊暮  
鄉書對君題

號州送鄭興宗弟歸扶風別廬

前人

佐郡已三載豈能長後時出關少親友賴汝常相隨今日  
怎言別愴然俱淚垂平生滄洲意獨有青山知州縣不敢  
說雲霄誰敢期因懷東谿老最憶南峰緇爲我多種藥還  
山應未遲

號州酬辛侍御見贈

前人

門柳葉已大春花今復闌鬢毛方二色愁緒日千端夫子  
屢新命鄙夫仍舊官相思難見面時展尺書看

稠桑驛喜逢嚴河南中丞便別

得時字

前人

駟馬映花枝人人夾路窺離心且莫問春草自應知不謂

青雲客猶思紫禁時

參忝西掖  
曾聯接

別君能幾日看取鬢成絲

號州送天平何丞入京市馬

前人

關樹晚蒼蒼長安近夕陽回風醒別酒細雨濕行裝習戰

邊塵黑防秋塞草黃知君市駿馬不是學燕王

送王七錄事赴號州

前人

早歲即相知嗟君最後時青雲仍未達白髮欲成絲小店

關門樹長河華岳祠宏農人吏待莫使馬行遲

號州西亭陪端公宴集

前人

紅亭出鳥外駿馬繫雲端萬嶺牕前睥千家肘底看開瓶  
酒色嫩踏地葉聲乾爲逼霜臺使重裘也覺寒

號州卧疾喜劉判官相過水亭

前人

卧疾嘗晏起朝來頭未梳見君勝服藥清話病能除低柳  
共繫馬小池堪釣魚觀棋不覺暝月出水亭初

號州南候嚴中丞不至

前人

池上日相待知君殊未回徒教柳葉長漫使梨花開駟馬  
去不反雙魚空往來思想一作想思不解說孤負舟中杯

題號州西樓

前人

錯料一生事蹉跎今白頭縱橫皆失計妻子也堪羞明主  
雖然棄丹心亦未休愁來無去處祇上郡西樓

佐郡思舊遊

并序

前人

已亥歲春三月參自補闕轉起居舍人夏四月署虢州  
長史適見秋草涼風復來昔桓譚出爲六安丞常忽忽  
不樂今知之矣悲州縣瑣屑思掖垣清閑呈左右省舊  
遊

幸得趨紫殿却憶侍丹墀史筆衆推直諫書人莫窺平生  
恒自負垂老此安卑同類皆先達非才獨後時庭槐宿鳥

亂階草夜蟲悲白髮今無數青雲未有期

號州後亭後李判官使赴晉絳

得秋字

前人

西原驛路挂城頭客散紅亭雨未收君去試看汾水上白雲猶似漢時秋

號州西山亭子送范端公

得濃字

前人

百尺紅亭對萬峯平明相送到齋鐘驄馬勸君皆卸却使君家醞舊來濃

題觀樓

前人

荒樓荒井閉空山關令乘雲去不還羽蓋霓旌何處在空



送劉評事使關西

函谷關歌送劉評事使關西

前人

君不見古函谷關崩城敗壁至今在  
樹根草蔓遮古道空谷千年長不改  
寂寞無人空舊山聖朝無事不須關  
白馬公孫何處去青牛老人竟不還  
蒼苔白骨空滿地月與古時長相似  
野花不省見行人山鳥何曾識關吏  
故人方乘使者車  
卓吾知郭丹却不如  
請君時憶關外客  
行到關西多寄書

虢州西亭觀眺

前人

亭高出鳥外客到與雲齊樹點千家小天圍萬嶺低殘虹  
挂陝北急雨過關西酒榼緣青壁瓜田傍綠谿微官何足  
道愛客且相携惟有鄉園處依依望不迷

雞鳴臺

李行言

秦郊平舊險周德眷遺黎始聞清夜柝俄見落封泥物色  
來無限津途去不迷空亭誰問馬關戍但鳴雞山月寒彌  
淨河風曉更凄贈言楊伯起非復是關西

潼關吏

安祿山兵北哥舒翰請堅守潼關明皇聽楊國忠言力趣出兵翰撫膺慟哭而出兵王靈

寶潼關

遂失守

杜甫

士卒何草草築城潼關道大城鐵不如小城萬丈餘借問  
潼關吏修關還備胡要我下馬行爲我指山隅連雲列戰  
格飛鳥不能踰胡來但自守豈復憂西都丈人視要處窄  
狹容單車艱難舊長戟萬戶用一夫哀哉桃林戰百萬化  
爲魚請囑防關將慎無學哥舒

過宋員外之問舊莊

宋公舊池館零落守

一作首

陽阿枉道祇從入吟詩許更過

淹留問耆老寂寞向山河更識將軍樹悲風日暮多

寄彭州高三十五使君適虢州岑二十七長史參三

十韻

前人

故人何寂寞今我獨淒涼老去才難盡秋來興甚長物情  
尤可見辭客未能忘海內知名士雲端各異方高岑殊緩  
步沈鮑得同行意愜關飛動篇終接混茫舉天悲富駱近  
代惜盧王似爾官仍貴前賢命可傷諸侯非棄擲半刺已  
翱翔詩好幾時見書成無信將男兒行處是客子鬪身強  
羈旅推賢聖沈綿抵咎殃三年猶瘵疾一鬼不銷亡隔日  
搜脂髓增寒抱雪霜徒然潛隙地有靦屢鮮妝何太龍鍾  
極於今出處妨無錢居帝里盡室在邊疆劉表雖遺恨龐

至死藏心微傍魚鳥肉瘦怯豺狼隴草蕭蕭白洮雲片  
片黃彭門劔閣外虢畧鼎湖旁荆玉簪頭冷巴箋染翰光  
烏麻蒸續曬丹橋露應嘗豈異神仙宅俱兼山水鄉竹齋  
燒藥竈花嶼讀書牀更得清新否遙知對屬忙舊官甯改  
漢醕俗本歸唐濟世宜公等安貧亦士常蚩尤終戮辱胡  
羯漫猖狂曾待祆氛靜論文暫裹糧

黃河二首

前人

黃河北岸海西軍椎鼓鳴鐘天下聞鐵馬長鳴不知數胡  
人高鼻動成羣

信天年果二八  
一車書葉金玉  
黃河西岸是吾蜀欲須供給家無粟願驅衆庶戴君王混

寄贈虢州張參軍

韓翃

三十事諸侯賢豪冠北州桃花迎駿馬蘇合染輕裘觀妓  
將軍第題詩關尹樓青林朝送客綠嶼晚回舟好粟分通  
子名香贈莫愁洗杯新酒熟把燭故人留百雉歸雲過千  
峯宿雨收蒹葭露下晚菡萏水中秋憶昨陪行樂常時接  
獻酬佳期雖霧散惠問亦川流開卷醒堪解含毫思苦抽  
無因達情意西望日悠悠

題玉真觀李秘書院

韓翃

白雲斜日影深松  
玉宇瑤壇知幾重  
把酒題詩人散後  
華陽洞裏有疎鐘

赴虢州留別故人

盧綸

世故相逢各未閑  
百年多在別離間  
昨夜秋風今夜雨  
不知何處入空山

虢州逢侯釗同尋南觀音贈別

時居停務

盧綸

相見翻惆悵  
應憐責廢官  
過深慚祿在  
識淺賴刑寬  
獨失耕農業  
同思弟姪歡  
衰貧羞客過  
卑束會君難  
放鶴登雲

壁澆花遶石壇興還江海上跡在是非端林密風聲細山  
高雨色寒悠然此中別賓僕倚闌干

題楊號縣竹亭

前人

夜宿密公室話餘將畫興遶堦三徑雪當戶一池冰家訓  
資風化心源隱政能明朝復何見萊草古溝塍

關口逢徐邁

廢寺連荒壘那知見子真關城夜有雪冰渡曉無人酒裏  
唯多病山中願作鄰常聞兄弟樂誰肯信家貧

宏農公以碩德偉材屈於誣枉宏農公楊馮也為御史李夷簡所彈左官



三歲復爲大僚天監昭明人心感悅宗元竄伏湘浦  
拜賀末由謹獻詩五十韻以畢微志 柳宗元

知命儒爲貴時中聖所臧處心齊寵辱遇物任行藏關識  
新安地封傳臨晉鄉挺生推豹蔚遐步仰龍驤幹有千尋  
竦精聞百鍊鋼茂功期舜禹高韻狀羲黃足逸詩書圖鋒  
搖翰墨場雅歌張仲德頌祝魯侯昌憲府初騰價神州轉  
耀鉉右言盈簡策左轄脩條網響切晨趨佩煙濃近侍香  
司儀六禮洽論將七兵揚合樂來儀鳳尊祠重餼羊卿材  
優柱石公器擅巖廊峻節臨衡嶠和風滿豫章人歸父母

育郡得股肱良細故誰留念煩言肯過防璧非真盜客金  
有諛持郎龜虎休前寄貂蟬冠舊行訓行方命呂理劇復  
推張直用明銷惡還將道勝剛敬逾齊國社恩比召南棠  
希怨猶逢怒多容競忤彊火炎侵琬口鷹擊謬鸞凰刻木  
終難對焚芝未改芳遠遷逾桂嶺中徙滯餘杭顧士雖懷  
趙知天詎畏匡論嫌齊物誕騷愛遠遊傷麗澤周羣品重  
明照萬方斗間收紫氣臺上挂清光福爲深仁集妖從盛  
德禳秦民帝畎畝周士舞康莊采綬還垂艾華簪更截防  
高居遷鼎邑遙傳好書王碧樹環金谷丹霞映上陽留歡

嗚容與要醉對清涼故友仍同里常僚每合堂淵龍過許  
劬冰鯉弔王祥玉漏天門靜銅駝御路荒澗灑秋歎灑嵩  
少暮微茫遵渚徒云樂冲天自不遑降神終入輔種德會  
明歎獨棄儉人國難窺天子牆通家殊孔李舊好卽潘楊  
世議排張摯時情弃仲翔不言縲紲枉徒恨纏徽長賈賦  
愁單闕鄒書怯大梁炯心那自是昭世懶佯狂鳴玉機全  
息懷沙事不忘戀恩何敢死垂淚對青湘

寄楊虢州與之舊姻

劉禹錫

避地江湖知幾春今來本郡擁朱輪阮郎無復里中舊楊

僕却為關外人各繫一官難命駕每懷前好易沾巾玉城  
山裏多靈藥擺落功名且養神

述舊賀遷寄陝虢孫常侍

南宮左輔  
兩處交代

劉禹錫

南宮幸襲芝蘭後左輔曾交印綬來多病未離清洛苑新  
恩已歷望仙臺關頭古塞桃林靜城下長河竹箭回聞說  
隨車有零雨此時偏動子荆才

酬楊侍郎憑見寄

前人

翔鸞關底謝皇恩纓上滄浪舊水痕踈傳揮金忽相憶遠  
擎長句與招魂

答楊八敬之絕句

楊時亦  
謫居

前人

飽霜孤竹聲偏切帶火焦桐韻本悲今日知音一留聽是  
君心事不平時

酬楊八副使將赴湖南途中見寄一絕

前人

知逐征南冠楚材遠勞書信到陽臺明朝若上君山上  
道巴江自此來

題號州三堂贈吳郎中

賈島

無窮草樹昔誰栽新起臨湖白石臺半岸泥沙孤鶴立三

堂風雨四門開荷翻團露驚秋近柳轉斜陽過水來昨夜  
北樓堪朗詠號城初鎖月裴回

函谷關

汪遵

脫禍東奔壯氣摧馬如飛電轂如雷當時若不聽彈欽那  
得關門半夜開

古函谷

皮日休

破落古關城猶能扼帝京今朝行過客不待曉鷄鳴

西上經靈寶觀

自註觀即尹  
真人舊宅

孟郊

道士無白髮語音靈泉清青松多壽色白石恒夜明故步

霽霞起振衣華風生真文秘中頂寶氣浮四楹一片古關  
路萬里今人行上仙不可見驅策徒西征

泛黃河

孟郊

誰開崑崙源流出混沌河積雨飛作風驚龍噴爲波湘瑟  
颼颼茲越賓嗚咽歌有恨不可洗虛此來經過

出城寄權璩楊敬之

李賀

草暖雲昏萬里春宮花拂面送行人自言漢劔當飛去何  
事還車載病身

函谷關

胡宿

天開函谷壯關中萬古驚塵向北空望氣竟能知老子棄  
繻何不識終童謾持白馬先生論未抵鳴鷄下客功符命  
已歸如掌地一九曾誤隗生東

三堂二十一咏

韓愈

湖上新亭好公來口出初水文浮枕簟瓦影蔭龜魚

右新亭

汨汨幾時休從春復到秋只言池未滿池滿強交流

右流水

竹洞何年有公初斫竹開洞門無鎖鑰俗客不曾來



右竹洞

南館城陰澗東湖水氣多直須臺上看始奈月明何

右月臺

自有人知處那無步往蹤莫教安四壁面面看芙蓉

右渚亭

靄靄谿流慢稍稍岸篠長穿沙碧簾淨落水紫苞香

右竹谿

聞說遊湖棹尋常到此迴應留醒心處準擬醉時來

右北湖

蝶去紛紛香風隔岸聞欲知花鳥處水上覓紅雲

石花島

柳樹誰人種行行夾岸高莫將條繫纜著處有蟬號

右柳谿

新月迎宵挂  
雲到晚留爲遮西望眼終是懶回頭

右西山

無塵從不掃有鳥莫令彈若要添風月應除數百竿

右竹選

風雨秋池上高荷蓋水繁未諳鳴撼撼那似卷翻翻

右荷池

星布畦堪數枝分水莫尋魚肥知已秀鶴沒覺初深

右稻畦

柳巷還飛絮春餘幾許時吏人休報事公作送春詩

右柳巷

原上花初發公應日日來丁甯紅與紫慎莫一時開

右花源

郡樓乘曉上盡日不能迴晚色將秋至長風送月來

右北樓

非鑄復非鎔泓澄忽此逢魚蝦不用避只是照蛟龍

右鏡潭

朝遊孤嶼南暮戲孤嶼北所以孤嶼鳥與公盡相識

右孤嶼

非閣復非船可居兼可過君欲問方橋方橋如此作

右方橋

乍以上青冥初疑躡菡萏自無飛仙骨欲度何由敢

右梯橋

寒池月下明新月池邊曲若不妬青研卻成相映燭

右月池

桃林夜賀晉公

韓愈

西來騎火照山紅  
夜宿桃林臘月中  
手把命珪兼相印  
一時重疊賞元功

函谷關

胡曾

寂寞函谷鎖未開  
田文車馬出秦來  
朱門不養三千客  
誰為鷄鳴得放回

靈寶縣西側津

吳融

碧溪瀲灩流殘陽  
晴沙兩兩眠鴛鴦  
柳花無賴若多暇  
蛺蝶

蝶有情長自忙千里宦遊成底事每年風景是他鄉高歌  
一曲垂鞭去盡日無人識楚狂

號州澗東村居作

韋莊

東南騎馬出郊坰回首寒烟隔郡城清澗漲時翹鷺喜綠  
桑疎處哺牛鳴兒童見少生於客奴僕驕多倨似兄試望  
家田還自適滿畦秋水稻苗平

尹喜宅

前人

荒原秋殿柏蕭蕭何代風烟占寂寥紫氣已隨仙仗去白  
雲空向帝鄉消濛濛暮雨春鷄唱漠漠寒蕪雪兔跳欲問

靈蹤無處所十洲空闊闔山遙

三堂東湖作

前人

滿塘秋水碧泓澄十畝菱花晚鏡清  
景動新橋橫蠓蝻岸鋪芳草睡鵝鵲  
蟾投夜魄當湖落嶽倒秋蓮入浪生  
何處最添詩客興黃昏煙雨亂蛙聲

冬日長安感志寄獻虢州崔郎中二十韻

前人

帝里無城久滯淹別家三度見新蟾  
邈詵丹桂無人指阮藉青襟有淚霑  
溪上卻思雲滿屋鏡中惟怕雪生髯  
病如

原憲誰能療蹇是劉禎豈用占露雨十年同隱遁風雷何  
目振沈潛吁嗟每被更聲引歌咏還因酒思添客舍止甘  
愁寂寂郡樓遙想醉慊慊已聞鈴閣懸新詔卽向綸闈副  
具瞻濟物便同川上楫慰心還似邑中黔觀星始覺中郎  
賈問俗方知太守廉宅後綠波棲畫鷁馬前紅袖簇丹襜  
閑招好客斟香蟻悶對瓊花詠散鹽積凍慢封寒雷細暮  
雲高拔遠峯尖訟堂無事冰生印水謝高陰月透簾松下  
圍棋期褚胤筆頭飛箭薦陶謙未知匣劍何時躍但恐鉛  
刀不再銛雖有遠心長擁篲恥將新劍學苦編纜驚素節



移錦律又見元冥變玉籤百口似萍依廣岸一身如燕變  
高簷如今正困風波力更向人中間宋纘

三堂早春

前人

獨倚危樓四望遙杏花春陌馬聲驕池邊冰刃暖初落山  
上雪稜寒未銷溪送綠波穿郡宅日移紅影度村橋主人  
年少多情味笑換金龜解珥貂

關下

崔道融

百二山河壯帝畿關門何事更開遲應從漏卻田文後每  
度聞鷄不免疑

得體歌

天寶初幸堅為陝郡太守水陸轉運使於長  
 安城東漕水傍穿廣運潭以通吳會數十郡  
 舟楫若廣陵郡船即堆積廣陵所出錦鏡銅  
 器餘郡皆然舟人大笠寬衫芒履如吳楚之  
 製先是民間戲唱得體歌至開元末田同秀  
 上言元元皇帝云有寶符在陝桃林縣古關  
 令尹喜宅遺中使求得之以為殊祥改縣為  
 靈寶及堅鑿新潭成又致揚州銅器陝縣尉  
 崔成甫乃翻具詞為得寶歌集兩縣官妓女  
 子唱之成甫又作歌詞十章自衣缺袴綠衫  
 錦半臂偏袒膊紅抹額於第一船作號頭唱  
 之和者女子百人皆鮮服靚妝齊聲接影鼓  
 笛胡部以應之明皇  
 臨觀大悅下詔褒賞

得丁紇體都重反 紇那也囊得體那潭裏船車鬧揚州銅器

多三郎當殿坐聽唱得體歌

得寶歌

開元末宏農古函谷關得寶符因改元為天寶其符白石赤文正成桑字解者云四十八以示御歷之數及帝幸蜀之來歲正四十八年得寶之時天下歌之云云

得寶耶宏農耶宏農耶得寶耶

出關路

白居易

山川函谷路塵土遊子顏蕭條去國意秋風生故函

社日關路作

前人

晚景函谷路涼風社日天青巖新有燕紅樹欲無蟬愁立  
驛樓上厭行官埃前蕭條秋興苦漸近二毛年

錢號州以三堂絕句見寄因以本韻和之

前人

同事空王歲月深相思遠寄定中吟遙知清淨中和化祇

用金剛三昧心

子早歲與錢君同習讀金剛三昧經故云

曉過函谷關

李涉

因韓為趙兩游秦十月冰霜渡孟津縱使鷄鳴遇關吏不知余也是何人

題畫山水

楊汝士

太華峯前是故鄉路人遙指讀書堂如今老大騎官馬羞向關西道姓楊

春日言懷寄虢州李常侍十韻

杜牧

岸蘚生紅藥巖泉漲碧塘地分蓮嶽秀草接鼎原芳雨派  
深滌急風畦芷若香織蓬眠舴舺驚夢起鴛鴦論吐開冰  
室詩陳曝錦張貂簪荆玉潤丹穴鳳毛光子弟新登科甲今日還  
株守何年執戟郎且嫌遊畫短莫問積薪長無計披荆  
栽唯持祝壽觴願公如衛武百歲尙康強

任宏農尉獻州刺史乞假還京

李商隱

黃昏封印點刑徒愧負荆山入座隅卻羨卞和雙則足一  
生無復沒階趨

送錢給事赴虢州

劉得仁

帝心憂虢俗暫輟掖垣臣疲瘵初承制鄉閭似得春化成  
應有瑞位重轉聞貧用作鹽梅日爭迴臥轍人

虢州獻楊抑

一作大

卿二首

姚鵠

蓋世英華更有誰賦成傳寫遍坤維名科累重求賢日苦  
節高標守郡時樓上叫雲秋鼓角林間宿鶴夜旌旗徵歸  
詔下應非久德望人情在鳳池

碧山曾共惜分陰暗學相如賦上林到此敢逾千里恨歸  
家且遂十年心疎愚祇怯膺門險淺薄爭窺孔室深一願

儻憐持苦節更令何處問升沈

函谷關

宋 汪元量

西風吹我度函關古壑泉聲靜自閑老子騎牛沙上去仙人化鶴苑中還斷厓水脫懸殘日絕域雲橫失好山舊說度關朱履客一聲鷄唱翠微間

河邊曉望

司馬光

高浪崩奔捲白沙悠悠極望入天涯誰能脫落塵中意乘興東遊坐石槎

函關

金 辛愿

雙峯高聳大河旁自古函關一戰場紫氣久無傳道叟黃  
塵那有棄繻郎烟迷輕草秋還綠露浥寒花晚更香共說  
河山雄百二不堪屈指算興亡

黃河澄清

明世宗御製

丁亥季冬十有六日河南之省靈寶之邑黃河澄清拖練  
湛壁越之四辰官占叶吉縣吏來報戊子之春乃命禮曹  
詳考其因宗伯獻夫述奏以申謂禮宜賀率屬表陳予慚  
弗允益勵恭寅請謝河伯朕許曰然既而復思斯本自天



遡源徂流禮有後先遣官馳往秉其精專甲申告吉露拜  
成虔祀禮已成仰賀蒼乾帝垂鑒歆稽首拳拳永懷庇眷  
勉進德焉既而羣臣舞拜致賀余心甚愧稱之太過二三  
輔臣作歌以頌錄以來呈其嗣雍雍忠誠且悉心德協一  
尚賴匡弼勿或墮逸蒙帝錫瑞四海甯謐德進業修罔敢  
自失天道當欽祖憲遵悉是訓是行恐恐慄慄政務惟善  
民困惟恤唐虞之盛吾欲與匹

東厓

明許進  
邑人

天肇靈山自幾年龍翔虎伏巧相聯脈蟠震地含清淑秀

靈臺系志

卷之八 藝文下 詩

七

對鬯宮啓俊賢鬱氣溟濛春雨密回岡萃律晚霞鮮投閑  
又得東厓勝相望終朝似有緣

黃河

同上

萬里黃河未有涯鼎湖東畔鏡光開春風解凍餘寒盡濁  
浪搏花拍岸來畫舫依依歸遠浦轟雷隱隱到空齋臨流  
莫羨乘槎者神灑飄然極九垓

禹王廟

同上

慨昔唐初昏墊中民居無地參蛇龍當時原自行無事後  
世於今仰聖功寰宇有形水土奠乾坤不盡廟祠崇閑來

古龜原上樹掩窮碑野草豐

老子故宅

同上

桃林北去大河濱故宅依依晝掩塵令尹詎能知異兆至  
言緣欲授斯人青牛關上征驂度紫氣天邊暮靄勻仙轍  
千年無覓處遺編祇好伴閑身

宏農澗

同上

澗號宏農世累遷水聲汨汨自當年涼霄月午書窗靜清  
晝門扃篆縷旋亂入松風咆虎豹細兼竹雨響笙弦閑愁  
都付潺湲去清徹靈臺興欲翻

泮池

許誥

活水源頭何處是伊川東去此西來元精已會天成器盛  
世豈無間出才萬里雲霄鯤變化九天風雨浪奔頽澄瀾  
未許塵眸看欲覓濂溪藕節栽

老子故宅九日感事 二首

許論

宋玉愁多不耐秋興來扶病強登樓襟披函谷三秦勝目  
豁黃河萬里流動業難憑駒過隙文章無用雪蒙頭西風  
好認參軍帽我是平生馬少游

九日河干載酒行主人意重客心傾蒼波望極孤帆杳白

鳥飛來雙眼明物外季真難適俗飲中元亮不耽名茱萸  
插處偏多感怪底都稱太瘦生

女郎山

許論

差我高聳女郎山峭壁危峯不可攀晴日晚霞林影翠只  
宜寫在畫圖間

峴山

同上

嵐光滴翠滿吟鞭况是西南雨霽天笑指綠苔千萬點此  
時要分買山錢

講書堂

同上

碧玉巖前是故鄉路傍遙指講書堂今來帶劍騎征馬羞  
向關中道姓楊

仙人石

同上

坐看南山景物妍遙看舉目翠峯顛傍巖白石如人立疑  
是當年採藥仙

轆轤關

同上

山路崎嶇類井陘車難方軌馬難行一夫拒守能堅壁羣  
寇何由得進兵

斷密澗

同上

李密英雄笑霸王刑公山下疊尸亡古來自有真良將難  
得忠臣似伯當

楊駿塚

同上

楊氏功名載晉唐男爲卿相女椒房一門貴顯今何在高  
塚巍巍表故鄉

七夕登猶龍閣

荆時薦

獨上高樓望沈寥江寒月冷罷吹簫天連伊闕山還斷雲  
隔巴林鶴自遙夜靜流螢分羽扇水沉蓮露轉星杓湘潭  
只共銀河遠便借仙人烏鵲橋

望氣臺

陳棐

至人原自識仙風瑞靄丹霞遠鬱葱靈跡纔辭周柱下祥  
氛已入古關中不從紫氣臺端候何得青華觀裏逢欲訪  
乘牛求寶籙願隨鶴駕遍瑤空

女郎山

彭範

萬丈丹崖上女郎仰尋石徑路茫茫平瞻華嶽三峯近俯  
視洪流一線長虎嘯陰風昏白晝馬嘶落日暗紅光壯遊  
始踐十年約欲向山靈問雨暘

老子故宅

謝江

明給事中



地開層閣倚空寥，秋日登臨爽氣饒。  
危棟影移蓮岳近，懸珠光射海雲搖。  
鳳螭輦過雙童引，羽節霞翻列聖朝。  
凭覽誤疑人世外，興來欲訪赤城標。

太白星傍飛紫閣，洛陽羈客屢登遊。  
平觀青嶂窗前擁，倒聽黃河檻外流。  
細管疑從天畔落，五雲偏向藥宮浮。  
還丹妙訣人難遇，悵望函關有跨牛。

函谷關

賀賁

函谷關前一徑通，行人多少自西東。  
當年秦法嚴如火，夜半狐裘入禁宮。

育賢泉

王子謙

九歲童子

一脈源從天上來，偶分三眼象三台。  
清流不入濁流派，獨遶巒宮育大才。

登老君原觀後閣

呂天祐

飛閣凌空四望開，登臨永日獨徘徊。  
峯高下見黃河盡，天闊遙看紫氣來。  
遠樹蒼茫生極浦，寒雲蕭瑟鎖荒臺。  
關門令尹知何處，愁聽孤城畫角哀。

函谷關

前人

樓堞連天起，風塵接塞多。  
關門臨碧澗

下臨宏農澗

山勢走黃

河望氣空千載封泥竟若何祇今同軌日午夜任經過

靈寶咏古

劉咸

海南僉事

女郎屹立佛頭青蘆澗桃林四望平河北有書傳虎渡關  
中無客聽鷄鳴講書堂對巖巴墓望氣臺臨項羽城最惜  
龍逢遊地下至今青史播休聲

瞻紫樓

劉咸

昔人已乘青牛去海闊天高幾昏曙空餘百尺望氣臺至  
今猶在經行處傳流當年函谷關常有紫氣來其間世人  
俗眼不能識往往輕視如等閑惟有關門令尹喜自言當

得異人至築臺望望未多時果遇東周柱下史從容授以  
道德經五千奇文皆至精飄然拂衣不肯住移車又向川  
西行川西迢迢路修阻喜卽辭官遠趨赴青華觀裏忽相  
逢一笑呼名宛如故此地傳道實所宜如何又向終南期  
遂令喜也雙倦足終歲碌碌無甯時青牛老人去不返寂  
歷荒臺猶在眼登高披基考遺蹤落日亭亭正春晚

鷄鳴臺

劉咸

七國雌雄未分日嬴秦自恃強無敵一朝相得孟嘗君委  
任傾心絕嫌隙如何忽信讒言欺立命下囚將殺之智士

匿寶計無出只應求解王幸姬幸姬所用惟巾櫛何事亦  
愛狐裘白先時已入秦藏中於今欲求甯再得堂中養士  
三千人豈無一人能致身中有善爲狗盜者從容竊出如  
有神遂將此物爲姬獻始得一言緩厥譴放歸實出望外  
恩尤恐後難弗得免急騎駿馬從東還兼程一夕至函關  
關法鷄鳴方出客寸心輾轉難爲安就中又有奇謀士解  
作鷄鳴宛相似野外鷄聞亦亂鳴關門乍起追兵至孟嘗  
脫身出虎狼還齊猶自心不忘殷勤欲計向時事築台特  
向關之傍人間俯仰成今昔豪華轉眼皆陳跡人去台空

亦可憐歲歲東風土花碧

泮池

失名

宏農古治隸天中河洛淵源文字雄  
峩峩聖廟東南立千尋松檜倚高風  
清風冉冉拂松檜拱珪環壁宮墻外  
城南半畝半池開波光動宮鳴天籟  
不知此泉鑿何年取象三台名有賢  
前賢擬作洙泗水後令栽培君子蓮  
灼灼芙蓉香襲體養成三尺龍門鯉  
紅花白花爛中央小魚大魚遊池底  
已看芹藻映清波又見垂楊覆菱荷  
論文恍似鵝湖敞講席宏開絳帳多  
君不見甘泉宮外遊麋鹿此泉千載

溫如玉風水相遭起漣漪文武聯翩標科目接踵英英騰  
捷足爲鳳爲麟從可卜

夏日過雲林寺

許茂枋

碧天無雲色永日增炎煥杖策拂塵襟偶適南山麓  
映壑陰蒼松緣墻出新竹深林聞清楚隱隱見茅屋  
初疑無路入攀蘿隨樵牧逶迤盤磴道谷轉通前隩  
庭宇散香煙澹然如新沐僧持貝葉經擁衲高聲讀  
自憐塵俗顏日月幾馳逐感此娛悅心永欲絕煩蹙

昆羅寺

苟汝安

招提卜幽谷岑寂少人跡日上山鳥鳴春暮巖花碧農田  
犁輕雲僧房結澗石坐此豁塵緣何當久棲息

函谷

許 倌 邑人知府

雍豫襟喉地往來入貢衢關門臨野障河勢抱城孤層漢  
青牛杳荒臺紫氣紆南山葱鬱處似可避形軀

號野

許 倌

一病憐秋晚頻遊借短筇寒烟廣野樹暮雨上方鐘詩興  
吾將老酒懷誰更濃留連惜光景俯仰但塵蹤

喜雨

劉 穆 太常少卿



桃林戊子春久旱氣炎熇大風揚塵沙空陣兼矓目我來  
祀瀆宗奉命極清肅竣事欲啟行興雲彌川谷頃刻雨  
霧霑豈惟曰霖霖焦土成沃田萬井俱霑足三農交稱慶  
早見艾種穉我亦笑顏開不惜留信宿河清徵太平豐年  
茲可卜

和劉僉事靈寶咏古原韻

曹

璉

河南  
僉事

停驂遠眺峴山青萬頃桃林一掌平望氣有臺惟兔跡講  
書無院祇蛙鳴萋萋碧草龍逢塚漠漠寒烟號仲城最是  
女郎仙意遠蕭蕭古木送蟬聲

關龍逢墓

張漢

身死忠名見從公  
初未曾亡羞偕夏  
日諫敢惕春冰西  
陝餘抔土南荒共  
舊陵黃圖灰燼後  
風雨夜燐增

夜過函谷

張漢

山深雲暗徑尤低  
夜半人歸信馬蹄  
不是關門無戍守  
此行那會學鳴雞

稠桑驛

國朝王士禎

春蘭秋菊不同芳  
舊恨新愁爾許長  
應是三生緣未了  
又呼妙子到稠桑

老子故宅

前人

比邨東望冢纍纍上有元元古廟基莫以荒唐笑仙李漢家先奉濯龍祠

泮池

梁儒 邑令

泮池池畔草菲菲內湧珠泉遶泮闈三眼中分朝聖闕一流西轉抱河磯紛紛亂迸珊瑚樹泛泛齊噴瓊玉璣尺水興波雷雨震潛龍應起傍天飛

朱陽故城

同上

郎山聳翠靄雲巔古栢森森漢廟前華蓋風搖節碎日濃

陰澗覆冷流泉龍筋旋遶經霜茂鶴骨翩翩帶露鮮怪道  
長春渾不老蒼蒼鱗甲度年年

御題寺

同上

御寺森森倚日雄爐烟靄靄梵王宮風飄蓋舞翻雲白雨  
逐花飛落井紅禪室幽香靈宇接峯巒聳翠慧門通欲知  
寶刹天開日碣上留詩頌德宗

李門三烈

同上

柔腸割斷植綱常羞見狂氛暗自傷沒後猶思掩玉體生  
前忍教點衣裳貞心慘淡三更淚烈節悽其六月霜共燦

一門留史冊九泉枯骨至今香

邑侯蠲荒政成感賦

陳主策

邑理藩院院判

邑界西南灌莽多新來召父意如何  
鄧林靄沛桃林雨湘水恩流洛水波  
數紙風雲經部豁萬家烟火復巖阿  
慚余匏繫江干上也附征鴻矢好歌

蠲荒復業作長歌記其事

卯顯極

漢陽才子氣如龍  
英英經濟有父風  
拜命桃林來作宰  
出治不與尋常同  
憶昔桃林民力竭  
三年逋賦完不得  
草長尺土無人耕  
處處門墻題賣帖  
有子驅犢質征錢  
石壕夜

半呼門前欲完國稅應無計拋棄城南二頃田携家黑夜  
適他邑仍捧親戚征賦入排空賠累是何糧糧完大戶重  
足立早破民間幾千家沃土自售無人賒還存殘喘守邱  
壠猶望西成滿篝車更苦清文無兼併鞭笞怒罵輕人命  
原徵已賦又重徵士氣亦教從此病懸來拋書相向愁難  
禁額外有誅求惟期得緩須臾死不惜他鄉委壑溝天生  
人才爲世出一片仁慈誰能識堂上徵收發憐容往往對  
客長太息太息父老多哀鳴云與荒田同死生 公聞此  
言痛民隱策馬戴星過洛城當事嘉 公爲 公原不惜

諫草入金門憂時危論守土責事亟何能遽邀恩此際雄心應凋喪公也慷慨神益王往復不憚乞封章封章更許補牘上仰天搔首望幾旬忽爾雲邊下

恩綸蠲租自是

朝廷惠軫恤還賴使君仁歡呼市井齊置酒拊掌驚喜得未有事成方識司牧心四十年來成不朽我聞漢家吏治何多良公績端不讓龔黃尸祝之像戴德石甃水不及愛慕長昔也民不念邦族今日何緣歸舊屋已聞有

品除荒糧肯向他人屋下宿羣呼結伴復歸來未賣田宅今

重開况有官家給牛種耕牛幾具闢蒿萊去家十載頭已  
白淒涼閱盡饑寒厄俄看春燕巢故梁又見嘉種生南陌  
美哉今之桃林成名疆十步五步皆康莊舊日骨肉會一  
堂相將共蔭召伯棠

虢州古城

卯顯極

離離禾黍故城秋敗堞殘祠枕碧流岳武金戈沉北虢岐  
王賓客散西樓開方舊驛曾埋草湖上新亭半作洲惟有  
秦山明月在紅亭綠水共誰遊

問淇亭

卯顯極



卜築淇亭秋暮時萬竿綠竹最相宜  
鳴琴嬈嬈窓前月直節菁菁堦下枝  
勝地欲留千載賞寶筵還讀數章詩  
髦年淇水人如在退食從容一問之

和韻

楊州杰

琴堂退食晚涼時徧植新篁與地宜  
晶舍團團留月影雕欄曲曲映花枝  
山公林裏曾携酒衛武筵中只頌詩  
淇水清風高百代吟成素壁欲揮之

陪 邑侯踏勘荒田感賦

卯顯極

數盡洛西苦淒涼古魏州呼天依父母  
何日樂田疇草色

全欺麥風聲半認秋惟餘憔悴景泣對富民侯

前題

楊州杰

草宅疑無地流民賴有圖人亡還入籍土闢卻懸租但得  
一分減不教積歲逋回天今有力切莫厭萊蕪

過仙令尹喜宅懷古

楊州杰

莓苔滿徑燕還飛得叩仙關是息機丹洞東山留石磬白  
雲北閣護松扉騎牛人去遺經在題壁詩殘故老稀自采  
溪毛作茶供道人穩卧舊荷衣

輓轆關

邑令

霍濬遠

古戍連烽火殘關何處家爭雄嚴虎豹攬勝問桑麻路迥  
雲垂草山深雪覆沙野梅燒不盡春到發新花

峴山

霍濟遠

春風吹草峴山香草自青青風自長但使人如羊太傅何  
須墮淚認襄陽

雙虹橋

霍濟遠

函谷關前起朔風宏農古澗水淙淙河冰拍岸舟難渡雪  
浪崩沙馬未通野店砧聲催九月板橋人影亂雙虹成梁  
有令古龍角莫使嚴寒客路窮

女郎山

同上

層巒步蹠御仙名仄路人從天半行黯淡翠微開曙色迷  
離紫霧鎖春晴小橋管井松枝古別刹荒蘿野寺明最是  
靈泉一勺水年年吹雨潤蒼生

號州古城

同上

風度函關掃碧秋寒泉日夜為誰流三堂遺蹟留衰草二  
號殘碑勒戍樓林外烟雲迷古道村中燈火遍芳洲那堪  
月落孤城冷野寺疎鐘怯夢遊

朱陽故城

同上

長河沙徑馬蹄輕古戍陰陰野鳥鳴赤縣久墟餘舊壘遺  
民還聚住荒城雲邊路遶秦山色樹裏河流洛水聲行過  
柴關頻問俗新詩片石漫題名

漢栢

同上

鴻溝一割自西東龍準丰儀百代雄豐沛酒旗傳故里未  
央花影認遺宮雲凝鴟吻疑真氣聲入虬枝憶大風赤帝  
從來多豁達應知泉下慰重瞳

函谷關

同上

魏闕屹立大河通把酒凭欄四望空紫氣無踪虛夜月金

雞有信度秋風雖云形勝三秦險何似衣冠萬國雄不用  
泥丸封谷口鶴鳴山應韻和同

和韻

楊州杰  
廩生

天開樓臺四面通重關勝槩倚長空潺湲澗咽秦時雨峭  
塹城餘漢代風山勢北臨三晉險地形東控二陵雄客來  
不用雞鳴度今日車書萬國同

登老君原觀後閣

呂謙垣

飛閣凌空四望開登臨永日獨徘徊峯高下見黃河盡天  
闊遙看紫氣來遠樹蒼茫生極浦寒雲蕭瑟鎖荒臺關門

命尹知何處愁聽孤城畫角哀

李門三烈

張瑤芝

昧旦相期弋雁鳧驚聞中夜起鳴狐貞心誓守羅襦結玉  
骨甘同智井枯含笑泉臺從娣姒傷心禰祿失嬰雛經過  
荒草埋香處楓葉蕭蕭啼鷓鴣

女郎山

同上

千仞峯頭振佩聲青山從此托芳名深湫時護蛟龍氣空  
翠遙連華嶽晴古梵毘羅依絕壑漢祠蒼栢挺餘榮捫碑  
欲問盆中石風雨翛然出殿楹

老子故宅

同上

聞道流沙馭不還，猶龍舊窟尚依然。  
五千寶字琅函裏，百二雄關傑閣前。  
隔岸飛鳥分晉水，遙空舞鶴破秦烟。  
宦遊亦許探靈跡，惟有傳經愧昔賢。

龍逢塚

同上

夏社難尋舊古邱，直臣抔土自千秋。  
黃圖已向君前毀，白骨誰從地下遊。  
野徑莓苔封古碣，破楹風雨近危樓。  
拜瞻遺塚懷忠讜，彷彿鬚眉正氣浮。

學宮

惠博



巍巍聖廟對城闔斗映甍飛次第新砌栢綠苔紋已古亭  
碑丹篆字猶真諸生瞻拜威儀肅萬禩欽崇俎豆裡自是  
文功能不朽會看桃李奪先春

函關懷古

周慶增

奧堂未固守藩籬深瑣重關亦枉爲莫怪遊人競巧渡白  
裘先已出宮姬

宏農閒眺

楊浩

百里清流足溯澗宏農北下鏡光開仰垂紅葉山頭樹倒  
挂碧標天際臺斜日洪波看畫錦高潭急響聽秋雷居人

更愛分餘潤西陌南阡次第來

函關紫氣

同上

雄關便是芙蓉城柱史東來瑞色明道氣發揮成紫氣家  
生尊禮可長生尼山也並師襄席函谷尤深尹喜情仙籙  
千年黃卷在丹鉛誰復剖菁英

桃林牧豎

王道暉

千古桃林自不磨於今仍聽牧童過出灣朝霽揚鞭穩歸  
路斜陽弄笛多兩兩合成羣友隊聲聲齊唱太平歌雜魚  
入夢占年久紅雨春深掛綠簑

漢廟古栢

全上

赤帝祠邊古栢深  
參天黛色自蕭森  
喬柯直繪英雄概  
勁節那愁風雨侵  
廟貌至今多變易  
蒼虬從古不淪沉  
世傳樹抄皆東向  
疑是無忘鄉國心

秦嶺雪樵

全上

俯視西秦翠嶽間  
層巒積素似銀山  
未須粵嶠尋梅去  
自有樵夫踏雪還  
霽後雲橫凝紫氣  
月中寒擁渡藍關  
高入此際添吟興  
一曲陽春和亦艱

黃流晚釣

全上

洪河浩瀚自天來  
澎湃奔騰震九垓  
萬里龍門誰鼓浪  
一竿魚餌泊山隈  
晚風水蹙鱗紋起  
夕照波搖錦鯉回  
聖世只今虛左席  
富春無復釣魚臺

老子故宅

全上

瓊宮梵宇遍天涯  
紫氣東來是故家  
河上傳經知過此  
尼山問禮應停車  
森森翠栢連雲起  
漠漠蒼苔映日斜  
千載靈符衍道脈  
於今遺宅鎖烟霞

龍逢古塚

全上

丹心碧血垂青史  
浩氣忠魂貫日光  
不計千年存墓塚  
祇

期一死悟君王枯楊落葉埋秋水斷碣寒鴉噪夕陽獨向  
西風來展拜生芻未奠已神傷

函谷鷄鳴

全上

聖朝無事疎譏察一任征人自往還  
虎踞龍盤勢曲環宏農澗水自潺湲泥丸曾悞東封主僞  
曉爭誇夜渡關老子書傳開道妙終童繻棄破天慳

項城暮雨

全上

層巘高懸雲水邊項王遺跡未全湮千林醉影搖紅樹萬  
壑寒光罩紫烟瀑布飛來風浙瀝石泉激處雨連綿可憐

漢楚爭雄地暮景凄其倍黯然

書院圖

許鵬扶

文峯秦嶺峻學海大河長白鹿欣重振巍巍起棟梁

渠道圖

同上

縱旱甯愁雨潺湲笑穡夫於陵陳仲子抱甕不須圖

四境圖

同上

提封百里勝烟火萬家春

御榻題圖籍桃林此幅真

桃林收豎

同上

太華東陞河水涯碧桃爛熳柳參差山村笑語誰驅犢綠  
野徜徉任牧兒橫笛一聲空谷曉臥簑幾處夕陽遲太平  
圖像難描寫徒憶放牛歸馬時

漢廟古柏

同上

赤帝勲名在鼎鐘至今廟柏老虬龍颺颺風拂孤標迥  
鬣雲環黛色濃雙幹何如司馬檜五株堪笑大夫松杜公  
題詠顏公字欲勒貞珉記碧峯

秦嶺雪樵

同上

終南草樹入桃林樵子攀援雪後尋玉宇寒輕籠白日銀

沙凍解見青岑爛柯爭覓仙人度負楚誰知太守心俯仰  
空山饒樂事朔風吹處一微吟

黃流晚釣

同上

銀潢天上瀉洪流誰向閒宵理釣鈞半岸清風浮水面一  
輪新月掛竿頭詎將密網供游泳聊任潛鱗自去留欸乃  
歌聲何處是疑從五老泛舟遊

老子故宅

同上

古洞幽深依北郭危樓岌業上東原恍疑蓬島懸金榜還  
產刻溪做石門剛卯符誰傳異術飛龜秩務溯真源三元



全括五千字八藏何須億萬言

龍逢古塚

同上

肝膽空披死諫君黃河曲裏有孤墳未綿夏祚終餘恨但  
隕微軀豈足云弔古三杯田橫酒誅芳一譜屈原文慎然  
說壞天王聖知是忠魂不忍聞

函關鷄鳴

同上

河山百二控西秦谷口空傳古要津自聽鷄聲呼曉漏誰  
夸虎穴脫強鄰朝昏不戒川原勝車馬常清道路塵卻羨  
侯繻無復用關門閒殺掌晨人

項城暮雨

同上

石泉霖霖下天晴  
父老爲余指項城  
隆準入關先逐鹿  
重瞳扼險此連兵  
雲屯高占青山色  
鳥陣長依白練明  
殺氣千年猶未解  
巉岩飛瀑雨縱橫

風雪寺

并序

大中丞西林

鄂容安

去歲冬暮風雪中  
過曲沃鎮小憩道傍  
野寺茶香正  
清松篁深閉殊得塵外趣  
寺無名因名風雪重過偶  
題絕句時已己仲春望日也

野寺幾經過  
春深又此行  
看花兼聽鳥  
風雪隔年情

老子故宅

邑拔貢 許春臺

大化猶龍不計年青牛一度偶停鞭  
桃林紅撲簾初下門水綠搖窟正圓  
經著關中存道德人遊河上遇神仙  
行窩到處知何在西入流沙望杳然

龍逢古墓

前人

生前大節已空羣披得黃圖苦諫君  
九鼎鑄金延夏祚一抔敷土表秋墳  
南巢有恨餘荒草西邑無緣指落暉  
他日相將遊地下誰留折檻記朱雲

桃林牧豎

前人

聞到桃林久放牛而今牧事尙堪求紅蒸遠近飛霞爛綠  
染笠蓑逼水流幾曲田歌雜暮笛一鞭花影繞平疇武陵  
漁子如相遇錯認仙源欲汎舟

秦嶺雪樵

前人

釣罷寒江雪未消旋疑谷口又逢樵數家村隔深深徑六  
出花迷短短橋晚擔挑殘雪冷淡空山踏碎路瓊瑤林間  
霽色明如此獨下重巖未許招

項城暮雨

前人

暮色溟濛作雨看懸厓玉虹頓生瀾青雲簇擁斜陽下素

練橫拖峻嶺蟠闕力漫矜山可拔銷聲爭耐水猶寒千秋  
一泄重瞳恨長此瀟瀟夜未闌

漢廟古栢

前人

閒攜竹杖陟層巒漢帝祠前聳大觀故國漫留楓蔚蔚空  
山不剪栢九九柯條東向長安遠車駕西歸沛邑殘羞與  
秦松爭歲月龍葱黛色滿巖端

函關鷄鳴

前人

險絕秦家百二關行人誰唱大刀鏗地連鶉首天垂象客  
數鷄鳴士赧顏一帶河流聲森森三更月落影閒閒於今

鎖鑰巖疆重無復田文策馬還

黃流晚釣

前人

夕陽西下水東流有客垂綸最上頭孤艇不妨衝浪去一  
竿端爲釣鰲留漁村隔岸橫斜日歌板當門唱晚秋數點  
蘆花魚尺半歸來新月又如鉤

漢廟翠栢

前人

山光髣髴指砮礪古栢森森翠黛長借問漢家誰得似武  
侯他日有祠堂

項城暮雨

前人

鴻溝一割不堪論  
城下兵臨劇斷魂  
叱咤風雲都變色  
至今暮雨黯山村

宏農晚釣

前人

河流淼渺日光殘  
半世生涯托釣竿  
但使客星臨帝座  
桐江休說子陵灘





賦

函谷關賦

晉江統

登彼函谷爰覽邱陵地險逶迤山岡相承深壑累降修依  
重升下杳冥而幽峻上穹崇而高興帶以河洛重以崤阻  
經畧封畿因固設險異服則訶奇言必檢消姦宄於禾芽  
殿邪僞於萌漸及文仲之斯廢乃建仁而受貶聖王制典  
蓋以防淫萬里順軌疆場不侵撫四方而守境豈特阻於  
高岑彼桀紂以顛墜非山河而不深顧晉平之愛險獲汝  
叔之忠箴鄙魏武之墜志嘉吳起之宏心未代凌遲惡羸

氏之叛渙乃因茲而自增下凌上替山冢峯崩覽孟嘗之  
獲免賴博愛而多寵惟七國之西徂仰斯阻而震恐其隄  
險之難犯將羣師之無勇咨漢祖之絕關又見敗於勅項  
尹喜爰處觀妙研精李老西徂五千遺聲張祿旣入穰侯  
乃傾營陵之出稟築由生衛鞅及商喪宗摧名終軍弃繯  
擁節飛營覩浮僞於末俗思元貞乎大庭

函谷關賦

閻伯璵

函谷天險宏農邦鎮南據二號地荒三晉洞開一軌壁立  
千仞徑薦雙合梯苔孤峻世濁先封道康後順遠秦塞近

峻陵幽泉脈脈斷峰稜稜增陴霧杳聚柝煙凝高卑異級  
坻嶠相承靡肩靡究不騫不崩實隄防之樞轄爲造化之  
緘滕齊之以權衡危不可得約之以符璽信而有徵昏主  
旣廢聖人以興慎終於始欲罷不能觀夫憧憧往來騃駐  
成霧據於石東西十里臨其深前後咫尺步建瓴百二之國  
扼喉三七之路幅員旣長城小而固恃元化之陰隲望彞  
倫之攸序於是勅用傳禁棄繻商君本魏之公子柱史乃  
周之臣符知結草之可守故習坎以無虞原夫阻河稱深  
因山爲衛背宇宙之衝連阡陌之勢萬方納欵百工獻藝

四旁磔攘諸侯之政典一丸成功陪臣之邪說直指天符  
變梯夷之末橫分地維弛旂旒之贅聿修綱紀以遏醜戾  
或懸門而不發殊勇夫之重閉懷德惟甯將鎮其細旣皇  
漢之辟國實肩鏞於新安固之胡易捨之則難復襟帶於  
故道徒頽壤而未乾善孟子之禁暴惡滅孫之謬官存古  
訓以是式庶斯文之不刊

懷忠賦

唐 歐陽詹

丙寅歲因受譴季冬之月次於函谷歷關龍逢墓焉昔聆  
其風未嘗不迴腸隕涕覩夫坐壘心又增傷遂寫憤於言

爲賦以弔先生以忠諫致命故以懷忠命篇云  
天生彼癸兮用殲覆於夏家欲悠悠而罔極毒浩浩而無  
涯無辜殞身肆市朝之若莽有道併命委炮烙以如麻伊  
先生之諤諤爲酷烈之所加嘗披圖於往載每廢卷於興  
嗟蕭條舊邑莽蒼空陂陷陵成坎古木無枝或曰此其墓  
也又一倍以贈悲嗚呼麟非騰噬之儔詎虎狼之共穴鳳  
實仁靈之類豈鷹鷂之同列惟玉石之明分亦薰蕕之自  
別是以蹇蹇心競昂昂面折彼炎炎之燎原信撲撲而不  
滅甯歸死以申懷不貪生而結舌痛矣哉古人有言輔仁

者天福善者神胡爲是日功不如人使典章之不信俾忠  
義之空勤律中大呂日臨蒙谷風颼颼於衰草烟茫茫乎  
平陸思悽悽而填臆淚淫淫以盈目義則非其知友親故  
遠夫骨肉節臨危而不撓行於艱而彌篤惟其有之是以  
傷之而慟哭

育賢泉賦

明許讚

靈寶邑學直櫺星門下有泉焉出自正統初年甘冽可食  
因名育賢泉流里許卽入大河不慮其不至海也余自蚤  
年遊學於茲今筮仕二十年碌碌如舊念惟本原之地佳

麗之跡爲之作賦其辭曰詠髦士而興樸棫美君子而先  
菁莪此詩人取物類之近似明樂育之衆多詠斯泉之奇  
勝命佳名其奚過直黷池而感沸經石山而逶迤當川原  
之膠臈出邱壑之漑硤函谷南通而浹漫中條北峙而籠  
從桃林衍西原之塞甘棠望東郡之風逢昭代而建城邑  
相與隅而啟學宮三才會感一氣潛通乃若湧羣珠兮翻  
淖噴寒玉兮深潢土積膏而成滴地綻脈而迸光初涓涓  
兮沙底稍澹澹兮溪旁遂合流而穿樹乃繚邱而繞岡澗  
澗云云涵涵泱泱淙淙淫渟泔液澗澗濃隆冬温煥而不冰

旱夏寒冽而長漣榮青莎激碧鮮濯紫芹滋綠荃溪毛紛  
如錦纈絢然輕漚飄霜雪之璀璨幽潭湛琉璃之澄鮮潤  
千畦而並蒔瑩一鑑而常圓深汲不盡永輪不涸或月浪  
搖空涼颺淨宇銀漢遙連冰壺共覩潤通上下光徹仰俯  
吸沆瀣之茫茫披露華之溥溥驗夜氣兮須臾契道心兮  
千古或雨霽迎梅風暄試扇照岸畔之繁花拖松陰之匹  
練泥燕頻來山禽屢盼或被袂兮沙頭或高歌兮水面歎  
逝者之如斯洵一氣之相轉於是掬清冷以洒其心兮挹  
浩瀚以沛其文沐汪濊以涵養兮茹膏液而陶薰水荐至



以常行兮澤相麗而資羣遡洙泗以尋源兮指濂洛而周  
遊河伯之望洋兮何戚而歎子輿之觀瀾兮何術以求就  
其淺以泳兮就其深以舟鳶魚上下兮潑潑天雲徘徊兮  
悠悠究萬殊於一本觀大德於川流存見少而漦漦兮奚  
自多而休休必左右之逢源兮始出涘而知羞領河圖於  
羲卦之未畫會龜書於禹範之無疇湖海非至大之域涓  
滴非至細之儔噫吁勉哉惟敬遜時敏斯昭明有融凡我  
君子其尙觀彖於井玩象於蒙果行育德始明道而立體  
勞民勸相終致用而成功如月鑑之明水司烜是職李蘭

之蘋藻宗廟是崇誠亦不負於泉矣若夫澳忍渾濁滄淺  
濫汰濟盈不濡汨沒塵壙如井泥之無禽雨潦之溢澮惟  
茲泉之羞亦斯文之害泉之義大矣哉不然何以美惡殊  
源感召異向或緣以貪墨或因而狂妄聰明成牛相之聲  
華廉讓著范公之雅望邑路通長安每聞西使道漢之太  
液唐之華清方丈瀛臺之室已荒頽於菅莽玉龍鳧雁之  
嬉空餘剩乎蛙蟪此則崇台池以事仙幻飭泉館以悅傾  
城是以證嚮今故明質衡平茲雖長江大河尙不能洗滌  
其污穢其與清流靈派同東注而澔澔者孰可尤而孰可

名也耶城南楮廣文好賢樂善素愛此泉聞而是之乃爲  
歌曰泉水之盈科兮君子以自新泉波之渙漫兮君子以  
經綸泉之流兮赴滄海賢之達兮近紫宸前波逝兮後波  
續前賢建立兮後賢仰遵泉之長兮無盡賢之出兮何垠  
山川草木兮精采長春又歌曰文運昌兮禮樂純奎璧爛  
兮泰階均閭闔啟兮俊乂賓宴瓊林兮錫玉醮舞咸英兮  
奏詔鈞海宴河清兮仰一人地效靈兮儒效珍千年萬年  
兮泉粼粼泮芹豐芑兮同不泯

梁文貞賦

許讚

人之性有本于天植而凡物不足以搖奪之者是浩然之氣也是氣也有擔當有忍耐不爲習染所移文貞痛母不逮養穿壙廬墓汛掃供奉人可能也至啞默三十年如一日不可能也是孟子所謂至大至剛曾子所謂大孝置之而塞于天地者言異理同文貞有焉樹欲靜兮風不停日欲晞兮寒雲暄親不遠兮子身在而伶仃昊天彌亘于億萬里兮親恩何其可形少從軍兮邊庭荷霜戈兮淚零望高堂兮多繁星聽音聲兮過郵亭歲月忽其愈邁兮注雨淚之泠泠一朝偶還鄉土兮親棄養而日曠痛承顏之終

絕兮有身有生其曷甯與其圖來世之養兮孰若由隧而  
供奉于幽冥若乃穿壙爲門晨夕汛掃廬于墓左暗默不  
言痛惟此舉兮固已致孝理于無極歷三十年而無間兮  
亘古今而一聆至哉天性厥孝難銘甘露降于瑩水兮白  
兔效靈昔絳老言年武子厚賚而謝過范升精易漢帝寵  
重而辟官何文貞道純仁孝兮寂徵命之未經羌天意旣  
爲之明格兮胡人事反爲之幻骨君固重孝誼而輕時名  
兮求治者捨是何以爲斯世之儀型君號人也愚生長斯  
土敬爲文以弔嗚呼號水如帶兮號山如屏號田廡廡兮

號樹長青招子之魂兮薦水萍孝名歷千年兮日星熒熒

東厓賦

山陰解元

張直

天開分野兮填星耀祥川封巨鎮兮華山面陽凌虛萃立  
兮熊耳孔長搏雲補關兮外方允臧桐柏環於朱圉兮靈  
叔之包荒陪尾聯於鳥鼠兮氣象之昂藏中條起於蒲兮  
延袤之無疆秦嶺終於號鎮兮形勢之相亢伊洛以宏兮  
啟道源之澄澈瀝澗以疏兮裕名流之清冽滎波不與兮  
屏沴氣之消融荷澤不濫兮湛天元之瑩潔兩汜其涯同  
兮而孟豬之覃被九流其貫通兮而汝穎之旁達衆水其

文兮而宏農之潤開一源其派別兮而育賢之泉吐名  
山大川兮推中州之獨完圖青寫練兮侈東崖之奇觀金  
天席地兮充一榻之燕安吟風弄月兮儲三友之盤桓看  
薔薇兮老東山之謝障川流兮依北斗之韓登絕頂兮望  
崔生之日跳清流兮觀孟氏之瀾放龍山之馴鶴著鹿皮  
之圓冠摩虎石之瑰奇兮以礪發強之操撫虬松之蟠屈  
兮以達含貞之妙覽花卉之榮悴兮以悟消長之機披雲  
烟之聚散兮以識盈虛之道躡巒嶼之峻層兮以禪文思  
之豪聽泉流之潺湲兮以釋人心之躁內達其順兮而弭

雲集鼎元  
陟峴之悲外黜其累兮而忘結毛之好身不愛珍兮而鄙  
河上翁之貪志不在魚兮而卻晉文公之釣節彼崆峒兮  
以廣成而擅名照茲石紐兮以平成而著靈維赫商巖兮  
以夢形而底譽維崇首出兮以保釐而流英邈茲泉兮由  
呂公之發聞仰崧高兮由申伯之孕子跂終南兮由盧生  
之豹隱稱少室兮由李氏之蜚聲迨東厓百年之寄跡兮  
而與西山千古之爭能元之達辭兮有彰隱德仲雍制蕡  
兮有輝異蹟道元紀事兮迺見於程呂溫著銘兮迺鑿於  
石頌衢室兮汾之通表周渠兮頽之哲詠廬山兮吉之修




記太一兮眉之軾我歌南山白石之調兮以播東厓之德

記太一兮

藝文下 賦

三

〇  
九  
九  
〇  
〇  
〇



1111

穢祥

漢建武七年六月大水宏農都尉治爲水所漂殺民傷稼  
壞廬舍二十九年宏農蝗熹平四年宏農螟

晉永平三年宏農雨雹深三尺咸寧五年宏農雨雹太康  
元年又雹二年再雹元康三年復雹

唐開元末桃林縣南尹喜故宅得靈符

後唐咸平二年七月庚寅靈寶縣暴雨崖圯摧壓死者十  
有二戶

宋大中祥符三年七月號州聖女觀生芝草三本

元至順元年靈寶螟

明成化二十年靈寶大飢民死徙者殆半

嘉靖六年冬十二月靈寶縣馮佐村黃河清凡三月  
嘉靖七年冬飢民多餓死

嘉靖十一年靈寶縣獲白鹿是年縣民李仁子牽犬出  
獵坐崖下崖傾壓焉犬歸號甚急仁乃施從犬所之犬  
跑覆土露一裾因掘得其子救良救復甦

嘉靖乙卯年地震寺廟民房傾圮無數

崇禎十一十二十三年天道亢旱赤地千里寸粒不收

民飢死者十之四五

崇禎十四年流寇破城有被殺者倉庫官衙俱焚子遺  
逃竄地土荒蕪

國朝順治十三年六月門水暴發漂沒房屋居民有被溺  
死者

康熙元年秋霖雨三十日

康熙十一年秋七月蝗飛蔽天食禾殆盡

康熙十四年夏旱兩月禾苗未生百姓惶恐過報上憲  
題請蠲免錢糧十分之三

康熙十六年六月初九日暴雨衝崩東西城湮沒民間  
房屋有百餘所

康熙十八年秋霪雨自八月初四日起至九月初十日  
晴房傾墻垣秋禾鮮收

康熙二十七年六月十三日夜暴雨壅閉西門水至丈  
餘人民號泣忽城內門自裂乃免

康熙五十九年大旱秋禾全無多令捐俸沿村粥賑  
乾隆八年七月內梨灣寨等十八村秋禾被災六分蠲  
免大糧十分之一賑濟常平穀一千九百四十六石

嘉慶二十年九月二十日夜地震房屋傾圮傷人無數  
道光十年又四月二十二日戌時地大震

道光十七年夏旱蝗飛蔽日秋蝻食禾殆盡

道光二十二年夏蝗二十九年八月十四日雨雪傷禾  
二十四日大雨雹

道光二十三年七月十四日午黃河暴漲城西門外水  
深丈餘漂流房舍樹木無算

道光二十六年大旱邑人有剝木皮搗石爲麴以救飢  
者道殣相望至次年秋乃雨

咸豐三年六月十八日夜大雨好陽河水暴漲至神窩  
村水面忽起如樓舍中有笑語聲少頃水益大漂沒  
盧舍人畜甚眾

咸豐六年蝗七年又蝗十年黑蟲食禾

同治元年蝗二年二月初八日霜麥苗盡稿八月霖雨  
四十日棉花朽落者大半三年雨雹大如卵擊傷人  
畜無數九月十四日午刻空中有聲如鼓者三頃之  
樂音繚亮自西北迤邐而東移時始杳

同治五年夏縣南十里麥秀兩歧



同治六年七月黑蟲食禾西路諸村被災尤劇

同治十年四月初一日晚十里堡厓崩壓死數十人十一年四月初八日黃風大至偃禾拔木

同治十一年五月二十五日午有風濱河起旋轉如車輪扶搖直上數十丈其下方正如臺中秀竦上嶽巖具樓閣狀碎訇有雷聲折而西至閔之旅店村又折而北渡河所至居民屋舍樹木多損傷者

同治十一年五月又有羊角風自西南起至川口鎮北有居人吳姓某遇之昏暈仆地移時始醒雙目失明

鄰村有卜者習祝咒之術試治之越日愈

同治十三年六月初一日雨雹雷電以風馬泉頭楊店  
等十餘村損傷禾棉殆盡大木斯拔八月初二日復  
大雨雹東古驛等十餘村亦如之又霖雨四十餘日

外紀 紀事 紀言 紀物 紀異

左傳之外厥有國語志所未及而旁搜以廣其紀載則外紀著焉或一事而前後互見詳畧同異分矣稗史野乘在所不遺要使博採而不傷於誕庶不至貽譏於大雅也紀事紀言紀物紀異凡四

紀事

周 武王放牛於桃林之野

號仲號叔爲文王卿士勲在王室文王友愛二弟謂之二號武王十三年封號仲於故夏之墟宏農陝縣東

南之虢城是爲西虢封虢叔於滎陽是爲東虢東虢  
檜爲鄭桓公所滅在幽王之世入春秋則已無東虢  
矣左傳虢叔死焉此東虢也王貳於虢此西虢也孔  
穎達正義云春秋列國邾有小邾燕有南燕而虢直  
名爲虢者於時東虢已滅故不復別之爲西也今鄭  
州汜水縣東十里有東虢城以東虢爲鄭滅時尚有  
西虢故別之爲東陝州靈寶縣治南有虢州城時止  
有一虢故不復別之爲西亦猶春秋之稱虢也

顯王三十九年秦伐魏圍焦曲沃

慎靚王三年楚趙魏韓燕伐秦攻函谷關秦出兵迎之  
五國皆敗走

赧王十七年齊韓魏伐秦敗其軍於函谷

秦

莊襄王三年秦伐魏魏公子無忌率五國之師敗之追

至函谷而還

二世二年冬陳涉所遣周章等將西至戲應邵曰戲宏農湖西界也

秦章邯擊破周章軍而走遂殺章曹陽晉灼曰亭名在宏農東十三里

漢

高帝二年正月漢王出關至陝撫關外父老還

武帝元鼎三年冬徙函谷關於新安以故關為宏農縣

成帝時以南山羣盜備宗等數百人爲吏民害拜故宏  
農太守傅剛爲校尉將邀射士千人捕逐

更始二年十二月青犢赤眉賊入函谷關攻更始

更始三年正月赤眉至恒農與更始諸將連戰克勝衆

遂大集前及鄭乃相與議曰今迫近長安當求劉氏

共尊立之六月遂於鄭北設壇場立劉盆子爲帝古

注在枯樅山下屬恒農

更始三年二月更始遣討難將軍蘇茂拒赤眉於恒農

茂軍敗死者千餘人三月遣李松會朱鮪與赤眉戰

於務鄉松等大敗棄軍走死者三萬餘人

續漢志宏農有務鄉

東關記曰徐宣樊崇等入至恒農枯椹山下與更始將蘇茂戰崇北至務鄉轉至湖湖即湖城縣也以此而言其務鄉蓋在

後漢

光武建武二年二月遣驃騎大將軍景丹率征虜將軍

祭遵等二將軍擊宏農賊破之

建武二年赤眉延岑暴亂三輔郡將大姓各擁兵衆大

司徒鄧禹不能定乃遣馮異代禹討之勅異曰三輔

遭王莽更始之亂重以赤眉延岑之酷元元塗炭無

所依訴今之征伐非必畧地屠城要在平定安集之

耳諸將非不健鬪然好虜掠卿本能御吏士念自修  
救無爲郡縣所苦異頓首受命引而西所至皆布威  
信宏農羣盜稱將軍者十餘輩皆率衆降異

建武三年正月鄧禹自河北渡擊赤眉於湖禹復敗走  
赤眉遂出關南向

晉永嘉二年漢劉聰等長驅至宜陽聰恃連勝不設備宏  
農太守垣延詐降夜襲聰軍大敗而還

北魏太平二年薛安都寇宏農八月冠軍將軍封禮率騎二  
千從涇津南渡赴宏農



孝武帝永熙三年帝至稠桑潼關大都督毛洪寶迎獻  
食八月宇文泰遣大都督趙貴梁禦甲騎二千來赴  
乃奉迎帝過河謂禦曰此水東流而朕西上若得重  
謁洛陽廟卿等功也帝及左右皆流涕

西魏

文帝大統十六年秋七月安定公宇文泰東伐至恒農

齊師不出乃還八月丁丑宇文泰率李弼等十二將  
東伐至潼關獲東魏將高叔禮送於長安戊子至宏  
農攻之城潰擒東魏陝州刺史李徽伯虜其戰士八  
千守將高干走渡河命賀拔勝追擒之並送長安於

是宜陽邵郡皆歸附

東魏

靜帝武定元年三月勃海王高歡大敗西魏師於邙山

追奔至宏農而還豫洛二州平

周

武帝保定五年十月改函谷關爲通洛防

隋

恭帝義甯二年唐劉文靜取宏農

李密既歸唐拜光祿卿封邢國公殊怨望未幾聞故所

部將多不附世充者高祖詔密以本兵就黎陽招撫

故部曲經畧東都王伯當以左武將軍爲密副馳驛

東至稠桑驛有詔復召密密大懼謀叛伯當止之不

從乃簡驍勇數十人衣婦人服戴髻離藏刀裙下詐  
爲家婢妾者入桃林傳舍須臾變服遂據其城掠畜  
產趨南山而東馳告張相以兵應已熊州副將盛  
彥師率步騎伏陸渾縣南邢公峴之下密兵度橫出  
擊斬之伯當俱死傳首京師

唐

武后垂拱三年九月虢州人楊初成自稱郎將募州人  
迎廬陵王於房州不果見殺

明皇天寶十五載六月丙戌哥舒翰及安祿山戰於靈  
寶西原敗績

肅宗至德二年九月廣平王領番漢之衆收西京走安  
守忠賊之死者積如山阜王師乘勝至陝郡賊懼令  
嚴莊傾其驍勇來拒廣平王遣副元帥郭子儀等與  
賊戰於陝州西之曲沃大破之斬首十餘萬嚴莊奔  
十月戊申郭子儀等進攻與賊戰於陝州西之新店  
賊衆大敗斬首十萬級橫屍二十里庚申安慶緒與  
其黨奔河南

宋

真宗大中祥符八年八月戊戌詔京兆河中府陝同華  
號等州貸貧民麥種

高宗建炎三年春正月辛卯都統邵興及金人戰於潼關敗之復虢州

紹興三年夏四月丙申偽齊李成攻陷虢州

紹興五年九月丙寅岳飛遣統制王貴郝晷董先復虢

州盧氏縣

金

世宗大定初蒲察世傑復虢州

宣宗貞祐四年十月庚申招射生獵戶練習武藝知山

徑者分屯陝虢要地

元

世祖至元八年九月降虢州爲虢畧縣十年十二月省

陝州號畧朱陽二縣入靈寶

順帝至正十六年九月汝穎賊黨李武崔德等西陷陝州遂斷崤函勢欲趨秦晉察罕帖木兒往擊之鼓行而西遂拔崤陵立柵交口陝州城阻山帶河賊轉南山粟給食固守攻之猝不下察罕乃焚馬矢營中如炊烟狀賊畏兵衆不敢逼而夜提兵拔靈寶城賊始覺卽棄陝州渡河陷平陸掠安邑蹂晉南鄙察罕追蹙至下陽津溺死者甚衆

明  
崇禎七年春正月庚寅總兵官張應昌渡河敗賊於靈

寶夏四月賊自湖廣走盧氏靈寶八年七月十三甲  
張獻忠突朱陽關總兵尤世威禦諸號臺敗績

十月左良玉抵靈寶合遼東總兵祖寬兵剪賊於澗  
口焦林焦村朱陽關地也十一月李自成出朱陽關  
張獻忠人據靈寶關王高迎祥亦與合良玉寬禦之  
靈寶不能支陝州陷

國朝康熙四十二年十月

聖祖仁皇帝西巡回鑾經靈寶

駐蹕曲沃鎮摩雲寺越日至陝州

同治元年五月粵匪偽扶王陳德才偽端王藍成春偽  
導王賴汝洸偽啟王梁成富偽天將馬融和等率黨  
三萬餘人由華陰越潼關突豫境初四日陷閿鄉遂  
進圍靈寶會陝西駐防委營總圖克唐阿率馬隊三  
百抵境縣令杜翊納之與爲城守賊攻三晝夜皆擊  
卻昇雲梯敵宇全至先是修城掘地得明季舊礮一  
尊置城上守兵發之適斃賊自賊駭退遂攻破近城  
各寨殺擄之慘幾無孑遺越日竄入陝州

八月皖匪捻首姜太林孫四牙王懷義周化臨韓老萬



張小明等分股繞山徑入陝州二十一日竄靈寶代  
理知縣康曾定會同城文武紳耆竭力守禦先是五  
月粵逆犯靈寶守城火器缺乏曾定籌經費購製大  
小礮三十餘位甫抵縣賊亦踵至城賴以守賊遂率  
大股分踞各鄉村焚廬舍破砦柵恣殺擄掘窖藏烟  
焰彌空尸骸橫野蹂躪十四晝夜乃颺去入盧氏  
五年九月三十五六等日皖匪張牛一股由韓城鎮觀  
音山竄陝州夜至靈寶西界縱火焚掠照耀如晝沿  
途居民悉受其害俄由閩鄉疾馳入陝

紀言

左傳守桃林之塞杜注今潼關是也三秦記曰桃林塞在長安東四百里元和郡國志桃林塞白靈寶以西至潼關皆是也

帝王世紀云虢有三焉周興封虢仲於西虢此其地也封虢叔於東虢卽成臯是也今陝郡平陸縣是北虢應劭漢官儀云宏大也所以廣大農業也

戴延之西征記曰函者道形如函也孫卿子曰秦有松柏之塞是也

尹翁歸舉孝廉爲宏農都尉徵拜東海太守過辭廷尉  
于定國定國家在東海欲屬託邑子兩人令坐後堂  
待見定國與翁歸語終日不敢見其邑子旣去定國  
乃謂邑子曰此賢將汝不任事也又不可干以私

老氏聖紀圖河上翁授漢文帝道德二經旨奧帝乃齋  
戒受之唐開元七年左庶子劉子元上議今之所注  
老子是河上翁其序云河上翁者漢文帝時人結茅  
庵於河曲因以爲號以所注老子授文帝因冲空上  
天不經之鄙言流俗之虛語漢藝文志注老子者有

三家河上所釋無聞焉請黜河上翁升王弼所注司  
馬徽亦云漢史實無其人然所注以養神爲宗以無  
爲爲體請河王二注俱行

韓休爲虢州刺史虢於東西京爲近州乘輿所至常稅  
廩芻休請均賦他郡中書令張說曰免虢而與他州  
此守臣爲私惠耳休復執論吏白恐忤宰相意休曰  
刺史幸知民之弊而不救豈爲政哉雖得罪所甘心  
焉訖如休請 盧杞爲虢州刺史奏言虢有官豕三  
千爲民患德宗曰徙之沙苑杞曰同州亦陛下百姓

臣謂食之便帝曰守虢而憂他州宰相材也詔以豕  
賜貧民遂有意柄在矣俄召入踰年拜相按兩人皆  
以虢州守臣言公家事而休見疑於名相杞受知於  
猜主遇合有命信哉

楊於陵寶厯中以僕射入覲其子嗣復率兩榜門生迎  
於潼關宴新昌里第時元白俱在賦詩席上楊汝士  
詩先成元白覽之失色汝士大醉歸謂子弟曰吾今  
日壓倒元白

裴令公度居洛夜飲半酣公索句元白有德色時公爲

破題次至楊汝士曰昔日蘭亭無豔質此時金谷有  
高人白知不能加遽裂之曰笙歌鼎沸勿作冷淡生  
活元顧曰樂天所謂能全其名者也

純物

夸父之山多櫻柗竹箭多牝牛羝羊陽多玉陰多鐵桃  
林多野馬

山海經云夸父之山其北有林名曰桃林廣圍三百里  
中多馬造父於其中得驂騑駉之乘以獻穆王

硯史云西都會聖宮石在溪澗中色紫理如號石號州

石理細如泥色紫可愛發墨不滲

筆經曰宏農張芝用鼠鬚筆

紀異

呂氏春秋曰有莘氏女子採桑得嬰兒桑中其母居伊

水故命之曰伊尹 伊尹母化為空桑

春秋莊公三十二年秋七月有神降於莘以聲接人居

莘六月

范曄後漢書張楷字公超隱居宏農山學者隨之所居

成市能為五里霧後華山南遂有公超霧市

吳均續齊諧記宏農楊寶見一黃雀爲鷓鴣梟所搏取之  
以歸置巾箱中養之百餘日毛羽成朝去暮還後寶  
久讀書未卧有黃衣童子向寶再拜曰我王母使臣  
昔使蓬萊不慎爲梟所搏蒙君仁愛救拯今當受使  
南海不得奉侍以白環四枚與君令君子孫潔白且  
位登三事當如此環矣



靈寶義勇彙編 附

同治元年粵皖各匪竄境團民陣亡暨守者被戕者採錄

於後

九品 亢芳芝 九品 張書聲 九品 張崇德 九品 張英才 九品 閻廣智

增 許展騶 監 張守謙 監 張篤行 監 張龍壘 監 張問仁

監 張圖書 監 張龍壽 監 張乃河 監 張東海 監 張慎言

監 張居嵐 監 亢榮光 監 張邦教 監 張連漪 監 張正元

監 蔡朝聘 監 許廷鑑 監 張德修 監 張鶴聲 監 秦九霄

監 趙毓祥 監 盧寶善 監 蘇春魁 監 蘇元麟 監 張展猷

靈寶義勇彙編 卷一 義勇

生張鵬員生亢濟普員生韓補拙員生張金銑員生呼延射

生陰凌霄員生潘恒泰員生張鴻飛員生秦有容員生張典章

生張斗南員生張漢章員生張定山員生薛絨三員生薛典三

武許魁甲員生許揚廷員生黃輝彩員生張堯典員生張維仁

更朝俊魁張轉子董玉鏡張天福張金堂

張海子張平安張世安張紀子張世隆

張玉璋張三元張兆英張拴子張子樂

張子明張子仁張金五張銀五高月祿

張景全張朝仁張朝榮張荷談張吉人

理問 任志學 干總 何子南 奏廳 蘇文炳 九品 何俊秀 監生 伍玉觴

監生 袁春生 監生 趙玉祥 監生 任重 監生 張英舉 監生 蘇明都

監生 楊會清 監生 李書泰 監生 薛春榮 生員 張中庸 武生 張凌漢

壽官 毋厭詩 壽官 齊汝榮 壽官 秦宜思 壽官 秦崇武 毋不重

毋伐善 王履泰 張玉斗 張鳳簫 張鳳翔

何子班 王永貴 僧金聲 一任廷雲 賀茂林

李朝棟 李根娃 王樹枝 李自兆 李蒼子

楊泮林 亢瑞雲 秦振羽 秦紹宗 韓焜

韓科 姚振方 邵乃望 邵鍾都 邵甘霖

言實系古 卷之八 義勇 二

邵三會 邵學士 李清泰 杜文榜 杜文元

杜永全 張存性 張存修 張存財 張同儒

張來收 李三合 李文周 李占元 楊金印

張潭清 崔元堂 郭青甫 亢雲江 李際泰

蘇憲章 許開業 楊記 李惠 李本源

李生輝 王承帝 張自康 張懷玉 張懷振

劉天祥 劉安祥 劉占英 李生暉 李安華

郭文民 錢發舉 陳廷麟 陳廷時 張重簾

郭增 郭均 郭十義 趙自立 郭學詩

許占魁 許囊寶 常長儒 陳登 林長娃

溫羣子 黃代明 陳鎖子 張改名 王長魁

玉桂年 徐根羊 蘇振和 常清洛 常學道

郭連城 張奇 杜高雲 陳玉堂 孫祥兒

崔根榜 喬安邦 袁長泰 徐振德 王天慶

王來娃 亢守謙 蘇起雲 徐中途 彭思

趙璵 盧保仁 黃申娃 杜隨子 胡二

陳榮公 徐安道 屈能伸 袁夥 崔向榮

李炳勳 孫拐娃 王芝良 蘇思正 徐羊兒

李炳輝 梁成 張牛 宋之榮 段尾巴

溫煥石 許欽 許福魁 許佩紳 許鹿子

王義 邢三晏 段自新 白中靈 尙長治

杜掌兒 何學貴 李建元 侯山兒 何五兒

劉平兒 卯勝軒 梁思成 梁大購 梁寶枝

高四娃 李彩桂 陳邦英 李昌厚 陳天元

崇玉堂 史清晰 史玉班 史執銳 史太和

史恒元 史成元 史殿升 張興同 張向魁

張振春 張舒翹 劉復生 張安吉 張漢西

|     |     |     |     |     |
|-----|-----|-----|-----|-----|
| 張小虎 | 韓多元 | 吳老四 | 毋殿魁 | 孫自金 |
| 戴成德 | 胡山  | 南清玉 | 段保子 | 何萬許 |
| 崔智  | 董法鰲 | 韓廣施 | 郭良雲 | 何堂子 |
| 張書桂 | 韓紀元 | 韓前子 | 侯振東 | 韓成元 |
| 韓盛堂 | 韓九昌 | 張書堂 | 張定子 | 范畏靈 |
| 張祥年 | 李登清 | 陰詠鳳 | 李悶娃 | 李小吉 |
| 李會子 | 閻毛娃 | 李萬德 | 李萬祥 | 陰元  |
| 陰串子 | 吳天才 | 李占魁 | 郭來娃 | 李過兵 |
| 吳思尊 | 吳登科 | 吳登榮 | 吳書甲 | 吳甲寅 |

屈萬貴 屈萬良 許牛羣 李相元 張殿吉

張東福 馬思公 王昭祥 董法金 董過子

董德茂 許天成 朱凸子 武小羣 張邦娃

李秀書 李同書 李生春 王自春 吳殿才

張長星 常支娃 車有子 荆禮 亢折桂

亢勞子 王清福 盧克元 薛步斗 薛步霞

彭成索 段維漢 段順來 段成祥 韓廣淵

許致義 許開吉 許貴子 許金斗 許秉振

許鴻臣 許雙元 許隨子 許清輝 許秉時



史正位 史隨成 史執柯 史善世 史從雲

史壘林 張成林 張中元 張一元 張昌元

張俊明 張楨 韓振興 張耀林 張質

張樸 張模 史恒智 史可披 關書廷

李芳蘭 趙以瀝 張吉堂 張根吉 張紹泰

張三樂 張三槐 張法程 張全花 張明哲

張書堂 張甲寅 張成名 張新誠 張維誠

張希正 管長才 薛侯林 薛存英 薛楊鎮

張凌牛 張凌元 張希舜 張永益 張希文

張凌衢 張冲星 張冲翼 張冲漢 張伏生

張光兒 張鳳漢 張金針 宋成德 宋明德

宋法賢 張水橫 張凌房 張書林 張祥聲

張桂林 張簡聲 張勞娃 張 豫 張 順

張柳兒 張杏兒 張萬君 張萬川 張黑兒

張振南 張改子 張好仁 張層兒 張瀛洲

侯德正 侯勞兒 侯隨當 侯文郎 張敬事

張景華 黃坤元 侯克孝 黃正心 黃鶴興

黃長興 黃春福 黃中林 黃世英 黃中花

侯雙琪 屈蠻娃 黃長濬 侯受業 張本智

張本義 張世祿 張世德 黃中興 黃忠孝

黃春芳 黃鶴文 黃萬國 亢如圭 許有芳

許長林 許勵 許端 亢四合 亢士榮

亢瑞雲 亢成元 亢錫智 亢成羣 胡金榮

楊保樹 許磨環 孫萬英 王、道 王小回

蘇崇德 蘇鬧兒 王清吉 王宗本 樊從選

郭禮義 王金堂 樊步屏 王堂子 王來財

王方子 樊吉堂 樊正顏 王向義 樊承祥

王致中 樊正倫 張步月 蘇現魁 蘇維正

張生枝 張盛遇 張邦英 張凌漢 張凌箕

蘇映斗 蘇運昇 蘇連昇 張邦直 張凌尾

蘇世魁 蘇清魁 蘇蜂兒 蘇糖兒 蘇困兒

蘇元良 蘇中季 蘇宗威 王世恩 樊從周

邵乃望 秦封函 秦紹宗 秦宗子 秦滿莊

姚振方 姚臨抗 姚三姓 秦羣儒 秦狗銚

秦宜師 秦方貴 韓焜 秦生財 張玉懷

孟凝 王多福 張玉秀 張呈泰 張三益

張玉子 張樹人 張金玉 張樹林 張逢甲

張廣生 張成林 張萬金 張五子 張樹印

張壽娃 何雲徵 何改南 張玉清 張嘜子

張金交 張遵子 張蒲床 張剛子 張寄命

張修身 張海珠 張會子 張都行 張俊儒

張發兒 張重福 張展倫 張來貴 張宗義

張宗昭 胡興隆 胡購娃 胡宗堯 張福堂

張畏天 姚際唐 張省身 張行道 張遵道

張重文 張重行 張三女 張俊傑 張安仁

張利仁 張俊義 張興如 張興朝 李逢太

李元興 李元起 李萬方 李長玉 李純玉

何之順 張名貴 張杭州 張繁兒 張順義

張天漢 張較進 何同雲 張樹楠 張樹義

張一魁 張夢祥 張玉珍 張玉柯 張玉田

張明新 張作雨 張瑞堂 張樹春 張明寅

張興仁 張問禮 張鳳書 張應麟 申冠林

申兆林 何藏經 翟萬治 劉學文 紀法合

周天雲 楊聯甲 張丙寅 張三寅 張之剛

何萬樂

許開業

常豪京

常豪彦

常秉善

常書娃

常有娃

楊有義

郭金輝

郭金禮

何倚年

趙振河

趙金堂

亢孟郎

亢天德

党聯英

張五魁

李萬祿

趙萬紀

王青魁

王忠勇

趙春紀

楊長良

楊茂娃

楊得福

段謀魯

楊存詩

楊玉斗

楊漢文

楊作標

李欽斗

李勸

趙學懷

楊萬春

趙丙介

李崇業

李顯

許金玉

張麟經

毋月春

張貴兒

張貴兒

趙九娃

趙振乾

趙振海

毋彥節 楊永吉 楊漢武 楊青雲 閻知趣

楊純 狄發祿 杜朝相 汪登輝 張項兒

許永遠 張步瀛 蘇王秀 蘇元邦 蘇中霄

蘇灶兒 蘇蘭 蘇振鵬 蘇成霄 蘇金娃

蘇元省 蘇變 蘇復昌 蘇定花 蘇敬

蘇登科 蘇定辰 蘇振清 蘇加科 蘇六娃

蘇定娃 蘇金精 蘇三麟 蘇金縵 劉法福

王成娃 王四娃 王令娃 蘇雜豫 王長

王五行 蘇金枝 蘇根教 王中興 王興隆



李成憲 李丙軍 張法貴 亢冠賢 建錄行

趙范子 張步雲 孫承繼 李藍田 李思家

李嘉祥 張景明 李金書 李春元 李 玉

李金榜 李九成 李寶智 李寶三 李芳林

李新濶 李 亭 李炳花 李炳蔚 李景豔

李于濬 李于濬 李加科 李提章 李建基

李輝京 李 拖 李滿盈 李 本 李泮育

楊瑞瑞 張園子 張江海 張崇本 李炳輝

李四成 李好善 張漢章 張天恩 張天心

李 義勇

李 義勇

乙

張天聰 勞元良 尙和明 白鐵毛 紀芳名

屈丙寅 屈有增 屈兵子 屈得素 屈廷選

屈有升 屈琴 屈君選 屈赴選 屈雲路

屈思魁 屈好友 屈好智 屈萬祿 屈福選

閻得中 屈萬銀 甯天喜 屈志道 屈法明

屈保術 屈廷舉 屈青雲 屈園子 張自新

張鵬兒 張英烈 張振德 張明堂 張振東

李永昌 張海亮 翟玉印 翟轉娃 張永剛

張永祿 張士娃 何天秀 張來儀 李芳花

張祿堂 張盛魁 張同心 張純心 張書部

張如意 蘇金貴 蘇來貴 劉本善 劉殿英

劉殿鰲 張乙璽 張新年 張朝儀 張純周

張居官 張金聲 張炳茹 張登榜 石懷亮

石茂兒 張步霄 張秉田 石懷玉 石時娃

張問道 張萬朝 張成章 張懷智 張樂江

張玉成 張懷信 張書會 張萬方 張峰嶺

張萬峰 張洞 張汾 張磁兒 張濟川

張巨川 張臨川 張萬幾 張向辰 張葵兒

張改過 張林生 張唐娃 張庄子 張萬元

張萬凝 張楠子 張明志 張明志 張書魁

張三變 張三周 張三光 張須兒 張銀娃

索雙勞 張紀元 張百姓 張開隨 張紹君

張根尚 張灶子 張林祥 張伴常 張轉進

張步書 張紹義 張致中 張開府 張紹周

張清順 張紹渠 張永干 張中堂 張紹烈

張炳麟 張兆麟 邵鍾都 韓三科 邵甘霖

邵雨霖 邵雪霖 秦中貴 秦金貴 秦馭貴

|     |     |     |     |     |
|-----|-----|-----|-----|-----|
| 張彩章 | 張開順 | 張巷章 | 張登圮 | 張永孝 |
| 張長庚 | 張修詞 | 張明德 | 張邦禮 | 張名高 |
| 張慎餘 | 張萬銀 | 張思彩 | 張文林 | 張本善 |
| 張文靈 | 張紹斨 | 張邦元 | 張邦福 | 張育生 |
| 張春子 | 張丙吉 | 張清芝 | 張石頭 | 張湍漪 |
| 郭金鑣 | 郭金魁 | 郭學義 | 郭金貴 | 郭才兒 |
| 張登崗 | 王振海 | 王振宇 | 蘇玉明 | 張庚寅 |
| 張金庫 | 張鳳翔 | 關永立 | 常升  | 常長齡 |
| 亢民信 | 孟多識 | 張開義 | 張開書 | 張懷棟 |

義勇

張問義 張問平 張謂子 張開集 張如苞

張如萬 張開英 張永義 張合兒 張如茂

張世溫 張山兒 張席珍 張依然 張世彩

張成羣 張明玉 張重華 張來子 張順心

張立子 張福周 張殿祥 趙改名 趙五羣

牛廷舉 劉定邦 韓秀元 呂金堂 張喜元

張固元 任萬育 任寅子 王三鰲 王六娃

張鳳舞 駱小謀 駱小管 趙老四 劉老八

韓九賓 梁學孔 劉丑娃 張殿選 張虎娃

王振東 王振南 蘇世隆 王有財 王修魁

蘇一成 蘇法子 蘇貴娃 蘇根營 蘇起成

蘇旺 蔡金洞 蔡建林 蘇起蛟 蘇金波

邵金法 蘇成元 蘇中和 蘇明辰 蘇自存

蘇燕娃 祭夢花 蔡夢奇 王一清 蘇官隆

李篤行 蘇思明 蘇臨芳 蘇臨祥 王應修

蘇騰霄 蘇興林 王許官 徐中途 徐公輝

徐中華 蘇江東 翟應祥 翟應試 潘恒順

潘定山 翟善化 蘇隨幸 蘇合升 蘇自天

蘇自博 張大魁 張幸兒 蘇夢春 蘇得純

蘇學仁 蘇維桓 蘇元貞 蘇海水 蘇開水

蘇根來 蘇隨來 王強兒 蔡進中 蔡致中

蘇長榮 蘇長泰 蔡謙修 蔡萬興 蔡安平

劉法有 王興海 徐殿輝 蘇自安 蘇維枝

蘇九德 蘇九疇 蘇振海 張林泮 張鳳瑞

張鳳飛 張鳳祿 張林士 張林堂 張林儒

楊生魁 常媒娃 董玉鼎

以上九百七十八人係已請 旌入忠義祠者



殉難婦女

生員秦補拙妻何氏 生員潘恒泰妻荆氏 史著唐妻許氏

史著虞妻張氏 史著周妻王氏 史錄善妻陳氏

微 荆 楠妾張氏 史殿光妻宋氏 史正身妻黃氏

史性成妻趙氏 張掄元妻荆氏 史執銳母韓氏

史正辭妻蘭氏 張彥明妻席氏 張自恭妻邵氏

張士鴻妻張氏 周繼殷妻張氏 史清晰妻孟氏

史玉班妻王氏 張邦清妻孟氏 張俊明母亢氏

張邦耀母韓氏 張長齡母姜氏 張長庚妻王氏

張邦興妻樊氏 張芝林妻于氏 張思彩母張氏

張文林妻關氏 陳琛妻薛氏 張辛丑妻李氏

張宗魁母古氏 張希志母宋氏 張三曲妻楊氏

監生 荆典學妻薛氏 張甲辰妻張氏 張邦教妻喬氏

張邦典妻喬氏 張七娃妻樊氏 張邦福妻荆氏

張育生妻李氏 張邦玉妻王氏 張成烈妻齊氏

張並吉妻沈氏 張延安妻宋氏 張俊甲母李氏

張澄漪妻趙氏 張長安妻南氏 張蓮堂母焦氏

郭士坎母趙氏 郭兆妻張氏 郭宏義母張氏

張四五妻蘇氏 張廷魁妻樊氏 郭振祥母喬氏

張定山妻齊氏 席嘉言母焦氏 張炳麟妻沈氏

韓學堂妻焦氏 董懷合妻李氏 董懷義妻何氏

韓小祥妻程氏 楊光前妻陶氏 陰法乾妾景氏

陶君定妻楊氏 陳大雪妻韓氏 陰武雲母劉氏

陰武雲妻韓氏 韓小庫妻張氏 韓可元妻趙氏

李書堂母韓氏 張小記妻王氏 張景芳妻郭氏

亢芳林妻杜氏 亢保元妻袁氏 亢榮光妻孫氏

亢永長妻樊氏 張世忠妻齊氏 張樹楠妾岳氏

張步哲妻何氏 張清全妻劉氏 張芳芝妻齊氏

張篤行妻南氏 張金鑑妻樊氏 張漢書妻彭氏

張清河妻陳氏 張朝儀妻何氏 張丙寅妻齊氏

張海子妻陳氏 張世興妻齊氏 張玉清妻李氏

張玉魁妻齊氏 張世安妻齊氏 張金財妻何氏

張紀元妻袁氏 張清花妻何氏 張名貴妻南氏

何雲貞妻黃氏 張作雨妻車氏 張四保妻許氏

張元榜妻高氏 劉樹枝妻張氏 張逢甲妻何氏

張發貴妻王氏 張三益妻譚氏 張北瑛妻建氏

8 99 11 11 11

張步瀛妻袁氏 張玉琇妻張氏 張永義妻蔡氏

任來虎妻邵氏 張萬朝妻郭氏 張懷信妻梁氏

張秉義妻何氏 張雲章妻許氏 張運娃妻許氏

監生張儒臣妻史氏 任成文妻建氏 張世煜妻張氏

張開元妻關氏 張懷仁妻何氏 張問道妻張氏

張憲章妻許氏 張逢泰妻董氏 張景藝妻韓氏

亢芳芝妻張氏 許榮甲妻張氏 許揚廷妻張氏

建錄行妻許氏 孫萬英妻史氏 孫鳳翔妻齊氏

孫鳳德妻亢氏 孫龍翔妻蘇氏 孫振翔妻張氏

系志 卷之八 殉難婦女 十五

王世興妻齊氏 蘇崇德妻徐氏 王永稱妻秦氏

衛恒泰妻馮氏 王 記妻劉氏 樊庚申妻王氏

樊庚寅妻蘭氏 蘇運昇妾王氏 蘇暎斗妻楊氏

蘇宗瞻妻唐氏 蘇宗章妻王氏 韓三科妻許氏

邵慶雲母張氏 秦中貴妻張氏 秦封函妻王氏

秦應魁妻張氏 秦鵬飛妻狄氏 韓凌烟妻李氏

韓月江妻張氏 秦九思妻亢氏 秦有容妻張氏

秦紹德妻趙氏 亢居士母張氏 秦樹東妻焦氏

翟金城母亢氏 亢居士妻杜氏 亢三河妻杭氏

關更新妻王氏 孟中元妻李氏 亢清鎮妻張氏

亢中泰妻翟氏 李硯田妻蘭氏 李戊辰妻張氏

李 詠妻張氏 李海珠妻樊氏 李海清妻周氏

李祿廷妻劉氏 李丙花妻趙氏 李景恒妻陳氏

李樹森母杜氏 張天恩妻毋氏 張廷玉妻屈氏

屈問仁妻孫氏 屈問政妻王氏 屈書選妻張氏

屈文升妻高氏 屈保成母杜氏 李 拖母李氏

李 樹妻李氏 楊存友妻張氏 楊書元妻毋氏

趙萬紀妻楊氏 王忠義妻毛氏 趙永仁妻蘇氏

卷之八 殉難婦女 六

趙萬紀母林氏 吳成元母張氏 唐廷元母張氏

蘇玉秀妻李氏 蘇元麟妻白氏 蘇成霄妻曾氏

蘇振邦妻備氏 蘇彩章妻王氏 蘇至玉妻李氏

蘇定花妻張氏 蘇定辰妻王氏 蘇金法妻張氏

蘇金枝妻李氏 王振東妻侯氏 王修魁妻蘇氏

蘇元合妻馬氏 蘇凝蛟妻秦氏 閻自剛妻王氏

程應舉妻孟氏 蘇維桓妻李氏 蔡見周妻李氏

蘇長榮妻張氏 蔡萬興妻梁氏 蔡安平妻趙氏

蘇明祥妻徐氏 蔡同春妻郭氏 蔡層霄妻彭氏



蘇上林妻王氏 蘇根來妻張氏 蔡致中妻何氏

李天祥妻丁氏 蘇臨苦妻齊氏 蘇懷昌妻賀氏

蘇臨發妻王氏 閻威妻蘇氏 蔡謙修妻田氏

蘇世隆妻李氏 徐中途妻馬氏 蔡名來妻賈氏

蘇旺妻張氏 蘇金興妻史氏 蘇紀兒妻李氏

王興海妻何氏 蘇元枝妻張氏 蘇老辰妻焦氏

閻金娃妻姚氏 蘇合升妻張氏 蘇合興妻高氏

蘇思敬妻張氏 蘇應時妻樊氏 蘇木林妻亢氏

李復興妻樊氏 李來瑞妻樊氏 趙平章妻張氏

蘇夢春妻何氏 蘇維枝妻索氏 蘇永嘉妻李氏

蘇九鼎妻焦氏 蘇慎修妻李氏 蘇自福妻張氏

趙寬章妻李氏 趙存弟妻陳氏 趙存忠妻侯氏

張麟經妻何氏 張林泮妻張氏 趙 遍妻董氏

杜叢林妻李氏 杜振林妻王氏 張鳳瑞妻張氏

張鳳飛母胡氏 杜盛林妻馬氏 張成年妻薛氏

張青芝妻張氏 張鳳祿妻馬氏 張林儒母徐氏

監生 李書泰妻劉氏 張林儒兒妻張氏

以上已請 旌表者

張自恭女五姑 史玉班女二姑 張邦耀女瑪瑙

張芝林女改姑 張汝為女層姑 張朝兒女通卓

張儒德女竹姑 張建都女蘭英 張邦選女橋姑

張邦元女線姑 郭金魁女大姑 亢保元女蝶姑

張逢甲女環姑 張清花女雪姑 張飛熊女金姑

張懷耀女大姑 張秉忠女大姑 張清泉女煙香

孫鳳翔女大姑 蘇維正女淑姑 秦紹宗女孺子

秦百容女玉蓮 王世昇女大姑 陳萬邦女玉兒

楊玉斗女美姑 蘇成章女秦姑 徐中花女迎姑

潘恒升女小女 蘇維枝女齊正 張麟經女荷亭

以上已請 旌表者

監生 邵恒農妻李氏 生員 韓補拙妻何氏 生員 張兆麟妻王氏

張湧源妻党氏 趙體楨妻衛氏 韓興儒妻史氏

秦九思妻亢氏 貢生 楊書總妻伍氏 王殿邦妻陳氏

崔永清妻張氏 毋汝林妻史氏 生員 葛盛夏妻李氏

杜叢林妻楊氏 蘇西庚妾李氏 蘇雲峯妻何氏

李金周妻高氏 劉鳳岐妻王氏 趙之通妻張氏

趙以和妻杭氏 陳萬寶妻王氏 陳步超妻趙氏

陳龍堂母李氏 陳龍堂妻董氏

張楊氏 張賀氏 毋閻氏

史充氏 張齊氏 韓許氏

以上未請 旌表者

教諭 邵克煜女 訓導 史炳麟女 周法章女

劉思合女 李書泰女 何保成女

以上未請 旌表者

|  |  |  |  |  |  |  |  |
|--|--|--|--|--|--|--|--|
|  |  |  |  |  |  |  |  |
|--|--|--|--|--|--|--|--|